

衡山縣志卷十六

學校一

順治九年

欽頒學校臥碑

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後

一生員之家父母賢智者子當受教父母愚魯或有非
衡山縣志 卷十六 學校
為者子既讀書明理當再三懇告使父母不陷於危
亡

一生員居心忠厚正直讀書方有實用出仕必作良吏
若心術邪刻讀書必無成就為官必取禍患行害人
之事者適以自殺其身常宜思省

一生員不可干求官長交結勢要希圖進身若果心善
德全上天知之必加以福

一生員當愛身忍性凡有司官衙門不可輕入即有切
己之事止許家人代告不許干與他人詞訟他人亦



不許牽連生員作證

一爲學當尊敬先生若講說皆須誠心聽受如有未明從容再問毋妄行辯難爲師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不得糾黨多人立盟結社把持官府武斷鄉曲所作文字不許妄行刊刻違者聽提調治罪

康熙四十一年

衡山縣志

卷十六

學校

二

御製訓飭士子文

國家建立學校原以興行教化作育人材典至鉅也朕臨御以來隆師重儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學先立品行次及文學學術事功原委有敘爾諸生幼聞庭訓長列宮牆朝夕誦讀甯無講究必也躬修實踐砥礪廉隅敦孝順

以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩佚子衿佻達自昔所譏苟行止有虧雖讀書何益若夫宅心勿淑行已多愆或蜚語流言脅制官長或隱糧包訟出入公門或唆撥姦猾欺孤凌寡或招呼朋類結社邀盟乃如之人名教不容鄉黨切齒縱倖脫褫朴濫竊章縫返之於衷甯無愧乎况鄉會科名乃掄才大典關係尤重士子果有實學何患困不逢年顧乃標榜虛名暗通聲氣夤緣詭遇罔顧身家又或改

衡山縣志

卷十六

學校

三

竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若資厥拜獻便已作姦犯科則異日敗檢踰閑何所不至又安望其秉公持正爲國家宣猷樹績應後先疏附之選哉朕用嘉惠爾等故不禁反復惓惓茲訓言頒到爾等務期共體朕心恪遵明訓一切痛加改省爭自濯磨積行勤學以圖上進國家三年登進束帛弓旌不特爾身有榮卽爾祖父亦增光寵矣逢時得志甯俟他求哉若乃視爲具文玩愒勿警毀方躍冶暴棄自甘則是爾等冥頑無知終

不能率教也既負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業不修咎亦難追勿謂朕言之不豫也爾多士尙敬聽之哉

雍正元年

御製朋黨論

朕惟天尊地卑而君臣之分定爲人臣者義當惟知有君惟知有君則其情固結不可解而能與君同好惡夫

衡山縣志

卷十六

學校

四

是之謂一德一心而上下交乃有心懷二三不能與君同好惡以至於上下之情睽而尊卑之分逆則皆朋黨之習爲之害也夫人君之好惡惟求其至公而已矣凡用舍進退孰不以其爲賢而進以其爲不賢而退之惟或恐其所見之未盡當也故虛其心以博稽眾論然必衆論盡歸於至正而人君從之方合於大公若朋黨之徒挾偏私以惑主聽而人君或誤用之則是以至公之心反成其爲至私之事矣孟子論國君之進賢退不肖既合左右諸大夫國人之論而必加察焉以親見其賢

否之實洪範稽疑以謀及乃心者求卿士庶民之從而
皇極敷言必戒其好惡偏黨以歸於王道之蕩平正直
若是乎人君之不自用而必欲盡化天下之偏私以成
大同也人臣乃敢溺私心樹朋黨各徇其好惡以爲是
非至使人君懲偏聽之生奸謂反不如獨見之公也朋
黨之罪可勝誅乎我

聖祖仁皇帝御極六十年用人行政邁越千古帝王而大
小臣僚未能盡矢忠公往往要朋結黨

聖祖戒飭再三未能盡改朕卽位以來屢加申飭而此風

衡山縣志

卷十六

學校

五

尙存彼不顧好惡之公而徇其私矐牢不可破上用一
人則相與議之曰是某所汲引者也於是乎遠之若浼
曰吾避嫌也不附勢也爭懷妬心交騰謗口以媒孽之
必欲去之而後快上去一人則相與議之曰是某所中
傷者也親暱者爲之惋惜疏遠者亦慰藉稱屈卽素有
嫌隙者至此反致其殷勤欲借以釋憾而修好求一人
責其改過自新者無有也於是乎其人亦不復自知其
過惡而愈以滋其怨上之心是朝廷之賞罰黜陟不足
爲重輕而轉以黨人之咨嗟歎息爲榮以黨人之指摘

詆訾爲辱亂天下之公是公非作好惡以陰撓人主子
奪之柄朋黨之爲害一至是哉且使人主之好惡而果
有未公則何不面折廷爭而爲是陽奉陰違以遂其植
黨營私之計也書曰予違汝弼汝無面從退有後言當
時君臣告語望其匡弼而以面從後言爲戒夫是故一
堂之上都兪吁咈用能賡歌拜颺以成太和之運朕無
日不延見羣臣造膝陳詞何事不可盡達顧乃默無獻
替而狡猾叵測蓄私見以肆爲後言事君之義當如是
乎古純臣之事君也必期致吾君於堯舜而人君亦當

衡山縣志

卷十六

學校

六

以堯舜自待其身豈惟當以堯舜待其身亦當以皋夔
稷契待其臣孟子曰責難於君謂之恭陳善閉邪謂之
敬吾君不能謂之賊夫以吾君不能而謂之賊則爲君
者以吾臣不能亦當謂之忍語云取法乎上僅得乎中
苟不以唐虞君臣相期待而區區效法僅在漢唐以下
是烏能廓然盡去其私心而悉合乎大公至正之則哉
宋歐陽修朋黨論創爲異說曰君子以同道爲朋夫罔
上行私安得爲道修之所謂道亦小人之道耳自有此
論而小人之爲朋者皆得假同道之名以濟其同利之

實朕以爲君子無朋惟小人則有之且如修之論將使終其黨者則爲君子解散而不終於黨者反爲小人乎設修在今日而爲此論朕必飭之以正其惑大抵文人掉弄筆舌但求騁其才辨每至害理傷道而不恤惟六經語孟及宋五子傳註可奉爲典要論語謂君子不黨在易渙之六四曰渙其羣元吉朱子謂上承九五下無應與爲能散其朋黨之象大善而吉然則君子之必無朋黨而朋黨之必貴解散以求元吉聖人之垂訓亦既明且切矣夫朋友亦五倫之一朋黨不可有而朋友之

衡山縣志

卷十六

學校

七

道不可無然惟草茅伏處之時恆資其講習以相攸助今旣登朝涖官則君臣爲公義而朋友爲私情人臣當以公滅私豈得稍顧私情而違公義且卽以君親之並重而出身事主則以其身致之於君而尙不能爲父母有况朋友乎况可藉口於朋以怙其黨乎朕自四十五年來一切情僞無不洞矚今臨御之後思移風易俗躋斯世於熙皞之盛故兼聽並觀周諏博採以詳悉世務且熟察風俗之變易與否而無知小人輒議朕爲煩苛瑣細有云人君不當親庶務者信若斯言則皋陶之陳

謨何以云一日二日萬幾孔子之贊舜何以云好問好
察此皆朋黨之錮習未去畏人君之英察而欲蒙蔽耳
目以自便其好惡之私焉耳朕在藩邸時坦易光明不
樹私恩小惠與滿漢臣工素無交與有欲往來門下者
嚴加拒絕

聖祖見朕居心行事公正無私故令纘承大統今之好爲
朋黨者不過冀其攀援扶植緩急可恃而不知其無益
也徒自逆天悖義以陷於誅絕之罪亦甚可憫矣朕願
滿漢文武大小諸臣合爲一心共竭忠悃與君同其好

衡山縣志

卷十六

學校

八

惡之公恪遵大易論語之明訓而盡去其朋比黨援之
積習庶肅然有以懍尊卑之分歡然有以洽上下之情
虞廷賡歌颺拜明良喜起之休風豈不再見於今日哉

乾隆五年

欽頒太學訓飭士子文

士爲四民之首而太學者教化所先四方於是觀型焉
比者聚生徒而教育之董以師儒舉古人之成法條規
亦旣詳備矣獨是科名聲利之習深入人心積重難返
士子所爲汲汲皇皇者惟是之求而未嘗有志於聖賢

之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以至於惰遊而不知反終身不能有志於學而君子以爲非士之

衡山縣志

卷十六

學校

九

罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闇然自修世俗之紛華靡麗無足動念何患詞章聲譽之能奪志哉况卽爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日

應舉亦不累也居今之世雖孔子復生也不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人材將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切

衡山縣志

卷十六

學校

十

爲諸生言之俾司教者知所以教而學者知所以學

御論二篇

爲人君止於仁爲人臣止於敬爲人子止於孝爲人父止於慈與國人交止於信

此雖言文王之止於至善而實訓萬古五倫之要道也夫文王固身歷爲君臣父子與人交而各盡其善矣試思人孰不在五倫之中而各有當止於其善之道乎是故爲君者匪惟博施濟眾以爲仁卽輝惡弼教之義亦必當本於仁而出之所謂止也人臣之敬詎其夙夜匪

懈恪恭承旨之謂卽繩愆糾謬陳善閉邪亦必當本於敬而出之所謂止也生事死葬祭之以禮人子之止於孝蓋終身之事非謂無父母卽無子之止於善也若夫父之曰嚴似殊乎母之慈而不知父之嚴正所以行其慈也至於兄友弟恭夫唱婦隨皆與人交之義而朋友之信固該其中矣予固云此雖言文王之止於至善而實訓萬古五倫之要道也

天行健君子以自強不息

天一日一周是行健也然天之運行終古不息不惟不

衡山縣志

卷十六

學校

十一

息蓋並不息亦無意於其閒所謂健也此應與中庸至誠無息並觀之所謂誠者天之道也若夫法天之君子乃誠之者人之道然亦不外自強不息而已蓋天之不息無爲而爲人之不息則在自強自強者必本於克己復禮人十已千成已成物胥在乎是聖人之言非特爲爲君者言蓋人人皆有法天之道而爲人君者益當夕惕朝乾孜孜亶亶不遑暇逸以是爲亟耳

康熙二十五年

御製至聖先師孔子贊

蓋自三才建而天地不居其功一中傳而聖人代宣其
蘊有行道之聖得位以綏猷有明道之聖立言以垂憲
此正學所以常明人心所以不泯也粵稽往緒仰溯前
徽堯舜禹湯文武達而在上兼君師之寄行道之聖人
也孔子不得位窮而在下秉刪述之權明道之聖人也
行道者勲業爛於一朝明道者教思周於百世堯舜禹
湯文武之後不有孔子則學術紛淆仁義湮沒斯道之
失傳也久矣後之人而欲探二帝三王之心法以爲治
國平天下之準其奚所取衷焉然則孔子之爲萬古一

衡山縣志

卷十六

學校

十二

人也審矣朕巡省東國謁祀闕里景企滋深敬摘筆而
爲之贊曰

清濁有氣剛柔有質聖人參之人極以立行著習察舍
道莫由惟皇建極惟后綏猷作君作師垂統萬古曰惟
堯舜禹湯文武五百餘歲至聖挺生聲金振玉集厥大
成序書刪詩定禮正樂旣窮象繫亦嚴筆削上紹往緒
下示來型道不終晦秩然大經百家紛紜殊途異趨日
月無踰羹牆可晤孔子之道惟中與庸此心此理千聖
所同孔子之德仁義中正秉彝之好根本天性庶幾夙

夜昴哉令圖遡源洙泗景躅唐虞載歷庭除式觀禮器
摘毫仰贊心焉遐企百世而上以聖爲歸百世而下以
聖爲師非師夫子爲師於道統天御世惟道爲寶泰山
巖巖東海泱泱牆高萬仞夫子之堂孰窺其藩孰窺其
徑道不遠人克念作聖

二十八年

御製四賢贊

顏子贊

聖道早聞天資獨粹約禮博文不遷不貳一善服膺萬

衡山縣志

卷十六

學校

三

德來萃能化而齊其樂一致禮樂四代治法兼備用行
含藏王佐之器

曾子贊

洙泗之傳魯以得之一貫曰唯聖學在茲明德親民止
善爲期格致誠正均平以推至德要道百行所基纂承
統緒修明訓辭

子思子贊

於穆天命道之大原靜養動察庸德庸言以育萬物以
贊乾坤九經三重大法是存篤恭慎獨成德之門卷之

藏密擴之無垠

孟子贊

哲人既萎楊墨昌熾子輿闢之曰仁曰義性善獨闡知
言養氣道稱堯舜學屏功利煌煌七篇並垂六藝孔學
攸傳禹功作配

歷朝追尊孔子謚號

周敬王四十二年魯哀公卽孔子舊宅建廟奉祀

稱尼父此廟祀之始漢平帝元始元年謚褒成宣尼公

此謚宣之始和帝永元四年封褒尊侯此封爵之始後魏孝

衡山縣志

卷十六

學校

十四

文帝太和十六年謚文宣尼父後周靜帝大象二

年封鄒國公隋文帝開皇中稱先師尼父唐高祖

武德七年以孔子爲先師配享周公太宗貞觀二

年以孔子爲先聖顏子爲先師別祀周公十一年

尊爲宣父高宗乾封元年贈太師中宗嗣聖七年

封隆道公元宗開元二十七年封文宣王宋眞宗

大中祥符元年封元聖文宣王封聖配元官氏鄆

國夫人五年避諱改至聖文宣王元武宗大德十

一年封大成至聖文宣王至順三年加封聖配爲

大成至聖文宣王夫人明世宗嘉靖九年罷文宣王爵稱至聖先師孔子

國朝順治二年稱大成至聖文宣先師孔子十四年定稱至聖先師孔子

圖像塑像木主考

孔子卒子貢爲木像以祀

此立像之始

漢靈帝光和元

年始建鴻都門學畫先聖及七十二弟子像東魏興和三年雕塑聖容唐元宗開元八年詔顏子等十哲爲坐像曾子坐十哲次圖七十子及二十二

衡山縣志

卷十六

學校

十五

賢於廟壁宋太祖建隆元年塑繪先聖先賢像徽宗崇甯元年詔太常考正文宣王像冠服用王者制令天下學宮如式三年詔名文宣王殿爲大成殿顏顏孟配饗圖易七十二子以周之冕服大觀二年詔繪子思子像宣和四年帝詣太學謁孔子親製像贊十三年國學大成殿成奉安聖像明太祖洪武十五年太學成孔子以下易塑像立木主成祖永樂八年正繪塑衣冠令合古制景泰八年奉安先師及四配像於文淵閣像皆銅範金飾世

宗嘉靖九年定木主式

國朝雍正二年頒木主位次乾隆十八年禮部核奏通行正殿木主高二尺三寸七分闊四寸厚七分座高四寸長七寸厚三寸四分朱地金書四配主高一尺五寸闊三寸二分厚五分座高四寸長六寸厚二寸八分赤地金書崇聖祠主同十二哲主高一尺四寸闊二寸六分厚五分座高二寸六分長四寸厚二寸赤地墨書兩廡同

歷代崇祀孔子

衡山縣志

卷十六

學校

十六

漢高帝十二年過魯以太牢祀詔諸王卿相至郡

謁廟而後從政

此帝王崇祀用太牢之始

元帝永光元年詔褒

成侯孔霸以所食邑奉祠廟

此世爵奉祠之始

光武帝建

武五年幸闕里遣大司空宋宏祀孔子明帝永平

二年令郡縣學皆祀孔子

此祀郡縣學之始

十五年親祀

孔子及七十二子於闕里

此祀弟子之始

章帝元和二年

親祀闕里作六代之樂安帝延光三年詣闕里祀

孔子及七十二弟子桓帝元嘉元年詔孔子廟春

秋享祀出王家錢給酒直河南尹給牛羊豕大司

農給粟魏文帝黃初二年令魯郡修孔子廟置百

石吏卒以守衛魏王正始二年以太牢祀孔子於

辟雍顏子配饗此祀孔子太學及顏子配饗之始晉武帝泰始三

年詔太學及魯國四時備三牲祀孔子七年皇太

子以太牢祀孔子此太子釋奠之始太元十四年詔修闕

里孔子廟宋文帝元嘉十九年詔修孔子廟二十

二年皇太子釋奠舞用六佾樂設軒縣牲牢祭器

悉依上公禮此用樂舞之始孝武帝孝建元年詔孔子廟

制同諸侯禮梁武帝天監四年詔建孔子廟九年

衡山縣志

卷十六

學校

七

帝視學陳後主至德三年詔建孔子廟後魏太武

帝始光三年詔修太學於城東孝文帝延興三年

以孔乘為崇聖大夫給十戶供灑掃太和十三年

詔立孔子廟於京師十九年親祀闕里非齊文宣

帝天保元年詔春秋二仲行釋奠禮月朔祭酒博

士以下階下行拜禮此春秋二祭朔日行禮之始隋大業中制

國子四仲月上丁釋奠州縣學春秋仲月上丁釋

奠此州縣丁祭之始唐高祖武德七年親詣國子監學釋

奠太宗貞觀四年詔州縣學皆立孔子廟此州縣立廟之

始
二十一年定州縣學守令初獻丞佐亞獻博士終
獻此守令主祭之始二十一年初以先儒配饗高宗顯慶

三年詔孔子廟用宣和之舞國子博士范頴撰樂
章二十七年定孔子位南向被王者袞冕兩京樂
用宮縣咸亨元年詔州縣皆修孔子廟元宗開元
二十年定州縣釋奠儀二十八年詔春秋二仲上
丁以三公攝行事代宗大曆元年國學祠堂成始
釋奠設宮懸後唐明宗長興三年初定七十二賢
祠享各陳酒脯後漢高祖乾祐元年改雅樂後周

衡山縣志

卷十六

學校

六

太祖廣順二年如曲阜謁廟拜其墓世宗顯德六
年作律準定大樂宋太祖建隆三年詔孔子廟用
一品禮立十六戟於門樂用永安之曲太宗太平
興國八年詔修闕里孔子廟淳化四年從史臣請
六衙朔望詣廟行香真宗景德三年令諸道修葺
孔子廟大中祥符四年詔州城立孔子廟七年令
崇文館雕印釋奠儀注及祭器圖頒行天下仁宗
景祐二年詔釋奠用凝安九成之樂嘉祐六年頒
御書宣聖廟額及大成殿榜於闕里孔子廟徽宗

崇甯元年建外學於國南政和元年詔更定從祀封爵犯聖諱者曾子等八人四年頒大成殿額於孔子廟高宗紹興八年詔文宣王殿與大社大稷並爲大祀元世祖至元十年詔二丁祭官朝服諸弟子員藍衫唐巾行禮成宗大德元年勅有司到任先謁孔子廟二丁釋奠用太牢六年詔建文宣王廟於京師十年文宣王廟成釋奠牲用太牢樂用登歌至順三年詔修闕里孔子廟順帝元統元年命浙江省範銅造祭器明太祖洪武元年詔以

衡山縣志

卷十六

學校

十九

太牢祀孔子於國學仍遣官詣闕里致祭四年定祭器樂舞六年頒樂章七年頒樂器祭服於闕里十五年新建太學於南京詔天下通祀孔子頒釋奠儀注十七年朔望勅祭酒以下行釋菜禮郡縣長以下詣學行香此朔望行香之始二十年詔修闕里廟二十六年頒大成樂器於天下二十九年帝行釋菜禮成祖永樂元年建北京國子監廟四年定見先師孔子禮英宗正統三年禁祀孔子於釋老宮令祭物非所產者以所產代十三年增樂舞豆籩

數憲宗成化十二年詔增孔子廟籩豆爲十二樂舞八佾十六年詔過孔門者皆下馬世宗嘉靖九年改稱大成殿爲先師廟大成門爲廟門籩豆國學用十天下用八佾用六神宗萬曆二十八年詔兩京國學先師廟用綠琉璃瓦莊烈崇禎十四年帝詣太學釋奠

國朝崇德元年釋奠於先師以四子配五年

定春秋仲月上丁行釋奠禮順治元年

定月朔釋菜禮月望行香儀二年

衡山縣志

卷十六

學校

二十

定文廟爲中祀丁祭致齋二日九年

臨雍釋奠十四年祭孔子於宏德殿十七年重修

太學告成釋奠於先師康熙八年

臨雍釋奠二十三年南巡

詣闕里釋奠謁先聖墓二十五年文華殿告成設孔子神位於傳心殿二十六年修飭禮制樂器令天下學官擇俊秀習佾舞二十九年立文廟下馬碑修闕里孔子廟三十二年廟成

遣皇三子詣闕里致祭四十五年

定一丁祭直省同城武官一體行禮五十年

定文廟樂章五十八年

頒中和韶樂器於闕里雍正二年

臨雍釋奠夏六月闕里孔子廟災

詣國學致祭

定直省府州縣學附建忠義孝弟節孝祠三年始避孔子

聖諱四年

詣太學釋奠五年

定八月二十七日孔子誕辰致齋一日七年闕里慶雲見

衡山縣志

卷十六

學校

三十一

詣國學致祭八年

定闕里文廟大門曰聖時二門曰宏道冬十月闕里廟成

遣皇五子致祭

定天下府州縣學春秋仲月丁祭皆用太牢以文官尊者

主祭如承祭官公出佐貳代舊例督撫學政照欽

差行出使禮省牲不與正祭謂祭丙今罷祭丙禮

仍率同司道府州縣致祭學政考試他府卽於考

試地方文廟行禮十一年增文廟祭費額乾隆二

年

辟雍易用色瓦三年

臨雍釋奠五年

詣太學釋奠八年

頒丁祭旋宮之樂十三年東巡

至曲阜

詣孔子廟上香釋奠

詣先聖墓十八年

詣太學釋奠二十一年

詣太學釋奠東巡

衡山縣志

卷十六

學校

三

至曲阜

詣孔子廟上香釋奠

詣孔林酌酒二十二年南巡

至曲阜

詣孔子廟上香孔林酌酒過鄒縣孟廟如之二十七年南

巡

至闕里

詣孔子廟上香孔林酌酒過鄒縣孟廟如之三十年

頒夾鐘南呂兩律鑄鐘特磬於闕里孔子廟二十二年修

太學孔子廟三十三年改稱先師廟爲大成殿門爲大

成門三十四年

太學孔子廟成

詣廟釋奠三十五年

至泰山致祭闕里三十六年東巡

詣闕里釋奠孔林酌酒四十一年東巡

詣闕里釋奠四十五年南巡

詣闕里致祭四十八年

詣太學釋奠修

衡山縣志

卷十六

學校

三三

辟雍四十九年南巡

至曲阜

詣孔子廟上香五十年

臨雍釋奠五十五年東巡

詣闕里釋奠六十年

詣太學釋奠嘉慶元年

詣國學祭告孔子三年

臨雍釋奠七年

詣太學釋奠十三年重修闕里文廟及顏子專祠十五年

詣太學釋奠道光二年

臨雍釋奠咸豐三年

臨雍釋奠同治十年

臨雍釋奠

大成殿

御書扁額

聖祖仁皇帝御書萬世師表

世宗憲皇帝御書生民未有

高宗純皇帝御書與天地參

衡山縣志

卷十六

學校

三十四

仁宗睿皇帝御書聖集大成

宣宗成皇帝御書聖協時中

文宗顯皇帝御書德齊疇載

皇上御書聖神天縱

大成殿正位

至聖先師孔子神位正中南向

東配

復聖顏子

漢永平十五年祀七十二弟子顏子位

師配饗總章元年贈太子少師太極元年贈太

子太師開元二十七年贈充公宋祥符二年進

充國公元至順元年稱充國復聖公三年稱其

述聖子思子

宋崇甯元年封沂水侯大觀二年繪

配饗進沂國公元至順元年稱沂國述聖公明

衡山縣志

卷十六

學校

三七

西配

宗聖曾子

唐總章元年贈太子少保配饗太極元

年祥符二年進瑕邱侯政和元年改武城侯元

豐七年升十哲咸淳三年升四配進郟國公元

亞聖孟子

宋元豐六年贈鄒國公七年配饗元至

順元年稱鄒國亞聖公明景泰三年置

國朝因嘉靖時舊號四配皆稱子

東哲

先賢閔子

唐開元八年從祀二十七年贈費侯宋

祥符二年進琅邪公咸淳三年改費公

國朝康熙三十九年置博士

先賢冉子

字仲弓唐開元八年從祀二十七年贈薛侯宋祥符二年進下邳公咸淳三年

改薛公 國朝 雍正二年置博士

先賢端木子

唐開元八年從祀二十七年贈黎侯宋祥符二年進黎陽公咸淳三年改

黎公 國朝 康熙 三十九年置博士

先賢仲子

唐開元八年從祀二十七年贈衛侯宋祥符二年進河內公咸淳三年改衛公

國朝康熙五十九年置博士

先賢卜子

為魏文侯師唐貞觀二十一年以經師從祀開元二十七年贈魏侯宋祥符二

年進河東公咸淳三年改魏公 國朝康熙五十九年置博士

衡山縣志

卷十六

學校

三六

先賢有子

唐開元八年從祀二十七年贈卜伯宋祥符二年進平陰侯 國朝雍正二

年置博士乾隆三年增升哲位

西哲

先賢冉子

字伯牛唐開元八年從祀二十七年贈鄆侯宋祥符二年進東平公咸淳三年

改鄆公 國朝 雍正二年置博士

先賢宰子

唐開元八年從祀二十七年贈齊侯宋祥符二年進臨淄公咸淳三年改齊公

先賢冉子

字子有唐開元八年從祀二十七年贈徐侯宋祥符二年進彭城公咸淳三年

改徐公

先賢言子

唐開元八年從祀二十七年贈吳侯宋祥符二年進丹陽公咸淳三年改吳公

國朝康熙五十一年置博士

先賢顓孫子

唐開元八年從祀二十七年贈陳伯

國朝雍正二年置博士
穎川侯咸淳三年進陳公升列哲位

先賢朱子

宋建炎四年生慶元六年卒年七十一
諡文寶慶三年贈太師封信國公紹定

三年改封徽國公淳祐元年從祀兩廡元至正

二十二年改封齊國公明景泰六年置建陽博

士嘉靖二年置婺源博士崇禎十五年稱先賢

列漢唐諸儒上國朝康熙五十五年增升

哲位○謹按東魏興和三年以十子侍側唐開

衡山縣志

卷十六

學校

三

元八年始定十哲之名增會子於其次宋元豐

七年顏子別坐以曾子足十哲之數端平二年

復增子思咸淳三年升會子子思配饗始定四

國朝因之

東廡先賢

先賢公孫僑

左傳襄公八年始見昭公八年卒
國朝咸豐七年從祀原西廡移東廡

先賢林放

字子邶魯人比干子子堅之後逃放長
林因以為名或曰孔子門人石室圖列

入弟子內唐開元二十七年從祀贈清河伯宋

國朝雍止二年復祀
原西廡移東廡

先賢原憲

宋商邨人檀弓稱仲憲鄭康成云魯人

二年進
城侯

先賢南宮适

唐開元二十七年從祀贈鄭伯宋祥

侯

先賢商瞿

字子木魯人按孔子傳易於瞿瞿傳楚

元二十七年從祀贈蒙伯
宋祥符二年進須昌侯

先賢漆雕開

字子若蔡人一作漆雕啓字子開習

著漆雕子十三篇唐開元二十七年從祀贈滕
伯宋祥符二年進平輿侯

先賢司馬耕

家語作司馬犁宋人唐開元二十七

衡山縣志

卷十六

學校

三

侯政和元年
改睢陽侯

先賢梁鱣

或作鯉字叔魚齊人唐開元二十七年

先賢冉孺

字子魯或作曾家語作冉孺字子魚魯

符二年進
臨沂侯

先賢伯虔

家語古本作處字子皙今本作子楷魯

贈聊伯宋祥符
二年進沭陽侯

先賢冉季

字子產又作子達魯人唐開元二十七

侯

先賢漆雕徒父

家語作漆雕從字子文或作子有

元二十七年從祀贈須句伯宋祥符二年進高苑侯

先賢漆雕哆家語作侈字子斂魯人唐開元二十年進

濮陽侯

先賢公西赤魯人唐開元二十年進鉅野侯

先賢任不齊字子選楚人唐開元二十年進當陽侯

先賢公良孺孺又作儒字子正廣韻公良複姓陳人賢而有勇唐開元二十年從祀

贈東牟伯宋祥符二年進牟平侯

先賢公肩定公肩複姓又作公有家語作公肩字子仲史記作公堅定字子中或作子

忠魯人或曰衛人或曰晉人唐開元二十年從祀贈新田伯宋大觀四年進梁父侯

衡山縣志

卷十八

學校

三

先賢鄒單或作鄒單字子家魯人史記有家語無唐開元二十七年從祀贈銅鞮伯宋大

觀四年進聊城侯

先賢罕父黑古本家語及史記皆作子索或作子素魯人今本家語作宰父黑字子黑

按氏族畧無罕父氏有宰父氏唐開元二十年從祀贈乘邱伯宋大觀四年進祁鄉侯

先賢榮旂家語古本字子顏魯人今本作榮旂字子旗杭碑作子祺唐開元二十七年從

祀贈雩婁伯宋祥符二年進厭次侯

先賢左人郢家語作左郢字子行史記字行魯人廣韻左人複姓通志畧左人以官爲

姓唐開元二十七年從祀贈臨淄伯宋祥符二年進南華侯

先賢鄭國字子徒魯人家語作辭邦字子從司馬貞云邦作國者漢避高帝諱鄭作辭者

字譌也或誤辭邦鄭國為兩人唐開元二十年
七年從祀贈榮陽伯宋祥符二年進胸山侯
先賢原亢字子籍史記作原亢籍古本家語作原
年從祀贈萊蕪伯宋

先賢廉潔史記古本家語作廉絜字子庸今本家
語作子曹衛人唐開元二十七年從祀
贈莒父伯宋大觀

先賢叔仲會一作噲字子期魯人鄭康成云晉人
十四歲或云五十歲與孔璇年相比唐開元二
十七年從祀贈瑕邱伯宋祥符二年進博平侯

先賢公西與如今本家語作公西與字子上魯人
從祀贈重邱伯宋祥
符二年進臨胸侯

衡山縣志

卷十六

學校

三

先賢邾巽字子斂家語作邾選字子飲一作邾巽
宋祥符二年進高堂侯

先賢陳亢字子亢說文作伉一字子禽陳人家語
有史記無唐開元二十七年從祀贈穎

先賢琴張衛人家語有史記無莊子有與子桑戶
孟之反三人為友唐開元二十七年從
祀贈南陵伯宋祥

先賢步叔乘字子車一作少叔乘廣韻少叔複姓
齊人唐開元二十七年從祀贈溱子
伯宋祥符二

先賢秦非字子之魯人唐開元二十七年從祀贈
汧陽伯宋祥符二年贈華亭侯

先賢顏噲 字子聲魯人唐開元二十七年從祀贈

先賢顏何 字冉古本家語云以字稱魯人經義考

十七年從祀贈開陽伯宋祥符二年進唐邑侯

先賢縣直 索隱作縣豐廣韻注作縣直父字子象

檀公縣子國朝

先賢牧皮 風俗通黃帝力牧之後國朝

先賢樂正克 其先世樂官之長子春之後列子仲

贈利國侯配饗孟廟

先賢萬章 宋政和五年贈博興伯從祀孟廟

衡山縣志

卷十六

學校

三

賢稱先

先賢周敦頤 原名敦實避英宗諱改頤宋天禧元

追諡元淳祐元年從祀贈汝南伯延佑

先賢程顥 宋明道元年生元豐八年卒年五十四

伯元至順元年進豫國

先賢邵雍 字堯夫河南洛陽人宋祥符四年生熙

咸淳三年從祀贈新安

西廡先賢

先賢蘧瑗 左傳魯襄公十四年始見卒年無考史

記定公十四年孔子猶主其家後公孫

僑三十餘年卒唐開元二十七年從祀贈衛伯
宋祥符二年進內黃侯明嘉靖九年改祀於鄉
國朝雍正二
年復祀

先賢澹臺滅明 魯大夫南遊至江弟子三百人名
施諸侯蘇州府南有澹臺湖豫章
有進賢門進賢縣皆南遊遺跡唐開元二十七
年從祀贈江伯宋祥符二年進金鄉侯原東廡
移西廡

先賢宓不齊 著宓子十六篇顏氏家訓即處犧之
後蓋處宓伏古字通用唐開元二十七
年從祀贈單伯宋祥符二年進單父侯

先賢公治長 古本家語作萇字子長今本家語魯
人史記齊人范甯云名芝朱彝尊經
義考公治復姓唐開元二十七年從
祀贈莒伯宋祥符二年進高密侯

衡山縣志

卷十六

學校

十四

先賢公皙哀 字季次齊人家語作克字季沈魯人
朱彝尊經義考公皙復姓不為家臣

太史公與原憲並稱唐開元二十七年
從祀贈郟伯宋祥符二年進北海侯

先賢高柴 字子羔檀弓韓非子作子皋左傳作季
羔家語作子宰齊高傒十代孫史記鄭
康成俱作衛人王應麟云衛人後居魯初官成
宰後官衛士師唐開元二十七年從祀贈共伯

宋祥符二年
進共城侯

先賢樊須 魯人或曰齊人唐開元二十七年從祀
贈樊伯宋祥符二年進益都侯

先賢商澤 字子秀又子季魯人唐開元二十七年
從祀贈睢陽伯宋祥符二年進鄒平侯

先賢巫馬施 家語作巫馬期字子期史記作子旗
陳人或曰魯人宰單父唐開元二十

七年從祀贈鄆伯宋
祥符二年進東河侯

先賢顏辛

史記作幸或作柳或作韋字子柳魯人唐開元二十七年從祀贈蕭伯宋祥符

二年進陽穀侯

先賢曹卹

字子循蔡人唐開元二十七年從祀贈曹伯宋祥符二年進上蔡侯

先賢公孫龍

古本家語作龍字子石衛人鄭康成云楚人朱彝尊云唐宋所封皆楚地

鄭說為是唐開元二十七年從祀贈黃伯宋祥符二年進枝江侯

先賢秦商

古本家語左傳作丕茲今本家語字不慈史記字子丕魯人少孔子四歲其父

堇父與孔子父叔梁公於偃陽之役皆以力聞唐開元二十七年從祀贈上洛伯宋大觀四年

進馮翊侯

先賢顏高

古本家語作克一作尅史記素隱云家語名產今本家語作顏刻字子驕魯人

衡山縣志

卷十六

學校

三

唐開元二十七年從祀贈琅邪伯宋祥符二年進雷澤侯

先賢壤駟赤

字子徒家語作穰駟赤字子從秦人通志畧壤駟複姓唐開元二十七年

從祀贈北徵伯宋祥符二年進上邽侯

先賢石作蜀

家語古本作石之蜀今本作石子蜀字子明秦之成紀人氏族畧石作複

姓唐開元二十七年從祀贈邠邑伯或作石邑伯宋祥符二年進成紀侯

先賢公夏首

字乘家語作守字子乘魯人朱彝尊經義考公夏複姓唐開元二十七年

從祀贈亢父伯宋大觀四年進鉅平侯

先賢后處

字子里家語作石處字里之闕里志作虔齊人唐開元二十七年從祀贈營邱

伯宋大觀四年進膠東侯

先賢奚容蒧 字子皙奚仲之後曾人家語作奚蒧字子偕朱彝尊經義考奚容複姓衛

人唐開元二十七年從祀贈下

先賢顏祖 魯人語古本無今本祖作相又作祖字子襄史記云字襄唐開元二十七年

從祀贈臨沂伯宋大觀四年進富陽侯

先賢句井疆 家語古本字子疆今本字子界山東志字子孟正義作鉤井朱彝尊經義

考句姓井疆名衛人唐開元二十七年從祀贈淇陽伯宋祥符二年進濠陽侯

先賢秦祖 字子南秦人唐開元二十七年從祀贈

先賢縣成 字子祺家語字子橫魯人唐開元二十七年從祀贈鉅野伯宋祥符二年進武

城侯

衡山縣志

卷十六

學校

三

先賢公祖句茲 家語作公祖茲字子之魯人唐開元二十七年從祀贈期思伯宋祥

符二年進即墨侯

先賢燕伋 古本家語作級字子思史記云字思秦人唐開元二十七年從祀贈漁陽伯宋

祥符二年進泮源侯

先賢樂欬 家語作樂欣字子聲魯人唐開元二十七年從祀贈昌平伯宋大觀四年進建

成侯

先賢狄黑 字皙之史記云字皙一作子皙衛人唐開元二十七年從祀贈臨濟伯宋祥符

二年進林慮侯

先賢孔忠 家語作弗字子蔑孔子兄孟皮之子唐開元二十七年從祀贈汶陽伯宋祥符

二年進鄆城侯明嘉靖九年改稱先賢子茂子

先賢公西藏字子尚史記云尚作上魯人唐開元二十七年從祀贈祝阿伯宋祥符二年

年進徐城侯

先賢顏子僕字子叔史記云字叔魯人唐開元二十七年從祀贈東武伯宋祥符二年

進宛句侯

先賢施之常字子恆家語作子常魯人唐開元二十七年從祀贈乘氏伯宋祥符二年

進臨濮侯

先賢申枏家語作申續又作申棠字周或作儻或云字子申黨又作申棠字周或作儻或云字子

續魯人唐開元二十七年從祀疑枏黨為二人贈枏魯伯黨陵伯宋祥符二年進枏文登侯黨

衡山縣志

卷十六

學校

三七

淄川侯明嘉靖時定為一人罷黨祀枏

先賢左邱明中都人魯太史楚左史倚相之後唐貞觀二十一年以經師從祀宋祥符

元年贈瑕邱伯政和元年改中都伯

先賢秦冉字開蔡人史記有家語無唐開元二十七年從祀贈彭衙伯宋祥符二年進新

息侯明嘉靖九年罷祀國朝雍正二年復祀

先賢公明儀魯人子張有父喪為相子張之喪為志師文王信周公孟子引之鄭康成

云學於孔子傲殷禮孔穎達云子張弟子又曾子弟子問孝於曾子見祭義又大戴禮朱子稱

其篤信好學見語類國朝咸豐三年從祀原東廡移西廡

先賢公都子宋政和五年配饗孟廟贈平陰伯國朝雍正二年從祀

先賢公孫丑

宋政和五年配饗孟廟贈壽光國朝雍正二年從祀

先賢張載

字子厚郾縣橫渠人宋天禧四年生熙寧十年卒年五十八甯宗時追諡明道

祐元年從祀贈郾伯元泰定四年建橫渠書院專祀明天啟二年置博士

先賢程頤

字正叔洛陽人宋明道二年生大觀元年卒年七十五甯宗時追諡正淳祐元

年從祀贈伊南伯元至順元年進洛國公明景泰六年置博士

以上先賢位宋以前從祀者皆稱封爵明嘉靖九年改稱先賢某子左邱明與周張二程邵五子嘉

靖時稱先儒崇禎十五年改稱先賢位在七十子

下漢唐諸儒上

衡山縣志

卷十六

學校

三

國朝俱稱先賢不稱子

東廡先儒

先儒公羊高

齊人受經於子夏因孔子所修春秋著為傳高傳其子平傳其子地地

傳其子敢敢傳其子壽至後漢傳公羊者有嚴氏顏氏唐貞觀二十一年從祀宋祥符二年贈

臨淄伯明嘉靖九年稱先儒公羊氏隆慶五年改稱先儒公羊子

先儒伏勝

字子賤濟南人治尚書秦焚書時勝為博士獨壁藏之漢興求其書亡數十篇

獨得二十八篇教於齊魯聞其後傳伏生之學者有歐陽大小夏侯三家唐貞觀二十一年從

祀宋祥符二年贈乘氏伯

先儒毛亨

魯人初子夏作詩序授魯申申授李克克授孟仲子仲子授根牟子牟子授荀

卿荀卿授亨稱大毛公為詩訓詁以授毛萇漢時與齊魯韓三家並立惟毛詩獨傳

同治二年從祀

先儒孔安國

字子國孔子十一世孫嘗授尚書於伏生漢武帝時為博士歷侍中至臨

淮太守唐貞觀二十一年從祀宋祥符二年贈曲阜伯原西廡移東廡

先儒后蒼

字近君東海郟人漢宣帝朝為博士官至少府嘗從東海孟卿受禮其說禮數

萬言號曰后氏曲臺記明嘉靖九年考求古禮以蒼為禮之宗詔從祀

先儒許慎

汝南召陵人字叔重經學邃深光緒二年從祀

先儒鄭康成

名元北海高密人通京氏易公羊春秋三統歷九章算術又從東郡張恭

祖受周官禮記左氏春秋韓詩古文尚書西入關事扶風馬融歸授徒數百人漢永建二年生

衡山縣志

卷十六

學校

三

建安五年卒年七十四唐貞觀二十一年從祀宋祥符二年贈高密伯明嘉靖九年改祀於鄉

國朝

雍正二年復祀原西廡移東廡

先儒范甯

字武子為餘杭令興學校為豫章太守大設庠序論三傳得失最當著穀梁集

解晉咸康五年生隆安五年卒年六十三唐貞觀二十一年從祀宋祥符二年贈鉅野伯明嘉

靖九年改祀於鄉國朝雍正二年復祀原西廡移東廡

先儒陸贄

字敬輿嘉興人著制誥集十一卷奏草七卷中書奏議七卷唐天寶十三年生

國朝

道光六年從祀永貞元年卒年五十二諡宣

先儒范仲淹

字希文蘇州吳縣人著文正集二十卷別集四卷補編五卷宋端拱二年

國朝

康熙五十四年從祀生皇祐四年卒年六十四諡文正

先儒歐陽修

字永叔廬陵人於周程未出時倡為古文發明六經宋景德四年生熙甯

五年卒年六十六贈太子太師諡文忠明嘉靖九年從祀

先儒司馬光

字君實陝州夏縣人著資治通鑑三

百五十四卷傳家集八十卷他著述二十種五百餘卷宋天禧三年生元祐元年卒年六十八贈太師溫國公諡文正建炎中配饗哲宗廟庭咸淳三年從祀原西廡移東廡

先儒謝良佐

程頤弟子與游酢楊時呂大臨同稱

年復見頤問所進對以但能去得一矜字頤謂是可謂博學切問近思宋元豐八年進士仕監西京竹木場

先儒羅從彥

字仲素南劍羅源人著春秋解毛詩解中庸說語孟解議論要語台衡錄

衡山縣志

卷十六

學校

罕

春秋指歸及遵堯錄學者稱豫章先生宋熙甯五年生紹興五年卒年六十四淳祐間諡文質明萬曆四十二年從祀

先儒李綱

字伯紀紹武人著易傳內外篇論語詳說梁谿集建炎時政記宋元豐六年生

紹興十年卒年五十八諡忠定國朝咸豐元年從祀原西廡移東廡

先儒張栻

字敬夫丞相浚子漢州綿竹人學者稱南軒先生宋紹興三年生淳熙七年卒

年四十八嘉靖八年諡宣景定二年從祀贈華陽伯原西廡移東廡

先儒陸九淵

字子靜撫州金谿人朱子在白鹿書院與講義利之旨避席稱謝學者稱

象山先生宋紹興九年生紹熙三年卒年五十四諡文安明嘉靖九年從祀原西廡移東廡

先儒陳淳

字安卿漳州龍溪人朱子守潭時往受教後十年自述所得朱子稱已見本原

著語孟學庸口義字義詳講詩禮女學等書門人稱北溪先生宋紹興二十三年生嘉定十年卒年六十五

國朝雍正二年從祀
先儒真德秀字希元又字景希建之浦城人著讀

乙集經筵講義端平廟議翰林詞草四六獻忠集江東救荒錄清源雜志星沙集志學者稱西

山先生宋瀉熙五年生端平二年卒年五十八諡文忠元至正二十二年贈福國公明正統二

年從祀成化三年改浦城伯原西廡移東廡

先儒何基字子恭金華人著易啟蒙學庸大傳通

卒年八十一諡文定宋瀉熙十五年生咸瀉四年

先儒文天祥字宋瑞一字履善廬陵人著指南集

燕獄集杜詩百首嘗隱文山

衡山縣志

卷十六

聖一

稱文山先生起勤王兵封信國公宋端平三年五月二日生元至元十九年卒年四十七元諡

忠武明諡忠烈國朝道光

先儒趙復字仁甫德安人生卒年無考宋端平二

年從祀原西廡移東廡經傳註燕弟子從者甚眾乃作傳道師友二圖

又輯伊尹顏子言行爲希賢錄學者稱江漢先生

先儒金履祥字吉父婺之蘭谿人原劉氏避錢武

章句疏義論孟集註考證尚書表註學者稱仁山先生宋紹定五年生元大德七年卒年七十

二至正間諡文安國朝雍

先儒陳澹字雲莊一字可大江都昌人宋景定

二年從祀原西廡移東廡元大德七年卒年八十一學者

稱雲莊先生又稱經歸先生潛心經傳尤精戴
記著禮記集說明洪武時列學宮正統中以其

說取士 國朝雍正二
年從祀原西廡移東廡

先儒方孝孺 甯海人明洪武二十五年以薦召除
漢中府教授與諸生講學不倦蜀獻

王聘為世子師名其讀書廬曰正學建文帝召
為翰林侍講大事咨之書有疑令講解永樂帝

使草登極詔不從致命元至正十七年生明建
文四年卒年四十六 國朝同治二年從祀

先儒薛瑄 字德溫山西河津人學本程朱深探性
理著讀書錄學者稱敬軒先生明洪武

二十二年生天順八年卒年七十六贈禮部
尚書諡文清隆慶五年從祀原西廡移東廡

先儒胡居仁 字叔心江西餘干人學以主忠信為
先求放心為要操而勿失莫大乎敬

因以敬名齋著居業錄明宣德九年生成化二
十年卒年五十一萬歷十二年從祀諡文敬

衡山縣志

卷十六

學校

聖

先儒羅欽順 字允升江西泰和人著困知記明成
化元年生嘉靖二十六年卒年八十

三贈太子太保諡文莊
國朝雍正二年從祀

先儒呂柟 高陵人號經野著四書因問易說翼書
說要詩說序春秋說志禮問內外篇史

約小學釋寒暑經圖解史館獻納宋四子鈔釋
南省奏稿經野詩文集集成化十五年生嘉靖二

十一年卒年六十四 國朝
同治二年從祀原西廡移東廡

先儒劉宗周 字起東山陰人著論語學案聖
要學言人譜學者稱念臺先生因

南都亡絕食二十三日致命萬歷六年生
國朝順治二年卒年六十八乾隆四十一年追諡忠

介道光二年從祀
原西廡移東廡

先儒孫奇逢 字啓泰一字鍾元北直容城人著四
書近指批纂理學宗傳明萬歷十二

年生 國朝康熙十四年卒年九十

二道光八年從祀原西廡移東廡

先儒張履祥字考夫一字念芝浙江嘉興府桐鄉縣人居楊園村學者稱楊園先生著經正錄願學記問目備忘錄初學備忘學規訓子語問答門人記言行聞見錄近古錄近鑑喪祭雜說 國朝同治十一年從祀

先儒陸隴其字稼書浙江平湖人唐宣公後專意編禮經會元讀禮隨筆戰國策靈壽縣志松陽講義問學錄困勉錄三餘堂文集明崇禎三年生 國朝康熙三十一年卒年六十三雍正二年從祀乾隆元年追諡清獻原西廡移東廡

西廡先儒 國朝康熙三十一年卒年六十三雍正二年從祀乾隆元年追諡清獻原西廡移東廡

西廡先儒

先儒穀梁赤字元始魯人孔子以春秋授子夏子夏授赤赤作傳唐貞觀二十一年從

衡山縣志

卷十六

學校

聖

祀宋祥符二年贈裴邱伯政和六年因避聖諱改睢陽伯

先儒高堂生字伯一字升平魯人其先齊公族漢豕惟生五卷得大小戴而禮大明唐貞觀二十一年從祀宋祥符二年贈萊蕪伯

先儒董仲舒廣川人少治春秋推明經術著春秋繁露上疏條教元至順元年從祀明

洪武二十九年贈江都伯成化三年改廣川伯原東廡移西廡

先儒毛萇字長公趙人得毛亨之傳稱小毛公為河間獻王博士著毛詩故訓二十卷詩

傳十卷唐貞觀二十一年從祀宋祥符二年贈樂壽伯

先儒杜子春河南緱氏人通周官漢永平初年年元贈緱氏伯

先儒杜子春河南緱氏人通周官漢永平初年年元贈緱氏伯

原東廡移西廡

先儒諸葛亮

瑯邪陽都人少孤與弟均隨其從父

中耕隴畝為梁父吟漢光初四年生建興十二年卒年五十四諡忠武

祀原東廡移西廡

先儒王通

字仲淹河汾人隋仁壽三年帝召見奏

之業倡教河汾嘉言懿行門人集說號中說沒諡文中子續贊易及書詩禮論樂論元經朱子

稱其學實有可用陳至德二年生隋義甯二年卒年三十五一作開皇二年生年三十七明嘉

靖九年從祀原東廡移西廡

先儒韓愈

河南南陽人唐德宗朝以諫迎佛骨謫潮州刺史

從裴度討淮西賊參贊有功討究儒術以六經之文為諸儒倡大厯三年生長慶三年卒年五

衡山縣志

卷十六

學校

四

十七贈禮部尚書諡文宋元豐七年從祀贈昌黎伯國朝乾隆二年置博士

先儒胡瑗

字翼之泰州海陵人教授湖州設經義

樂議口義春秋口義中庸解資聖集言行錄宋淳化四年生嘉祐四年卒年六十七初諡安定

後諡文昭明嘉靖九年從祀

先儒韓琦

仕宋相三朝立二帝當治平危疑之際

其臨大事決大議不動聲色祥符元年生熙甯八年卒年六十八贈尚書令諡忠獻後追封魏

王從祀原東廡移西廡

先儒楊時

字中立南劍將樂人師事明道伊川著

山先生宋皇祐五年生紹興五年卒年八十三諡文靖元至正二十二年贈吳國公明宏治八

年從祀改將樂伯
原東廡移西廡

先儒尹焯字彥明一字德充洛人著論語解及門
人問答宋熙甯四年生紹興十二年卒

國朝雍正二年從祀

先儒胡安國字康侯建甯崇安人徙隱衡山紫蓋
峯著春秋傳資治通鑑舉要補遺及

文集宋熙甯七年生紹興八年卒年六十五諡
文定元至正二十二年贈楚國公明正統二年

從祀成化二
年改建甯伯

先儒李侗字愿中劍浦人著朱子所記延平問答
學者稱延平先生宋元祐八年生隆興

元年卒年七十一諡文靖元至正二十二年贈
越國公明萬曆十四年從祀原東廡移西廡

先儒呂祖謙字伯恭好問孫先為河東人自好問
始居婺州祖謙嘗與朱子編近思錄

卷十六

學校

聖

衡山縣志

著考定古周易書說闡範官箴辨志錄東萊博
議歐陽公本末學者稱東萊先生宋紹興七年

生淳熙八年卒年四十五諡成嘉熙初改諡忠
亮景定二年從祀贈開封伯原東廡移西廡

先儒袁燮字叔和鄞縣人師事陸九淵教人及躬
切己忠信篤敬學者稱潔齋先生著家

塾書鈔毛詩經筵講義潔齋集俱採入四庫
全書生於南宋朝甯宗時舉進士官至顯謨閣

國朝同治七年從祀

先儒黃榦字直卿福州閩縣人父瑀高宗時御史
以篤行直道聞榦受業朱子朱子見其

力學妻以子編禮書屬以喪祭二編復授以深
衣著有書說論語通釋論語意原及文集行世

學者稱勉齋先生宋紹興二十二年生嘉定十
四年卒年七十贈朝奉郎諡文肅

正二年
從祀

國朝奉

先儒蔡沈 字仲默元定季子與伯兄淵仲兄沆皆師朱子其書傳與朱子易詩諸經並立

學宮隱居九峯學者稱九峯先生宋乾道三年生紹定三年卒年六十四謚文正元至正二十年

二年贈建國公明正統二年從祀成化二年改崇安伯原東廡移西廡

先儒魏了翁 字華父邛州蒲江人初隱白鶴山稱鶴山先生著九經要義易舉隅井田

圖說古今考經史雜鈔師友雅言宋淳熙五年生嘉熙元年卒年六十贈太師謚文靖

國朝雍正二年從祀原東廡移西廡

先儒王柏 字會之金華人受業何基得立志居敬之旨大學中庸論孟通鑑綱目標注考

校極為精密學者稱魯齋先生宋慶元三年生咸淳十年卒年七十八謚文憲

國朝雍正二年從祀原東廡移西廡

衡山縣志

卷十六

學校

吳

先儒陸秀夫 初在李庭芝幕府沈靜寡言無苟希合及授丞相從君播越海濱日書大

學章句勸講事不濟率家人捐軀著跋孝經刊誤本傳內載二王記事一書宋端平三年十月

八日生祥興二年即元至元十六年卒年四十四國朝咸豐九年從祀

先儒許衡 字平仲懷之河內人篤信朱子小學一書以道為己任為秦中京兆提學使郡

縣皆立學校民大化學者稱魯齋先生宋嘉定三年生元至元十八年卒年七十三大德二年

贈司徒謚文正至大二年進魏國公皇慶二年從祀延祐元年詔立魯齋書院給田奉祀魯齋

係衡居魏時所署齋名

先儒吳澄 字幼清撫州崇仁人奉定閒謝病歸從學者數百人題所居曰草廬學者稱草

廬先生著易春秋禮記纂言校定皇極經世書大戴禮宋淳祐九年生元至順二年卒年八十

七諡文正明正統八年從祀贈臨川郡公嘉靖九年罷國朝乾隆二年復祀原東廡移西廡

先儒許謙字益之金華人初居東陽入華山講學

讀書傳叢說觀史治忽幾微元前至元七年生後至元三年卒年六十八諡文懿國朝雍

正二年從祀原東廡移西廡

先儒曹端渾池人以舉人官霍州學正為明初理

老毀淫祠明洪武九年生宣德九年卒年五十九國朝咸豐十年從祀原東廡移西廡

先儒陳獻章字公甫廣東新會人明宣德三年生宏治十三年卒年七十三學者稱白

沙先生萬曆十二年從祀諡文恭

先儒蔡清字介夫福建晉江人其學歸於立誠取周子靜虛則明程子有主則虛之說名

衡山縣志

卷十六

學校

祀

其齋學者稱虛齋先生著易經四書蒙引明景泰四年生正德三年卒年五十六萬曆中諡文

莊二年從祀國朝雍

先儒王守仁字伯安浙江餘姚人其學以致良知為主與朱子不同以生於傳註既詳

之後惡俗學支離故因其天資之優深造有得雖與朱子不同而有功聖道則一明成化八年

生嘉靖八年卒年五十七隆慶初諡文成贈新建侯萬曆十二年從祀原東廡移西廡

先儒呂坤字叔簡甯陵人剛介峭直留意正學著

明嘉靖十五年生萬曆四十六年卒年八十三天啟初贈刑部尚書國朝道光六年從祀

先儒黃道周字幼年漳浦人居石室學者稱石齋先生著易象正三易洞璣大函經明

萬曆十三年生國朝順治三年卒年六十二乾隆四十一年諡忠端道光五年從祀

先儒陸世儀

江蘓太倉人學者稱爲稔亭先生著思辨錄三十五卷光緒二年從祀

先儒湯斌

字孔伯一字潛菴睢州人既仕乞養歸

潛菴語錄

明天啟七年生

國朝康熙二十

六年卒年六十一

祀陝西江西江南名宦雍正

十年祀賢良祠乾隆元年諡文正

道光三年從祀

原東廡移西廡與黃道周同

國朝

以上先儒位明嘉靖以前從祀者皆稱封爵嘉靖

九年改稱先儒某子

國朝稱先儒不稱子

崇聖祠正位

肇聖王木金父公

衡山縣志

卷十六

學校

四

裕聖王祈父公

詒聖王防叔公

昌聖王伯夏公

啟聖王叔梁公

謹按宋祥符元年追封聖父爲齊國公稱啟聖公聖母顏氏魯國太夫人仁宗慶曆八年像易以九章之服於後殿立廟以祀元至順元年加封啟聖王創殿於大成殿西崇祀又封聖母啟聖王太夫人明嘉靖元年令國子監及郡縣學建啟聖祠崇禎二年定制二丁子夜先祭啟聖祠用少牢國朝雍正元年追封五代爲王改名崇聖祠同殿異龕皆南向昭穆約前尺許次昭次穆更前尺許從外觀之五室並齊從內觀之淺深各殊尊卑自別

東配

先賢孔氏 名孟皮 國朝 咸豐七年配饗

先賢顏氏 名無繇 顏子父 唐開元二十七年贈杞 伯從祀兩廡 宋祥符二年進曲阜侯元

至順三年進杞國公諡文裕母姜氏稱杞國 端獻夫人明嘉靖九年以無繇配啟聖祠

先賢孔氏 名鯉 字伯魚 子思父 宋崇甯元年贈泗 水侯 咸淳三年從祀兩廡 明嘉靖九年

配啟聖祠

西配

先賢曾氏 名點 字子皙 曾子父 唐開元二十七年 贈宿伯從祀兩廡 宋祥符二年進萊蕪

侯明嘉靖九年配啟聖祠

衡山縣志

卷十六

學校

巽

先賢孟孫氏 名激 公宜魯公族 孟孫之後 孟子父 元延祐三年贈邾國公母仇氏稱邾

國宣獻夫人明嘉靖九年以激配啟聖祠 謹 按正統三年孔顏孟三氏學教授裴侃疏言天

下文廟惟論傳道以列位次 闕里家廟宜正父 子以敘彝倫 顏子曾子子思子也 配享 殿庭

無繇子皙伯魚父也 從祀廊廡 非惟名分不正 抑恐神不自安 况叔梁公元已追封啟聖王 創

殿於大成殿西 崇祀而顏孟之父 俱稱公 惟伯 魚子皙仍稱侯 乞追封公爵 偕顏孟父俱配啟

聖王殿從之 加伯魚子皙封號 此四配之父 配 享闕里啟聖王之始 其天下文廟於嘉靖九年

始行更正

東廡

先儒周氏 名輔成 字伯大 周敦頤父 宋仁宗時 特 嶺縣令贈諫議大夫 明萬曆二十三年

從祀

先儒程氏

名珦字伯温程顥程頤父宋仁宗時注

少卿致仕贈永年縣開國伯明嘉靖九年從祀

先儒蔡氏

名元定字季通蔡沈父築室西山學者

稱西山先生朱子稱為老友宋理宗時贈迪功郎諡文節明嘉靖九年從祀

西廡

先儒張氏

名迪張載父宋神宗時知涪州國朝雍正二年從祀

先儒朱氏

名松字喬年號韋齋熹父學者稱屏山先生宋高宗時由迪功郎轉承議郎出

知饒州元至正二十二年追諡靖獻明嘉靖九年從祀

衡山縣志

卷十六

學校

以上先賢先儒位明嘉靖時稱先賢先儒某氏

國朝因之

名宦祠

晉 滕 育

衡陽內史

劉 翼

衡陽太守

宋 黃應龍

衡山縣令

明 陸伯良

衡山縣令

紀維正

衡山主簿

程士源

衡山縣令政績失考

梅用鼎 初知衡山縣後擢知衡州府

正統 楊景修 衡山縣丞

天順 鄭冕 衡山縣令

嘉靖 彭簪 衡山縣令

魏謙光 衡山縣令政績失考

萬曆 劉恆 衡山縣令按舊志祀名宦名宦祠遺

崇禎 高世泰 舊志遺漏照湖南通志補入世泰督學湖廣究心經史崇尙理學凡先賢

陳瑣 舊志載分守道存姓佚名按省志崇禎中有陳瑣職官相符疑卽斯人曾

衡山縣志 卷十六

討平八排賊十六年張獻忠陷長沙圍澧州瑣往救援被執不屈斷手割

肝而死

董我前 衡山縣令

薛之奇 通判舊志誤列 國朝按省志名

彭允中 衡山教諭

方士宏 衡山典史

國朝 順治 張兆巖 分守道

李蔭祖 湖廣總督

康熙 郎永清 湖南布政

丁思孔 湖廣總督

李輝祖 湖廣總督

蔣永修 湖南提學

彭而述 湖南提學

陳瑣 湖南巡撫

朱士傑 分守道

張仕可 分守道

姚醇燾 湖南提學

趙申喬 湖南巡撫

衡山縣志

卷十六

學校

五三

潘宗洛 初湖南學政後巡撫

額倫忒 湖廣總督

郭世隆 湖廣總督

雍正 李發甲 湖南巡撫

楊宗仁 湖廣總督

乾隆 錢澧 湖南學政官至通政使司副使

同治 祁騫藻 湖南學政官至大學士

高人鑑 衡州知府

惲世臨 湖南巡撫

鄉賢祠

南唐廖

凝 連州刺史

廖 偃 萊州刺史

宋 趙 棠 隱士

趙 方 顯謨閣學士

趙 范 荆湖安撫使

張 鏜 勤王義舉

趙 葵 太傅翼國公

侯 宣 處士

衡山縣志

卷十六

學校

五

侯有章 進士臨武尉

趙 淮 淮東轉運使

廖 剛 御史中丞

劉應之 隱士

趙知微 處士

廖 倚 博學

明 茹 瑞 兵部尚書

康元積 吏科給事

劉紹先 吏部員外郎

周廷參

禮部主事

黃文華

巨津知州

國朝

聶燾

進士陝西鳳翔知縣

聶肇奎

舉人益陽教諭

彭浚

翰林院修撰官至順天府府丞兼學政

聶銑敏

翰林院編修四川學政浙江紹興府知府

忠義孝弟祠雍正二年定例附學宮五年建於大

成門鄉賢祠右乾隆四十七年重修

國朝

歐陽復

初祀城隍廟內昭忠祠後改祀今所

衡山縣志

卷十六

學校

五

衡山學宮在縣署後左側頂巾紫峯來脈前對崇

文塔邑舊志唐陸宰於開元末始建文廟天寶中

建學堂杜甫有題衡山文廟新學堂獻陸宰詩宋

大觀中學士鄭居中奏乞御書八行刻石立學宮

元季燬明洪武三年知縣陸伯良即舊址重建宣

德五年知縣彭戢重修正統閒知縣龔俛縣丞方

紳以學宮湫隘購地拓而新之成化十五年知縣

劉熙重修大成殿明倫堂及兩齋堂

舊志游昂重修按何詢重

修學宮記及省志皆云劉熙修

嘉靖三年知縣彭簪以齋堂位次

稍偏乃移而正之特建正一亭又爲志道據德依
仁游藝四齋於亭之左右五年簪又奉分巡道檄
增學舍二十四間自以政餘與諸生講業其中顏
其堂曰文會隆慶二年遷學宮於南門外萬曆十
七年復遷城內在縣治之左開雲樓右後巡按柯
挺因公到縣視學宮形勝命將明倫堂改遷稍右
國朝康熙十九年知縣孫維震遷文廟置今所三十四
年知縣郭大定建明倫堂四十七年知縣杜元勳
遷建啟聖祠於大成殿後四十八年教諭王大經

衡山縣志

卷十六

學校

五

建櫺星門易木以石五十九年鑿泮池雍正元年
改啟聖祠爲崇聖祠乾隆二十年知縣黃宮重修

黃宮重修事邑志
闕按省志補錄

四十七年知縣方廷機率闔邑

士民重修文廟正中爲大成殿後爲崇聖祠前爲
大成門又前爲櫺星門又前爲泮池又前爲照牆
正殿下迤左爲東廡爲東廊爲尊經閣迤右爲西
廡爲西廊爲奎星樓大成門左爲名宦祠又左爲
更衣所門右爲鄉賢祠復右爲忠義祠又照牆左
右直上爲圍牆圍牆前兩角爲左右戟門後兩旁

卽兩儒學署嘉慶三年櫺星門圯四年邑紳士重
修十五年知縣劉體重教諭金方世訓導羅禮琇
典史袁梓賢及邑紳重修大成門並擬修明倫堂
未果道光二年庠生王家秩陳鴻舉糾費修葺尊
經閣櫺星門泮池黌門東齋屏牆圍牆並建西齋
屏牆道光二十一年邑紳劉迪家曹家第曹家模
陳模王紹菁曠學浩劉和燮糾闔邑捐貲重修正
殿二十六年工竣三十年接兩廡建兩廊達正殿
咸豐五年春烈風傾大成門拔大木壓西廡出公

衡山縣志

卷十六

學校

五

貴修是歲夏六月崇聖祠圯縣令章學淵倡捐修
復同治六年正殿蟻鍾陽鳴符信趙爾梅曠涵一
鍾陽綏董葵夏澤霖譚家謀蘇綵劉同鳳商諸局
人以公貴修十一月興工逾年工竣至是瓦更琉璃
鳳爪龍頭如制八年文嶽英符信胡伯第白璧
賓錫釐趙少魁王香蔚接修崇聖祠及兩廡尊經
閣奎星樓鐘鼓置樓閣下左右續兩廊棟宇且擴
東西齋廳舍規模大備光緒二年五月

唐杜甫題衡山縣文廟新學堂詩○
無復俎豆事金甲相排蕩青衿一
樵悴嗚呼已十

年儒服弊於地征夫不遑息學者淪素志我行洞
庭野歛得文翁肆佚佚胄子行若風舞雩至周室
宜中興孔門未應棄是以資雄才煥然立新意衡
山雖小邑首倡恢大義因見縣尹心根源舊宮闕
講堂非曩構大屋加塗墜下可容百人牆隅亦深
邃何必三千徒始壓戎馬氣林木在庭戶密幹疊
蒼翠有并朱夏時輓轡凍階屺耳聞讀書聲殺伐
災髣髴故國延歸望衰顏滅愁思南紀改波瀾西
河共風味采詩倦跋涉載筆尚可記高歌激宇宙
凡百慎勿墜

國朝

彭子衡山重修學宮用少陵呈陸宰韻詩○往者

葛商邱文學兼政事丈田清甲區遺黎改惟悴想
見成周時學校隨井地一紀宰官身不負平生志
於時閭巷中彬彬列槐肆於乎下車初或夢文昌
至盛事難再論羽箭就置棄豈無簿書才絕少風
雅意諸君效私費合邑勸公義講堂遂重恢翼門
不終闕木石窮雕鏤金紫粉塗墜罕恩何玲瓏屏
展劇幽邃偃蹇十餘年翁忽噓士氣南嶽應玉衡

衡山縣志

卷十六

學校

五

巍峩聳蒼翠斗文指觚稜星光浮晶凡廟制視三
公規模茲髣髴仰瞻數仞牆悄然發長思雖孚實
後生亦頗知道味作言貽同心敢擬古人記努力
俎豆閒吾道猶未墜○趙昕衡山重修學宮用少
陵呈陸宰韻詩作廟自李唐宋元踵祀事相沿逮
明末廟貌稍憔悴我朝文治隆尊禮侔天地衡
南接岳東士各知尙志洙泗景前徽濱湘列槐肆
吾憶葛商邱夢協文昌至丈田殫經營勸學才無
棄斂資新翼門范令師其意范倡方繼之眾紳趨
赴義禮器乃重修實枚光魯閎眾恩啟玲瓏丹雘
紛塗墜兩楹豎崢嶸數仞窺深邃後遶巾紫雲前
迎曉霞氣泮池漾清漣玉魚躍積翠春秋薦芹藻
嘉卉蔭蘭旄濟濟警髦士宮牆動髣髴昔杜陵
老高吟發藻思後雖不才千載同臭味聊仿望
嶽詩擬作學堂記努力俎豆閒吾道原未墜
明右都御史陳鑑重修廟學記○縣遠在南服廟
學之制肇自往昔正統甲子龔君俛來知縣事祇
謁廟庭顧瞻祠宇湫隘學舍傾圯歎曰非所以致

崇敬處師生也迺捐己俸為櫺星門為泮池繚以垣牆復塑先聖像暨四配以下諸賢奉處其中端冕有容藻繪輝映儼然王者之尊也既而為明倫堂為齋舍堂之東為文昌祠西為典教之居神廚牲房射圃在在維新嘗慨邇年來羣邑合長不能上體朝廷崇祀至意壇宇多廢不治心竊病之今年春予巡歷至衡山謁南嶽神廟道經社稷齋沐之所罔不合度余竊喜之廟謁禮畢循故道還詢諸父老咸曰此吾龔令之所治也吾令下車三載愛民之心始終如一祀神之敬有加無已余聆其言心益喜之夫民人社稷聖天子受之於天以授於下而分理之夫分理者有知焉有否焉或有知一而不知二亦有併忘而怠且虐之者是何心哉夫民仗神而安神依民而祀祀固不可廢政亦不可慢而民之為民又可知也吾之所謂龔必知之彼守令之責者不可不知也吾之所謂龔必知之彼為民父母而不能上宣聖意下念人民以社稷祀典為末事於壇宇頽毀置而不問者視龔令之所

衡山縣志

卷十六

學校

癸

為豈不大逕庭也耶第恐向後年久風漂雨摧復致頽落尙期後之官是邑者嗣而修焉諸父老唯唯遂第其言以記之令龔姓名俛志昂其字云何詢重修學宮記○先聖賢祀於郡縣蓋自唐貞觀始歷代因之我朝法古為治自兩京達於天下府州縣以至荒遠遐方莫不有學而亦莫不有廟以祀先聖先賢其崇儒重道之意至矣此所以治隆於上俗美於下衡山為湖南望邑儒學在縣西非開雲嶺下學舊有廟國朝洪武初縣令陸伯良因其燬於兵重新之而加大焉由乙丑至今中間繕且圯購地重新之而加大焉由乙丑至今中間繕治弗繼日入於敝成化己亥予行屬至衡山祇謁廢學顧謂縣令李喬曰廟壞若此責其誰歸遂規運白金若干兩助之以必其成會李以憂去後二年辛丑南昌劉熙來知縣事乃卜日興事徹舊而新之越二年癸卯告成謂茲盛美予嘗啟其端請為記以表章之而為方來者勸予惟文廟之修以奉先聖賢固長民者祇若朝廷德意然豈惟如是

已哉必使秀民之遊於學者拜瞻道德之光興起
鑽仰之心凡聖賢道德皆明於心體於身見於行
事處焉有以厚彝倫美風俗出焉有益於家邦裨
於生民此則長民者廣德意以望於爾多亡爾多
士所宜致力以副長民者之意也可不勉哉
會朝節改建明倫堂記○縣學在嘉隆前自今陞
之稍左遷城南外而以爲弗吉乃復還之今陞歲
壬午余使岷吉還朝得過而觀焉私語鄺子祖顏
曰學有吉壤虛而未用地靈鬱如人文其昌乃指
今明倫堂陞謂曰還此吉踰七年戊子侍御柯立
臺公按歷至雅愛邑之山水而怪科第之久曠乃
往觀於邑後巾紫峯下認龍氣之結聚本在學宮
之右縣治之左語與余合諸生遂前而白曰鄉翰
林會某曾語諸生柯公愈喜始議遷廟憚費乃改
建明倫堂以當之初構而有鵲巢之異及秋而舉
於鄉者二人甲午康氏兄弟聯舉明年周君遂成
進士文氣日嚮於盛山川之清淑若始爲此方效
靈焉今歲二月余奉召非上展謁南嶽之神縣令

衡山縣志

卷十六

學校

堯

鄧君柱瀾過余而督余記改建之始末往柯公之
有意於此也既嘗屬之余惡得不償所負於今日
也柯公之始發議邑令王君三畏實受命行之南
臨曉霞峯非倚巾紫峯之勝明倫堂成左右爲齋
房櫺星門外豎宮保解元二坊費官帑幾三百金
初捐俸爲小塔於文廟前今在明倫堂爲巽方望
之卓立如筆於法允善是役也余之贊王君頗力
紛紜之論蓋屢辨折而始定也及劉君明簡繼至
覩文廟卑弗稱捐俸爲重簷增高之而以舊明倫
堂爲啟聖祠左右建名宦鄉賢二祠而於櫺星門
內爲泮池今令鄧君則又捐俸爲敬一亭省牲所
學制乃寢備云太史氏曰余觀於學之改建而可
以證孔門止至善之學焉夫山水鍾毓之地必有
氣所止宿之處爲居者之至善故不嫌屢卜而務
擇之乃獲吉焉夫地有至善道亦有至善君子修
之吉吉莫踰於止至善也故擇學術必於孔子乃
爲學術之至士有知止者處則爲聖賢出則爲名
世爲子必孝爲臣必忠兄弟必友朋友必信語必

國朝

合倫序行必中矩程乃為視身處己之至善居處
猶有待於外者也若夫至善之理存於心者也孰
無至善孰不能止至善誠反求之心何往不吉乎
於擇善之訓庶以師師興起學校之心
康熙四十八年王太經遷建啟聖祠記○啟聖公
之有專祠自明嘉靖開始先是洪武初國子司業
宋濂有回參仍坐講堂上而其父列食廡間之議
竟以是蒙譴後宏治初學士程敏政有請立啟聖
公祠並定諸祀享從祀之位下禮官議不可遂已
十四年祭酒魯鐸又有是請不報至嘉靖九年輔
臣張璁復引程敏政說以請從之衡舊有祠距殿
庶東不數十武建於順治乙未後官斯土者無舍
可棲爰即祠為居室因仍接踵有祠之名而實則
署矣閱五十餘年闕茸朽折且神人共處馨香垢
穢之不齊其為褻也孰甚歲甲申冬予以改建謀
於邑紳議論悉協於是取材於山購臂於陶選匠
論工後有成緒會有惑於形家者言卜基未定致

衡山縣志

卷十六

學校

卒

物料備而濡滯需時者久之丁亥燕山杜公攝篆
茲士銳意興學因與周遭環視得殿後地刻期興
工起於孟冬而成於季臘若棟楹若垣墉若階若
墀俱有程式施以丹堊斐然可觀既成涓吉迎主
入祠率諸紳士釋奠焉竝紀其歲月於石
四十八年王大經櫺星門記○天下學宮之制聿
有成模缺一不備非令典矣第衷古制者因其舊
而新之易為力無其迹而創之難為功獨是畏難
而姑且以待未免聽其苟焉而已夫禮樂制度之
場而有苟焉即安之心不可以言也是以懷抱素
志毅然為之創興而不辭者則今日之新建櫺星
門是已衡邑學宮屢遷規為未備戟門壁池概屬
草率而於櫺星門之制蓋闕如也庚辰春余備鐸
於茲見其壘甃為門心竊皇然其不安者非一日
矣嗟乎漢立博士置辟雍橋門觀聽一時咸以為
昇平之大觀宋慶厯初詔令天下立學及今苗蠻
阨澁莫不有學豈衡邑文明之區數百年來猶於
學宮中有缺焉未備之事乎大都前之人視官為

傳舍一切興廢事往往俟之後人而後又復俟後
展轉因仍其何底止又或者視爲具文無關令典
不知其爲一門焉一牆焉而禮樂制度係之矣顧
安得有其具而創興之乎歲乙酉邑令李公遷去
將所管文昌書院田租餘銀若干兩又南嶽集賢
書院所管一年田租餘銀若干兩移學收儲余不
禁躍然喜曰是卽櫺星門可以新建之一機也爰
集邑紳士諸君與之謀因出余平時所繪櫺星門
圖式相與參伍而酌定之凡丈尺高下以及雲龍
獅鳳諸雕刻厥惟余式是程第取材於百里外鑿
鑿者數月運昇者又數月月延至丙戌秋九月望七
之吉始起工豎建迄某月某日告厥成事焉爲門
者三爲柱者六爲獅座者六爲淨瓶直枋者十有
二中爲雙龍枋爲字枋爲雲枋更上爲火焰枋俱
各一兩傍爲雙鳳枋爲雲枋者亦各一傍柱空隙
填砌石版者各四而櫺星門之制備矣是役也不
取諸帑不勞於釀一唱百和而藉手以成不可謂
非甚盛事也爰撮其始終而爲之記諸如工匠之

衡山縣志

卷十六

學校

至

費夫役之費物料之需例得書於碑陰
德貴重修文廟記聖廟之關於文治尙矣而修聖
廟之關於政事者尤匪輕衡之聖廟昉自唐陸宰
顧建之於時事弗靖之餘杜工部喜其足以恢大
義而歷戎馬詩以貽之嘉乃績也然而基制屢更
自開元至國朝孫令維震遷置今所余承乏
釋奠仰瞻廟貌整飭巍煥有以見前令留心廟制
崇祀兢兢獨怪殿自孫令修建歷數十年輪奐未
改豈必無踵事增華者今以衡邑志事多缺遺政
事稍暇有事修輯而邑生王錠劉嗣鳳文濤等以
聖廟重修呈請紀志乃知由康熙庚申暨雍正己
酉宮漸朽蠹諸生建言平樂陳公齊芳捐金百餘
並學租積儲約費三百餘金不捐公鏹民役始已
西之季夏六閱月告成廟制增高若牆楹若棖桷
重簷聖者丹者璀璨明備余謂是役也生等督修
勸厥成功俾學者景仰聖域如見當年美富則廟
貌興而祀典隆祀典隆而士風振是舉誠未可泯
也夫勸設庠序不報勸興辟廡不省沿及學舍傾

敝鞠爲園蔬非無修舉之人乎至若建立辟廱園
橋觀聽彬彬郁郁盛於永平他如修起學宮於成
都市中蜀由是化於學謳思弗替修舉與否國史
較若列眉邑有志猶國有史重務不書志牒之遺
也余旣重生等請因撮舉前令修建者昭示來茲
共懷 聖天子崇儒重道至意並著首事諸生
名以爲後此贊勸盛事者勸
乾隆四十七年方廷機重修文廟記○竊維大聖
人之道充塞天地而靈爽式憑尤凝聚於名山大
川衡山爲天下五嶽之一離明兆啟文運宏開可
與東山竝峙是以先哲名賢如鄴侯昌黎暨朱晦
菴胡文定輩諸大儒後先屢止講學尊經有自來
矣我朝重道崇儒百餘十年今 聖天子壽考
作人化成久道凡在遐陬僻壤無不振興文教猗
與休哉衡邑文廟舊建城之西隅自雍正己酉重
修距今五十餘載殿廡傾圮祠宇荒頽僅存基址
而已乾隆丙申歲前令鍾公謀議創修捐貲未集
遽事工興大成殿規模前令鍾公謀議創修捐貲未集
學校

衡山縣志

卷十六

學校

空

之令斯邦者皆無常職又值儉歲未遑及此工之
寢者又七載矣庚子歲予奉命宰衡觀茲山川之
美文物之盛竊爲此邦慶迨瞻謁聖廟仰見宮牆
圯毀榱桷崩殘不禁爲多士慨焉夫今之富室巨
家身居華屋猶欲壯其觀瞻日興土木之工姑弗
論其奢者卽小而園亭臺榭不過縱耳目之歡尙
且汲汲從事况文廟爲 國家盛典聖靈所憑依
詎可廢而不舉乎顧其爲工也大而其爲費也繁
非一手一足之力所能蕆事且前之逋欠者未償
後之捐輸者不前以致修廟之舉竟無復有過而
問焉者嗟乎天下事成功蓋若斯之難也因節供
億免徭役使民力得有充餘又值年豐物阜乃進
紳士父老而告之曰邑有文廟人文之所蔚萃也
頽然不振固有司者之責亦都人士之任也矧基
址已備今第增其式廓使怠於中止毋乃有始鮮
終乎予將首捐廉俸爲之倡諸君其勉圖之僉
曰然於是慎選首事籌畫經費殫心設法勸捐城
鄉士庶踴躍爭先樂輸恐後遂鳩工庀材董率興

衡山縣志

卷十六

學校

三

修余總其成而分其任於司鐸文黃二公越兩寒
 暑大成殿名宦鄉賢忠義諸祠悉沿舊制奎星樓
 尊經閣及廊房官廳均以次告成又於櫺星門外
 穿泮池池中有古井井出玉魚朱鱗朱鬣宛如騰
 躍之狀蓋亦文明之瑞兆也已另為文記之大工
 落成之日嚴嚴翼翼壯偉宏耀紳士皆以為余之
 功又馮曠酌嘯太史為之記子自愧德薄能鮮何
 敢自以為功然聞古者致治之盛衰視其學校之
 興廢衡山人文蔚起或入登翰苑或出膺民社科
 第綿綿相望繼自今惟期多士益加砥礪廉隅文
 行兼修去浮夸杜私謁蒸蒸向上余幸得以公退
 之餘與諸生揖讓乎其中舉仁義道德之學講明
 切究將見達者皆學道愛人而可為公卿處者禮
 讓興行而可希聖賢入其境而絃歌足樂問其俗
 而禮義可風他日登為風俗之書上諸輶軒之採
 以副 聖天子作育之心以守大聖人大中至
 正之道以追蹤先哲名賢講學尊經之遺意而所
 謂山川秀麗人物俊傑於此愈徵其盛然後歎學
 校之修其工誠不可已也此則予惓惓修廟之苦
 心所厚望也夫爰敘其巔末而為之記
 乾隆四十七年曠敏本重修文廟記○竊惟虞廷
 肇百王之道統尼山樹萬代之儒宗今之學宮統
 宗之地也日者譚君長春來言日邑文廟工將竣
 是舉也荷邑侯方公之力以蒞事子其為之記子
 日有是哉政之舉豈不在人哉邑文廟之不修厥
 有年所矣邑紳士之議重新文廟亦有年所矣乾
 隆乙未商之前尹議闔邑捐貲襄厥役詢謀既同
 矣首構大成殿因其舊而新之址仍其初而崇廣
 倍於昔工未半而前尹鞅掌於孔楹催督稍緩未
 捐者觀望不前董事諸君稱貸以集事始得大成
 殿規模粗就諸堂廡門池祠宇垣牆俱缺然未備
 也嗣是而舊尹遷調承乏者不常於其任工之曠
 者數載矣予惟州邑興舉之事不為則已為則必
 要其成矧事之攸關綦重而必不可不成者非亟
 亟為之則將不及待其成而前之垂成者或且至
 於隳其成也我公甫下車辦香虔謁低徊四顧喟

然曰邑政之大者孰如文廟哉學宮之廢興吏治之臧否也人材之盛衰也士斯者之責與宮斯者之責也廟工可不速成哉公乃晨夕籌畫懇懇勤勤諭其指於僚屬示其意於紳士耆民公一唱而四境之內嚮應而圖之輸鏹者恐後執技者爭先是前所缺然未備者今皆煥然具舉焉若門若池若堂若廡若祠若垣牆鞏其基而恢其制堂哉皇哉僉曰公之力也公曰廟貌維新人文蔚起實爲此邦人士慶也公之志深矣予聞公公退之暇時或進生童而詔以爲人之道大而聖賢之必可師君親之不可負小而公庭之不可出入外事之不可干預此公今日修廟之忱所拳拳者也繼自今邑人士循牆而入如覩宗廟百官之美富焉升階而拜如覩溫良恭儉讓之聖容焉廟以外巾紫峙於西可作東山觀也清湘匯於前可作泗水觀也南瞻壽嶽之祝融可悟學之造極也北眺觀瀾之浮圖可悟學之上達也此皆公所期於衡士也抑新廟之舉有特足異者公召工濬泮池見古井井

衡山縣志

卷十六

學校

六

泉上湧忽得玉魚湘南爭傳以爲希有之嘉瑞詳公所爲玉魚記中茲故不縷公名廷機字友松號靈先貴州黔西州壬午科舉人是役也司鐸文承寵黃中理實贊其成董其事者邑恩貢卽選直隸州州判陳思濂明經羅廷玟譚松芝卽長春太學生王聖修庠生劉積桂例得並泐之石
乾隆四十七年方廷機玉魚記○洪惟聖明之世文治隆而嘉瑞見之常也景星卿雲瑞見於天醴泉甘露瑞見於地祥麟威鳳靈芝神著瑞見於鳥獸草木維此南衡厥位爲離文明有象佳氣見於山川亦固其所顧不圖今日有特奇者余宰衡重新文廟濬泮池掘地見古井井泉上湧忽得玉魚堅栗而溫潤鱗鬣宛然隱隱含赤色嗜異矣玉生於山山有玉無奇也凡水方折者有玉水有玉無奇也夫此魚也殆亦琢磨而成人問所珍而遺者顧琢之自何代也遺之自何氏也何以非非瓚非壺非尺而爲魚魚在井也夫使衡不新文廟余不移置泮池寶光英氣不且長此薶漫於黃

泉耶豈神物之顯晦亦有時數存耶意者
天子崇儒重道正學昌明余與衡紳士躬際人文
化成之日有重修文廟之舉玉魚或亦乘運會之
隆感余與紳士經畫之微忱遂出呈其祥耶抑至
聖之誕生也麟吐玉書此玉魚也其至聖之靈爽
式憑耶同官不可謂無記爰揭管而紀其瑞藁成
客曰玉者玉成之兆也魚者騰躍之符也騰躍之
說余於衡士有厚望焉繼自今衡士之遊於泮池
者虔奉一瓣香而謁先師之廟勉為圭璋之品以
膺 聖朝特達之知遇庶無虛此文明之瑞哉
○玉魚歌衡峯摩霄雄南維火房雲蒸發靈奇兀
突岫樓嵌似碣數千年後始得窺由來神物蹟嚴
闕升沈昭晦應有時欣逢 聖代新文廟櫺星
門外營泮池掘地數尺見古井井泉上湧榮光躋
載淘載濬披沙石忽有玉魚躍出泥我為凝眸三
摩沙隱隱赤色縈鱗渭水之璜汾水璽安能似
此天然姿異哉韜光自何代地老天荒無或虧白
虹精氣蘊黃壤不緣新廟何由知洪惟 聖皇

衡山縣志

卷十六

學校

奎

崇正學辟靡鐘鼓爭奔趨園橋聽講若見此端應
堵牆紛履綦猗與寶玉應運起多士其無辜昌期
○王家秩文廟補修記乾隆甲午冬邑修文廟公
舉羅名廷玟譚名松芝陳名思濂與先嚴杏園名
聖修首事以董其役自乙未興工至壬寅始竣功
鉅費宏捐入不敷致首事破產墊足統計捐金數
萬四首事又共墊數千廟乃巍然煥然克觀厥成
嘻其難矣哉後經數十年風雨霜雪向之巍然煥
然者且漏且傾秩嘗請於學師金菊圃謀補葺之
苦無資未敢造次適嘉慶十三年衡山奉文買運
通米三千石零石頒價銀一兩縣已集眾設法幫
買如數續奉部頒補價石六錢合庫紋一千八百
兩有奇應分給諸幫買者尚存縣秩謀及搢紳謀
及殷實欲以其既出之財公諸一邑為文廟補修
計眾皆諾遂與同學楊善長羅元燾謁學師金轉
請邑侯龔告廟蠲吉經始嘉慶十五年六月歲事
本年十二月貲不足秩與同事鄭名貽周劉名孟
英李名拔南各解囊以助非敢云繼志也念前輩

倡修不易久而後就久而漸圯苟非因其現有之
公項及時補修恐遲之又久圯益甚修益難豈復
能以千餘金越數月而畢乃
事即謹記始末以告後來

學宮舊藏書

書經大全 詩經大全 禮記大全 春秋大全

性理大全 綱目大全 大學要錄 儀注 爲

善陰隲 孝順事實 重修南嶽志 禹貢詳節

南嶽要錄 宋張隱著 衡山記一卷 隋宋居士著 衡山記

一卷 宋盧鴻著 南嶽勝概一卷 宋錢景衍著 南嶽尋勝

錄 宋僧文敏著 南嶽衡山記一卷 宋李芾著 以上俱燬

衡山縣志

卷十六

學校

奕

於兵火

學宮見藏書

上諭三十二本 雍正元年 又共十一本 八年至十三年頒

聖諭廣訓二本 外官儀注一本 名教罪人書二本

朋黨論一本 學政全書一本 駁呂留良四書

講義八本 明史一百十四本 以上雍正十年頒 十三經

注疏十二函 廿一史六十函 以上乾隆三年頒

欽定四書文一部 乾隆六年頒 周易折衷二部 書經傳說彙纂

纂二部 詩經傳說彙纂二部 春秋傳說彙纂

二部

御纂孝經近思錄二部 日講四書解義二部 性理精

義二部 朱子全書二部 古文淵鑑集二部

欽定前明及本朝四書文二部 真德秀大學衍義二部

以上乾隆十年頒

御纂資治通鑑綱目三編一部 乾隆十年頒 滿漢

上諭各二本 乾隆十年頒 捐納條例一本 學政全書一部

以上乾隆十年頒 三禮義疏十九函 儀禮疏六函

增續學政全書四本 以上乾隆十年頒 南省通志一部

衡山縣志

卷十六

學校

李

乾隆二十三年頒

欽定鄉會墨選四本 乾隆二十六年頒

御製樂善堂集十六本 乾隆二十六年頒

唐宋詩醇二部 乾隆二十九年頒

欽定磨勘一本 乾隆三十年頒 周易述義四本 詩經折中八本

春秋直解八本 以上乾隆三十一年頒

御製文初集全函十六本 詩初集全函二十四本 詩

二集二十五本 又詩二集二十一本 以上乾隆三十三年

頒 六部條例一部 乾隆三十七年

欽定滿漢對音字式一函

乾隆三十九年頒

大清律例二部

乾隆四十六年頒

歷年奉頒科場條例

欽定簡明條例一本

御論一本

三場程式一本

祀典儀注一本

學政全

書十二本

乾隆四十八年頒

御論一本

嘉慶三年頒

聖諭廣訓一本

嘉慶四年頒

擬定官員終養定制則例一本

嘉慶

五年頒

山西學政一本

禮部則例二十四本

以上嘉慶

衡山縣志

卷十六

學校

矣

十三年頒

學政全書十六本

嘉慶十九年頒

歷朝學額

漢武帝始詔天下郡國立學置弟子員後魏天安

初立鄉學郡置博士二人助教二人學生六十人

唐開元以後京都學生八十人大都督中都督府

上州各六十人下都督府中州各五十人下州四

十人京縣五十人上縣四十人中縣中下縣各三

十五人下縣二十人宋慶歷四年詔諸路州軍監

皆立學以經術行義訓導諸生掌其課試弟子無

定員元中統初命置諸路學官後定州縣學生額十五人其盛也至五十人受餼於學明洪武十五年定在京府縣生員六十人在外府學四十人州學三十人縣學二十人日結廩膳仍免差徭二丁宣德四年增廣生員數如正額不給廩膳謂之增廣生正統十二年於廩增之外復選俊秀附學肄業謂之附生嘉靖三十七年命天下考取軍民子弟優於論策騎射者爲武生附府州縣學

國朝順治四年定直省各學廩生增廣生額俱如明其

衡山縣志

卷十六

學校

李元

附學生數視人文多寡分大學中學小學衡州府學額進文章十七名武童十七名分撥各縣衡山縣學額進文章二十名武童十五名府學聽撥康熙六十一年

恩詔直省儒學增廣學額一次衡山增廣七名

雍正十三年

恩詔直省儒學增廣學額一次衡山增廣七名

乾隆六十年

聖駕詣

文廟釋奠成禮直省儒學增廣學額一次衡山增廣五名

嘉慶元年

恩詔直省儒學增廣學額一次衡山增廣七名

嘉慶四年

恩詔直省儒學增廣學額一次衡山增廣七名

嘉慶二十五年

恩詔直省儒學增廣學額一次衡山增廣七名

道光元年

衡山縣志

卷十六

學校

七

恩詔直省儒學增廣學額一次衡山增廣七名

道光二十年

恩詔直省儒學增廣學額一次衡山增廣七名

咸豐四年

恩詔直省儒學增廣學額一次衡山增廣七名

同治元年

恩詔直省儒學增廣學額一次衡山增廣七名

捐輸增廣學額

咸豐八年奉文衡山增廣文武學永遠定額各一

名

咸豐十年奉文衡山續廣文武學永遠定額各二名並增廣一次文武學額各一名

同治元年奉文衡山續廣文武學永遠定額各二名並增廣一次文武學額各二名

同治三年奉文衡山續廣文武學永遠定額各二名並增廣一次文武學額各一名

同治四年奉文衡山續廣文武學永遠定額各二名

衡山縣志

卷十六

學校

十一

同治六年奉文衡山續廣文武學永遠定額各一名節次通共增廣文武永遠定額各十名此屆又奉文增廣一次文武學額各二名

同治七年奉文衡山增廣一次文武學額各二十名

同治九年奉文衡山增廣一次文武學額各七名

同治十年奉文衡山增廣一次文武學額各五名廩膳生定額二十名廩膳銀五十四兩六錢八分

九釐

增廣生定額二十名

附兩學田租歸兩學經收易銀解學政爲賑貧項

一海字六區左家山荆陂河田租四十石

一海字十五區九龍泉田租四十四石

一九字四區孟樓臺田租二十二石五斗

一潛字三十區漁塘坪田租三十八石

一道字三區鐵鑪衝田租四十六石

一义字一區流杯池田租七石

考棚在縣治南門外雯峯書院右道光二十年闢

衡山縣志

卷十六

學校

三

邑士紳捐貲倡建前爲儀門中爲號舍分東西過東爲又東上爲堂堂後左右房爲衡文所迤西屋數椽爲襄閱處初邑無考棚邑紳文昌晉龍彩節於嘉慶九年倡建縣署儀門內後改建於茲

培文館在考棚左雯峯書院右先是邑人因改建考棚樂捐以餘資建培文館且置田租三百餘石

爲考棚歲修資及縣府試科場卷費會試資斧其

館右爲大廳奉祀

文武兩聖左側上下屋六間

爲首事辦公處

考棚置買基地

一價買聶有湖有澤縣城南門外雯峯書院右屋宇山林園土一大所塘一口田一大坵額租五石糧一畝四分五釐

一價買康恢聞公嗣孫康柱南積文承柏等雯峯街官路旁河岸屋宇園土一所

一價買李翠雲翠其雯峯街左岸屋宇兩棟園土塘池溝塍等業

一價買邊金魁等雯峯街屋宇屋基園土一所

衡山縣志

卷十六

學校

三

一價買歐泰壽兄弟雯峯街老岸屋宇基地園土一所

一價買蕭連璧雯峯街左岸基地一所

一價買王瀛洲雯峯街河岸基地園土一所

考棚公捐歲修田租

考棚與培文館聯屬田租合一經理

一陳節捐江字二區坵源八出斗田租二十五石糧一十七畝七分六釐

一歐陽開泰捐孔字七區兩頭塘大碑堰黑子衝陶家衝屋背湖衡斗田租一十石糧八畝

一丁寅捐沱字九區架山衝八八斗田租一十石糧七畝六分

一縣令潘清以公貲置買賀鳳姿土字五區雙石門竹山衝栗林臺田種三石八斗糧三十一畝六分名爲卷田交培文館首事帶管

一樊章享捐導字六區下禾家沖茶山一所山租每年額納穀三石

與價買樊章享田租共處

考棚置買歲修田租

一價買善化曾子諧孔字十二區上更衝衝斗田

衡山縣志

卷十六

學校

七

租一百八十石糧一百五十八畝八分九釐

一價買歐陽開泰孔字七區兩頭塘大碑堰陶家

衝黑子衝屋背湖等處衝斗田租四十三石七斗

糧三十九畝五分七釐

與開泰捐田一十石連莊

一價買劉楚德楚連于字二十八區大塘竹山灣

田租一十七石八斗糧七畝三分一釐

一價買曾吉臣江字十五區域裏衝斗田租五十

七石糧四十四畝其莊屋園土左邊一頭陳道源

於四分中有一分公備價買全

一價買陳建寅兄弟江字十五區罐子塘田租三石糧二畝

一價買樊章亨導字六區下禾家沖田租三石五斗山林一所山租每年額納穀一石

成文公所在縣治綦家碼頭邑殿元彭浚於道光十三年捐沱字二十區印湘八八斗田租三百六十六石五斗糧二百八十五畝八分八釐為文鄉會試及歲考資斧公所為首事辦公處契據條規刊碑豎二處一在大成門一在成文公所

內田租價買劉

衡山縣志

卷十六

學校

七五

春和三百四十石零五斗又陳旺南二十四石彭敦堂二石

翼文公所在縣治通濟門內右側邑舉人河南輝縣知縣陳焯墀於同治八年捐價買成鳳階沱字三十區單家隴平斗田租一百二十二石糧七十四畝二分三釐為文鄉會試資斧公所為首事辦公處契據條規刊碑公所



學校二

書院



雯峯書院在縣治南門外初為元狀元何克明故宅明嘉靖時縣令彭簪就遺址建書院名文昌後圯隆慶二年遷學宮於其地萬曆十七年學宮復移城內縣令鄧國材於萬曆二十八年重修文昌書院因舊地復舊制仍舊名明末兵燹又圯

國朝知縣郭大定即其舊址廣若干畝前為頭門中建文昌座額育英堂後為講學藏書所康熙三十一年

衡山縣志

卷十六

書院

一

年經始三十二年落成改文昌為文峰後又易文為雯郭令併捐廉置豐塘坪田租紳士又公置楛木壠鰲洲兩處田租康熙三十七年署縣事謝令捐八里長冲田租二十四畝零有碑記按書院今田不可考又按邑志職官表康熙三十七年知縣張壽尚郭廷彩無謝令此載謝令捐田恐誤邑舊志原置膏火田四百二十三畝九分零歲收租穀四百二十石零五斗乾隆二十一年又將觀

湘吳集文昌田租併入雯峰

按省志文昌書院在邑東南二十里彭簪

建鄧國材重修又載文峰書院在南門外亦名雯峰考湖廣通志衡州府志邑舊志併云文昌

後改名文峰即今縣治南門外名雲峰者據此則省志之文昌必另有所指查邑東南二十里向無書院惟乾隆十年知縣德貴於吳集建立義學即取南門外舊文昌書院之名以名之明鄧國材文昌書院碑記國家以經術登進賢良士之續食上春官天子臨軒問之由鄉而升為造士所藉手以獻者詎不以文耶第先資者用為羔鴈而間以得魚兔而筌蹄之其在功令非程者擯不得錄於是乘時者致身青雲沈淪者仰首窮屋此豈異故從焚膏下帷以苦心博者什之五六若鹵莽而希冀於不可必者則百無二三矣夫人情靡不亟於進取豈其鹵莽是甘然逸樂熏心自奮者鮮輕有限隙光忘夫操習所以督而成者師帥任也予治衡山之明年以學宮舊無齋舍士或艱於卒業始相地於城南古學基若干畝贖自民間為屋而新之凡二楹前為緯楔中為講堂左右之為齋者二十祀以文昌之神經始於歲之丁酉泊冬而落成乃與學博楊君熙袁君文炳集諸生讀書院

衡山縣志

卷十六

書院

二

書其中月為課期試其藝而商畧之日曰諸生亦知今日意乎夫士於四民中業已受書遊膠庠其平居積念豈不欲起田間而為廊廟用以致主宣猷顧時命殊遭容有懷瑾受別而徒然敝帚欲享千金則計之失者也假令業既精而猶不售然後歸咎主司人事足擅前茅然後乞靈造化此恆理也試觀百工羣萃而州處必相示以巧乃施於四方士固有巧在也不羣萃不相示而斲中程毋乃弃日中之慧而張鼠樸之聲乎請與諸生約自今伊始盡屏外營以一心志為長白之齏鹽而安其澹為百原之燈火而忘其拘厲以責成若鷺鳥將擊而故斂其翼也需以歲年若將軍將戰而故養其氣也折脇之夫能以巧中宿瘤之女不以醜遺士奈何志伊周之事業而不講於董賈之章哉其相與勗諸

國朝

郭大定重修文昌書院記國家設科取士雖以帖括為程然而窮聖賢之理則微之可以入道識聖賢之行則顯之可以見功體聖賢之言則其發之

為文者又自可以名世孰謂帖括乃筌蹄哉邑舊
 有文昌書院為前明彭公所創建羣士子攻帖括
 於其中今其址依然余丙寅春筮得茲邑即有修
 舉之志第時絀舉難於卒辦至辛未秋始得漸
 次規運乃捐金若干緡為眾倡於是十日經營眾
 遂翕然計木之工則前為門廡中為講堂後為度
 閣石之工則為棖闌為磴為墀為階級塑之工則
 為關帝於前以翊文教為文昌於後以司文命為
 朱明祠於左以象文明為奎宿座於右以擅文光
 既而慮士子肄業尚無其室乃復於丙子秋捐金
 若干緡創建左右齋房二十間東西夾堂相向先
 是右缺奎宿座復置三楹以位之繚以高垣各三
 十丈有奇使士子下鍵其中而余日督課之且復
 慮會課之資無具乃為置田以膳之將所謂窮聖
 賢之理識聖賢之行體聖賢之言胥於是乎卒業
 焉未可知也特是役也費不捐公帑之一鏹役不
 勞公徭之一卒有為余所倡而眾助之者有為余
 所獨任而眾無預者捐金釀金之有差慕義董事
 之有成與夫置給守院者之田畝有自例皆得書
 於碑陰
 聶燾中秋偕諸生登雲峯書院文昌樓詩吾愛二
 三子步月來書院院中讀書聲聞之生歎羨於時
 正中秋明月當中見攜手上高樓少長相後先月
 明師弟心照心纔照面餘光映澄江俯視真如練
 念昔漾湘遊几席羅羣彥此時詠春樓此時文源
 宴相憶儼同堂相思阻異縣何當插翼飛棘閣看
 酣戰人生快青雲有道恥貧賤勤者若固有情者
 徒畔援苦矣文昌神那能開方便月淡神無言起
 予藉
 狂狷

集賢書院舊名南嶽書院在南嶽廟左近市喧雜

宋運使張嗣可徙之集賢峰下稱鄴侯書院元至

正三年有重修鄴侯書院記明太常卿夏良勝讀

守茶陵偕編修張治遊南嶽過集賢峰下見書院
圯廢因與知縣彭簪議就遺址修復集唐宋名賢
祀其中故名集賢久之又圯祀亦闕郡人曾鳳儀
倡眾捐貲新其宇且置田租以李鄴侯韓昌黎朱
張趙清獻周濂溪諸賢合祀書院先是朱張已有
祠在方廣有司以道遠祭禮不肅鳳儀乃迎其主
與諸賢合祀集賢後朱張仍祀方廣鄴侯專祀明

道山房而集賢合祀之典如故

按湖廣湖南兩志均於南嶽書院下

載李泌隱衡山治廬煙霞峰側名端居室多藏書由宋元來掌教有官育士有田此似指煙霞

衡山縣志

卷十六

四

衡山縣志

之明道山房為集賢之南嶽書院考元義化重
修鄴侯書院記南嶽書院本李鄴侯讀書處創
始在南嶽廟左宋張嗣可以其近市喧雜徙之
集賢峰下據此則宋時徙建之書院元稱鄴侯
書院今為集賢書院其煙霞之鄴侯書院本德
貴所建義學初但稱明道山房無書院之名因
集賢已合祀唐宋諸賢不復稱鄴侯書院而煙
霞為當年故宅遂復以鄴侯書院名其學原委
詳見明道山房大抵煙霞為李泌藏書之處集
賢亦當年讀書之所故兩處皆稱鄴侯書院但
一則稱在元以前一則稱在明以後非同時有
兩鄴侯書院亦非向來止一鄴侯書院前通志
與府志及先舊志俱未詳明故舊志辨之
元義化重修李鄴侯書院記南嶽書院者唐李鄴
侯讀書之所也創始於南嶽之左故宋寶慶年間
運使張嗣可以其近市喧雜地勢湫隘徙之集賢
峰下由是書院之制始備胡文定公父子講明春
秋於此宦遊於此既而晦庵南軒相與講道唱酬

其間湖南道學於斯為盛國家龍興之初太祖皇帝金戈鐵馬削平西北世祖皇帝風飛雷厲混一海宇天下龍蟠鳳逸之士興起倡明道學於是前代四大書院聿然重興其諸先儒過化之區復賜舊額斯文之盛未有過於此時者也至大厯戊申今翰林學士楊公宗飭來為山長易敝更新百廢具舉後二十二年為至順庚午衡山縣尹右扶允修創益備山長何鼎復請尹記之刻石具在今十有餘年繼之者屢非其人上下兩旁風雨侵凌棟椽屋壞視如傳舍田奪於豪強而師生無以自給絃誦之聲幾至廢絕至正三年秋今翰林承直歐陽公從予述與教之初奠謁先聖先師顧瞻殿堂門廡齋舍庖庫亦皆傾圯惕然於懷曰學校之廢責誠在我值歲荒廩稍不給白之郡縣咸允其請乃捐已俸為多上倡新明倫之堂甚盛舉也朝廷作新風憲命勳舊重臣分鎮諸道湖南肅政廉訪使帖木兒不花公仗節來振風紀首以學校之教作養人才移易風俗為急務郡縣學院無不修舉

衡山縣志

卷十一

書院

五

委憲史譯史王必石温日贊襄之又以承直興學之言語之山長明年憲副劉公昱行部至邑山長以其事聞時湖南道宣尉司同知元帥赤刺馬丹照磨歐陽遜天臨路知府事顏普知事楊文質亦以代祀嶽廟因造書院憲副公相與督勸下其事於縣尉馬聰典史謝斗祥承命而往縣尹趙忠力疾起民權趨之前衡州路經歷埜石帖木兒嶽市巡檢朱文顯以相山長度材鳩工不踰月而燕居之堂先賢之祠成未幾尹復謝事縣丞黑沙督餉海運未還改命主簿李伯淵董役府委其吏曹果繼促成之殿門堂庶齋舍庫庖垣墉屏閣黝堊丹雘不三月而煥然一新衡雲增高湘水飛立山川為之改觀矣是役也非山長以學校為已任不能成其事非憲府以勉勵為已任不能化其下上有好者下必有甚焉文記之嗟夫自三光五嶽之氣分而天下無全材仲尼聖人之道以貽後世其功有賢繫周易作春秋明先王之道以貽後世其功有賢

於堯舜者孟氏學孔子也亦不得其位而周流諸國空言無施後之學者賴其言尚知尊孔氏談仁義貴王賤霸功不在禹下秦始皇帝焚書坑儒盡滅先王之道以智力法律繩民不足論也漢有董仲舒唐有韓愈各以其學鳴於時迨至宋時周程朱張諸儒相繼而作以續孔孟不傳之緒而道以明爲人臣者不知爲學必以培克私己爲務事君必不忠爲人子者不知爲學必以悖逆爭鬪爲先事親必不孝夫婦無別也長幼無序也朋友無信也是不知爲學之甚也其可乎哉傳曰三代之學皆所以明人倫也人倫明於上小民親於下此師道之所以立學校之所以設其有功於朝廷生民甚大今茲書院也聖人有宮從祀有庶先賢有祠師生有室而田入於豪強稟稍之不給尤不能不望於部使者至正乙酉十月朔也

衡山縣志

卷十六

書院

表邈矣遐思聖皇繼統併忝召命列京朝官居茨相比夏子謬屬典銓時石犀彭子註衡山合與鄒子陳子訊若鄉誼日衡山擇賢主矣既而鄒子判廣德夏子守茶陵陳子戍海濱茶陵去衡伊邇政滌龐滯時與龍湖張子凌虛雲嶠弗遂邁征賦望嶽以洩於私未幾趨省召爲文役與張子方舟夜濟彭子趨候如夙期然默構簡辭祈靈啓善而夜卧公堂聽雨達旦意弗尼也辰饋已隱隱日脚赤下夏子迅導張子彭子追及天宇淨廓道絕塵溢亭午至衡祠修儀肅瞻虔於謁贖雨復如注頃乃已退食於東序日開雲樓志昌黎遇也而夏子以官同步入西序日霽雪堂志南軒遇也而張子以姓同彭子契誼謂謫籍止雨又類同也尾兜聯寫步笑咏歌回盤復折厯澗跨厓可二十里緣磴穿莽屐級以升瞻眸顧睇霽景殊絕若非人世臺輿私老僧日僅僅見也僧主南臺寺寺方構閣登而快意命日天霽亦志遇也夜引觴酌搜剔腎腸聯以詩什雞鳴就寢雨復作檐溜聲酣息而與夏

衡山縣志

卷十六

書院

七

子欲窮上封祝融尋七十二峯深處張子曰未盡
 之與異日作續遊記也返輿而下若走丸於坂瞬
 目延伫於兩峯併息間衍緩如砥曰集賢峯下
 坐移晷曉霽人殆繪事弗稱曰惟地主任夏子以
 因祀也於峯名為稱石屋曰贊曰舉協於義圖乃終
 賜弗敢私附以成之張子贊曰舉協於義圖乃終
 悵悵登舟別去夏子自是歸卧林居又三年大義
 責起復有行役張子方職史於館彭子先期以略
 且告書院以終事夏子適往用畢初志誠不知俯
 仰間又幻出一絕境也綴以紀曰衡之靈與嵩恆
 泰華均也恆肇於冀舜禪堯治而官牧命焉華連
 於岐武承文德而周呂繼焉湯征尹聘莘葛麗於
 嵩邱孔教顏學洙泗源於秦舉雖云聖賢之生天
 地自有神數不必於專氣者然而岳鎮之完非聖
 賢不足以當之也惟茲衡靈鍾洩未有所施聖賢
 潛龍以飛適在茲服謂非有以當之者哉嗚呼聖
 作物觀使有若昔諸賢必宗孔孟以輔唐虞三代
 之治出而名世可無寓茲已乎曩臣紀載蓋將慶

時賢之際會而感夫昔賢之遇者深矣若大觀奇
 勝古今名家盡之朋遊合散宦跡險夷皆恆數也
 諸賢應祀法有定論在記從畧焉可也
 曾鳳儀儀重修集賢書院記衡嶽名勝故甲於天下
 過客往來睹蒼翠冉冉出雲際輒心擬一登登即
 留連幽絕低回不能去蓋自唐李鄴侯韓昌黎宋
 朱晦庵張南軒蹟最著近於客署顏之曰開雲存
 昌黎也顏之曰霽雪存朱張也朱張業有祠祀方
 廣而李侯顧闕即朱張歲祀不必之方廣第於野
 遙祭褻甚子竊慨焉歲癸巳從穎泉鄒公遊謂南
 嶽廟石有集賢書院遺址前邑侯石屋彭公建祀
 唐宋以來賢有聲者盍新之為遊觀者勸予應之
 曰有司傳舍其官念不到此此予地主任也歸與
 益齋伍公謀捐貲首其事諸搢紳聞而助者若干
 人監司郡邑諸公聞而助者若干人合之得金若干
 干兩以付募僧儲糧庀材後先營構垂三載而樓
 閣堂廡告成餘貲買田二區大福源租二十四石
 龐公塘租四十二石俾僧性恆守之迎朱張神主

祀其中益以李韓及趙清獻周濂溪四先生設釋
茶禮禮焉俾服習其中者有師表在目也夫羣賢
足蹟所至寄興須臾胡景仰之若是要以生平大
節瓌璋不羣規恢聖謨照耀今古屹然直與名嶽
等登其山想見其人人與山交相重也祀山因以
祀人也羣賢其吐之乎雖然集羣賢而祀之有司
事也見羣賢而思齊非盡有司事也故由晦庵集
諸儒之大成進之為孔子集羣聖之大成是所望
於後之君子

國朝袁與集賢書院祀典考集賢書院重修於茶陵守
夏良勝衡山合彭簪二公所合舉專以祀李鄴侯
韓文公趙清獻周濂溪四先生也朱張二先生祠
乃尹洞山所創建祠專祀於方廣以林擇之配於
集賢無與也後以朱張祠燬郡人曾鳳儀乃重修
集賢而遷朱張二公合祀於此是朱張乃附祭者
也非專祠也明李衡合董我前修其故祠仍歸朱
張於方廣則集賢之二主遷矣後人憚方廣之遠
而仍祭之於集賢是朱張乃望祭者也併非附祭

衡山縣志

卷十六

書院

八

也何近代之主鬯者不辨典禮所自起而祝文止
言朱張併不及鄴侯四先生噫何其舛也譬之人
家招客有專設者亦有侍坐者今乃舉旨酒嘉肴
盡以俯之侍坐而於專設者不及焉其客未有能
安其位者也以世代論則唐為先宋次之以理學
論則濂溪為先朱張次之以宦業論則清獻為先
朱張又次之今共處一堂之上先後相向自有一
定之次而主祭者顧尊後而薄先稱宋而畧唐禮
義由賢者出曾謂賢者而若是乎予謂祀典出自
國家者非臣子所敢議若數先生之薦享則舉於
鄉先生與郡邑之大夫也鄉先生可議邑大夫亦
可議急起而釐正之夫亦何難人特見不及此耳
自茲以後當令專祭有專祭之文合祭有合祭之
文各立體裁勿俾淆亂方於祀典不謬也
明李燾遊集賢書院懷諸先賢詩千載英遊意氣
同天畱勝跡為名公峯巒鬱鬱雲林外物象氤氳
雨露中大地原來存道脉遺編自可挹春風遙瞻
禹蹟碑明滅欲向岫嶺洩化工

國朝王大經觀集賢書院崇祀諸賢有感詩洙泗源流
遠千年契合同遺經尋嫡系絕學破洪濛太極丸
中趣先天窟裏融名山崇俎豆廟祀報鴻功○彭
孚虹見集賢書院鑿井得泉詩嶽麓軒墀記百泉
詩成雪霽集名賢千秋誰是心源契此地偏疑道
脉傳天相斯文虹乍降人留佳話井初穿衡南應
有蟾宮客穩步仙橋到日邊○聶銑敏集賢書院
虹泉詩虹飛何事騁恢奇多士文章可用儀為駕
鵲橋依院宇還交暈彩煥門楣滿天霽雨初晴後
萬斛原泉欲湧時要識有為同掘井光陰變幻勿
驚疑○康受鏞集賢書院卽事詩二首朱鳥分躔
毓地靈昔賢遊屐此曾經千家煙火連雲白四面
峯巒簇樹蒼古榦槎牙支獨壁老藤延蔓絆疎櫺
何方鐘磬蒼茫裏似隔風篁仔細聽○兩年鴻爪
駐槐廳鄴架頻傳博士經捲箔千山迎曉日登樓
萬木蔽繁星為扶珍卉畦芟草欲汲清泉石琢瓶
共道藝林佳趣永
繞欄書帶茁芳馨

衡山縣志

卷十六

書院

九

明道山房在煙霞峰福嚴寺左唐李泌故宅也今
亦稱鄴侯書院韓愈詩鄴侯家多書架插三萬軸
蓋煙霞卽當日藏書處今尙有極高明三字鐫石
上相傳爲鄴侯手書明李天麟就遺址爲門二楹
堂六楹翼以小室名明道山房觀天麟自記其辨
香固非專爲鄴侯蓋唐宋諸賢之道範皆在景仰
中矣舊置田租九十石續置一百一十石乾隆九
年縣令德貴始置義學於山房下廣齋舍延師課
讀稱鄴侯書院二十一年田租併入集賢義學廢

齋舍亦圯惟山房獨存歲祀侯於此昔為侯舊宅

今為侯專祠故仍稱鄴侯書院按省志明道書院本鄴侯書院侯子

繁刺隨州時建考明道山房明李天麟建非繁

建曾鳳儀重修集賢書院記云朱張有祠在方

廣鄴侯祀獨闕若煙霞之鄴侯書院建自繁是

集賢雖圯侯亦有祠在煙霞安得云侯祀獨闕

且宋時所徙之書院元稱鄴侯書院若鄴侯先

有書院在煙霞何至集賢峰下書院復稱鄴侯

可見繁所建本在南嶽廟左故原名南嶽書院

後又兼稱鄴侯書院元義化記可考再考李天

麟明道山房記但云因鄴侯遺址伐木採石以

為之併未云舊有書院在其地書院實乾隆九

年德貴所建在明道山房下左旁通志不知出

房與書院其地不同遂誤以明道書院為鄴侯

書院○又按明道雖存山房之名廢未與復應

列觀湘下因義與集賢連屬仍照舊志序

衡山縣志

卷十六

書院

十

明李天麟明道山房記余三奉簡書歷閱山川紀

籍末為諸賢倡學之所則無有右於衡湘之祝融

頃余按衡而躋其巔憩唐李鄴侯藏書故址芙蓉

青玉拱揖後前簾洞龍池廢鳴左右兼之萬峯垣

列映帶瀟湘高插青冥遠連岷嶓雙鳥雲扶心焉

為暢夫鄴侯當肅宗時賜隱治廬爰及代憲召入

平章應月蝕東壁歸往庶幾哉出處兩無負矣後

此則韓胡朱張接武來游而昌黎之辟異崇儒文

定之尊王賤霸世教人心至今賴之五峯紹業以

授南軒而晦庵又相為唱和洙泗流沫不絕湘上

固祝融之靈而三湘人士亦厚幸哉余獨怪夫邇

者以鄒魯為利媒遠自性於膜外用之不見可行

舍之無可為卷諸賢遺響杳焉絕矣夫窮宇極宙

惟性獨尊即旦夕斤斤猶懼封翳奈何役役聲華

焉貨利焉甚且恣情任氣漫口率性居常拾唾餘

以干進取一登仕籍惟利祿誇耀計而於天地民

物渺弗關涉蓋教弛道晦之故哉余也覽茲雅勝

追憶羣賢不忍斯文泯泯落莫於是與郡倅陳道

純及邑合劉明簡謀闢地於鄴侯故址之右採山
伐石前爲門二楹入爲堂六楹左右各翼小室合
來遊高賢暨茲方有志之士仰鄴侯之風而躅諸
賢之遺矩者得有止歸因額之曰明道山房夫道
卽性也大之民社微之草蟻遠之華夷近之童僕
原無二性唐宋迄今千餘載而昔賢之流風遺韻
猶令人勃然興起性同故耳爾人士誠不拘時而
束教刻欲而脫習人我障除見聞魔散湛湛澄澄
親見本原自性如同之心不違仁孟子以仁存心
詩之小心翼翼昭事上帝無論顯微小大一切從
性體流行而五官受成命焉則用亦樂舍亦樂不
以無對之眞而爲時玩弄不以有涯之軀而因人
悲喜蓬栖竇處俱足經綸廣土眾民不爲羸羨綦
至皇虞隆業罔出浴風歌詠而功烈赫如管晏曾
不抵嗒然一笑耳書云惟上帝降衷於下民若有
恆性余代狩三楚故有率人之責者旣治其堂復
綴以說卽不知於昔賢之旨何如而爾
湘人士勿失自性勞勞甘爲形役可也

衡山縣志

卷十六

書院

十一

觀湘書院在觀湘洲去縣治七里許洲踞湘水中
央竹樹青蒼蔚然以深四面波光如鏡往來帆影
參差蓋邑之勝地也康熙十一年知縣王家賢始
建書院於其上原額田租三百六十一石後書院
廢田租屬守僧管理乾隆九年縣令德貴奉文清
查各書院租穀因議設立觀湘義學其守僧因租
入贏餘續置之田仍歸僧管原租清出爲束脩膏
火之資延師課讀如故乾隆二十一年將觀湘田
租歸入雲峰義學復廢嘉慶十五年縣令劉體重

集邑紳修復捐置田租八十石

查禮科案卷劉令捐置田租一十八

石諭捐一十石接任張富業捐置一十石原歸縣治望嶽門外義學無捐置觀湘田租事後義

學廢田歸書院劉令逾年調遷教諭金方世多歷年所

籌備生徒膏火肄業如初迄今六十餘年院宇將

頽同治十一年邑人王香蔚胡伯第出公貲重修

明曾朝節觀湘洲塔記衡嶽為南方宗山自峯頂南向而望山之脈如木榦蜿蜒枝條分布近三十里東則為巾紫峯衡山縣治宅於峯麓以臨湘水縣治之左峯巒羅列如畫江之南秀峯亦簇而前頃改明倫堂以當其盛既合枚卜湘水之西來至於觀湘之下有洲如金鼇然其勢浮游而逆上若以停蓄巨浸而收文瀾灑氣於襟帶之間此豈人力也哉乃堪輿家則謂東方木也塔之形像木而

衡山縣志

卷十六

書院

三

聳峻洲之址堅實凝結踞乎東流塔於其上卓立為筆撐持為柱位置允宜局鑰尤固然自創議以來若干禩矣伐石以為基壘輒以為高擬駸駸七級矣不數尺而工輟踰十餘年而棄成事咄咄嗟難莫有尋其緒者孰使是地靈之弗叶勝蹟之不竟豈非有待於人也與邑令鄧公治衡山之三年戊戌以大計入都余因語次及之公慨然曰風水之譚尚矣此塔成將幹氣運於層級之巔象緯迴而風雲會人龍奮而文物昌且邑令責也其敢不力歸踰年已亥十月公遣吏數千里請曰塔成有日矣願有以記之將勒於石以垂示永久余躍然喜曰衡山之俗慕義公鼓之響應弗後他邑不能公政成上下孚信民勞而悅費不貲而眾胥勸有餘力焉翳孰與比海東之岱輿員嶠方壺瀛洲蓬萊聞巨鼇舉首戴之今塔巍然山立亦若金鼇之背負山不動不使與水波上下又若鼇之在於水心俛首下伏而昂其背以與巾紫競勝其為邑之山川增麗不甚奇哉乃為文記之曰塔有始勞今

咸改作以底於法工始某年月日落成於某年月日茲惟公藹然父母之念視邑事有如其家蓋不獨簿書頭會之能是以百務具舉士若民兼賴之曩嘗襄飭學宮已又建文昌書院於縣治之南集羣俊其中親課其業塔之建也公且將應召於新命矣而竭蹶終始豈非人情之所難哉公諱國材柱瀾其別號也粵之橫州人

國朝王家賢重建觀湘洲塔記形勢者古建都作邑所必考卜而宅之者也枕江負山重關複壁如人之作室然雖有朱林碧沼之勝而垣墉局鑿之必嚴如人之一身然雖有魁顙皤腹之軀而左右環抱之必整昔李牧生而右臂短至不能操劍其於生人之形幾不全矣乃以木榭續之中其拱而揖人與戟明矣當其隱於絳衣深袖之中其拱而揖人與戟而揮人又安知其非臂也形勢之缺而待補築也何以異此楚蓋古所稱澤諸侯之國其水固多洲焉雲連徒洲金木竹箭龜珠齒革之所產其臣嘗以之誇於大國以為是楚之寶也余泝大江而南

衡山縣志

卷十六

書院

十三

跨洞庭浮沉湘無處不有洲如鄂之鸚鵡以正平之賦而名潭之晚洲以少陵之詩而傳其他大者亘數里土人芟而樹桑種麥其中者往往而是然以其無關於州邑之隄塞故多畧焉衡山濱大江之西嶽磅礴而水澎湃形勢甚壯也乃水由邑城而東塊漭虛曠而無以縮江之口獨恃觀湘一洲稍承其下始逆狂瀾而障之洲之高不過二丈每江水暴溢兩岸皆浸而洲業然獨出殆有物焉護之乎是洲之重有關於邑也惜其遠在三四里於大江之口終未能祇而縮焉此如李牧之臂幾廢拱揖而不能不接之以木榭者也明萬歷間廣西鄧君柱瀾治衡山以衡自正嘉而後科名衰落乃用堪輿家言建塔於洲以挽之君所自為碑記中然洲沙墟而塔中空踰十餘歲而圯焉其後廣西慶遠董君為衡合慨然欲復建之然其用堪輿之言則董君猶之鄧君也甫成塔址而君以憂去塔址之沒於沙礫蔓草中者且數十年余在衡之六年為康熙庚戌衡諸生屢以建塔為言余曰

衡山縣志

卷十六

書院

古

時紬舉羸古人所戒余往在京師聞京師人言明
 神宗欲建涿州胡良河巨馬河二橋當時以官費
 民勞為慮夫以天下之大而為橋猶慮其勞且費
 焉況衡為貧瘠之一邑乎諸生曰是固然也公於
 衡諸廢畢舉而獨斬此一塔亦缺事也且以公為
 之必有官不費民不擾而可以有成者余不能辭
 乃急請於巡撫都憲盧許之若不以時紬舉羸為
 慮者或知余之必能辦此也於是筮日鳩工始庚
 戌吉月越明年八月竣事是役也費取諸贖及願
 助之家而不捐公帑之一鏹工取諸備食之夫而
 不勞公徭之一卒百年之廢墜忽隆隆屹屹儼如
 一峯突起於驚波洪濤之間也洵衡之巨觀也哉
 諸生請記其事於石余謂余所建之塔與鄧君同
 而其建塔之意則與鄧君異蓋鄧君止欲於衡山
 祈科名余兼欲於衡山壯形勢也夫形勢即易之
 所謂設險子輿之所謂地利也周公營洛亦必規
 向背之勢納陰陽之和相水泉之利故曰我十澗
 水東瀝水西惟洛食由此言之形勢之說雖聖如
 周公未有易之者此余與鄧君之意之所以異也
 雖然形勢既壯山立水迴苞結渟涵而文明之氣
 聚焉文明之氣聚必發為科名而多士又益日厚
 其所以發之之具人事與地靈且交為應焉則謂
 余之意與鄧君之意兩不異焉亦可也諸生之董
 其事者則羅生輝王生喬陳生湯祐陳生錫衮康
 生霖孫丁生逢願吳生伯允胡生宗渭金生仕儁
 姚生夢萱率三人共督一級紀其姓名不忘任事
 之勞而始其事者則王生喬陳生錫衮焉余斥贖
 金若干緡助修者之釀金若干緡費約而功巨亦
 奇矣余從諸生之請援古郡邑形勢之說為之記
 而系之以辭曰瞻彼嶽麓崩崩劣磅礪湘水環之併
 嶽為瀆邑經再遷於是穆上水長峯高佳氣淳育
 左止址陵右則王屋室勤垣墉有缺必築衡於諸
 洲實為上游地靈護之洲起深湫淼淼東溟鼇負
 而浮若見若隱契龜而謀龜謀伊何門關扇鍵乃
 徵埏埴成茲巨建突帆凌空爭出清漢形家有言
 峰如犀管大江為池濡墨飛翰佑我多士為國楨

榦我登其上迥若飛仙極目空碧氣象萬千翩翩
鴻影漠漠江煙事半古人功倍於前石鍊五色完
綴且堅永偕天柱於萬斯年
吳正治新建觀湘書院記自昔營建落成必紀其
事於石然其言或自爲之或他人代紀之自爲之
者卽自述其所以成之之事與志而已代紀之者
亦卽以言者之意紀主者之事與志而已若夫庶
民愛戴其父母而因藉營建之役以乞言於人使
其人之代紀者不代主者紀其事與志而竟爲主
者之民代記其愛戴之志則斯舉也抑又奇矣歲
辛亥余以讀禮解部務因栖遲桑梓間而衡山則
余楚上游鄰邑也其邑之民人請於余曰邑侯王
公諱家賢奉天海城人也治衡七年多惠政治北
有洲曰觀湘洲邑人以科名久不振請建塔於上
侯毅然爲之一歲而塔告成侯旣自爲記矣侯獨
曰科名之盛衰或非盡關塔之建與不建也古有
之百歲之計樹人樹人者扶而植之養而成之之
謂也上之人無以新美一邑之士而士遂習奔競

衡山縣志

卷十六

書院

而賤德義吾將使之自裕其所以致科名之具於
是復專贖五百金建觀湘書院聚諸學士下鍵其
中爲樹養人材之計侯之治衡其意宏達深遠如
此其他惠政之類是者不可勝紀吾屬謀以其勩
勒於石願借一言以張之余以哀毀遜謝復固請
余思古人立朝有耳剽一二良吏猶將表而薦之
如林東城之於淮守唐應德之於項喬隣邑有賢
宰猶吾邑也卽力不能薦之顧不可張之以言乎
況又親得之輿論乎草野之言質而可采非若士
大夫之阿私而難盡信惜其未有狀也因進而問
侯之惠政則皆曰侯自以美錦學製而其治則雖
學古者未之或過也性剛而才敏法嚴而罰必然
性剛而未嘗自用法嚴而意未嘗不厚事所欲爲
未嘗懾於上官之合意所欲革未嘗撓於諂誡之
言自徭役之不均累及貧弱侯知包侵之爲害也
創爲照田親當之法雖單戶數畝之田皆得自了
其十年之一役而豪猾無所容其奸自郵遞之日
弊併累及豪強侯知差使之橫索也嚴爲驗牌給

馬給夫之法雖院部臺司之差止求得其火牌應
付之名數而暴橫無敢肆其毒六言鐸教刊為成
書家賜戶子月吉集耆幼重申其義使民知孝弟
力田以漸化於無爭他如屏黠去蠹摘伏發奸通
商惠工防江弭盜使民閭行若有嚴刑於其旁此
不特吾屬知之而諸上臺且稔知之也昔之為衡
者亦思有惠愛以及民而往往有儻焉如不終日
之意侯則未明而盥濯日出而視事其施為之銳
意於初者則益精勤於其後其規模之自期於始
者則益考祥於其終退食之暇未嘗一刻或有惰
容七年之中未嘗一日或有渝志此則吾屬竊知
之雖侯亦不自知也余喟然曰此古人無倦之學
也侯自以美錦學製則謂天下之好言學者皆揮
尺而裂焉可也公孫氏之治鄭人或疑其過猛而
公孫持之益力雖子太叔諍之不為少移雖輿人
謗之不為少沮而夫子率以惠人稱之無倦故也
以侯剛果之氣七年如一日宜其建文塔作書院
為衡山百歲樹人之計異日者衡之人材彬郁科

衡山縣志

卷十六

書院

六

名振發則皆侯無倦之意基之也況其惠政又多
可記者耶因即其言歸之使之鑿於石其請者為
某某若干人別書於石之陰
德貴修復觀湘書院碑記自昔稱所居之最韻者
曰舟居無水陸居無室蓋曳一船於岸上而寓其
中也後世之好潔者因擇勝地築室若船而居之
名曰船房今之官廨及士大夫家往往有之以為
韻事余宰衡山之官廨及士大夫家往往有之以為
日船至其處徘徊逾時且上塔之最高頂余觀是
洲也兩頭刻而中寬逆流以上儼若舫然昔之人
以舟居陸無水無室為所居之最韻今以為舟居
則屋也以為陸居則水也因顏之曰陸舫迎流此
實順乎造物之自然而豈藉於造作之工者耶且
是舫也前為書院後更有瓦屋若干楹中間一塔
凌空有若檣然則以是舫為姑蘇之泊也可為赤
壁之放也可以為鑑湖之浮家泛宅也更無不可
讀書是舫之中者朝餐曉霞之色暮聯夜雨之聲
前披巾紫之奇雲後領白山之爽氣遠收湘江千

衡山縣志

卷十六

書院

十七

里之流近鎖南嶽萬尋之脈昔人謂納須彌於芥
 子即以是筋為上承千古聖賢之脈而併載天地
 萬物之奇可也院始立於前令王公家賢置田租
 二百七十七石又斷入無主荒田八十四石吳正
 治觀湘書院記所謂聚諸學士下鍵其中者也後
 因中廢其精舍遂屬於僧併田畀之承值僧亦勤
 苦以其餘息續置田租二百七十餘石邑紳士曠
 士常譚尚岸康信德廖國賓賀孫發等既有添設
 義學及資助科舉之請因以額田歸之書院以為
 師生膏火貧士觀光之費而以其續置者畀之僧
 以為日用往來焚修看守之資以勵將來勤苦且
 併申詳各憲且居來學生徒士與僧既兩允服則
 揚其帆邑士人共操其楫諸弟子得優游絃誦於
 其中念昔日之中廢一壺千金際此日之復興狂
 瀾一柱庶幾勤學共矢力砥頽流世世無失是則
 同舟共濟之義也夫○是年院長為蕭君長儒君
 丰標溫雅經術湛深向有初學便集八股津梁歷
 選拔尤三刻行世從之遊者彬彬有禮舟行過之
 絃誦之聲不絕並記於此
 彭陸觀湘洲記楚粵之交湘水發源逶迤千里而
 至衡山過邑城下七里凝然一洲水分復合昔人
 謂此吾邑關鍵營館於上又於館後建浮圖一座
 名其洲曰觀湘吁此固造物之奇蹟抑人心虛靈
 之所觸也余自應童試始得一登洲上繼而屢至
 至即眺覽竟日竊歎四時之景不同而觀亦無窮
 焉爾乃春雨冥濛湘波騰湧風爭石鬪漚浮泡走
 黃帝蚩尤戰於涿鹿吹雲噴霧庶幾近之若夫夏
 日朝升湘映殷紅少焉亭午湘作澄碧俄而夕陽
 湘泛爛紫譬則燈無定影鏡不泯形也秋水澄鮮
 皓月千里金波蕩漾碧沈一色恍若壺中別有地
 天冬雪紛飄水落石出玉屑銀盤銷融無滓憶昔
 枚叟遊於梁園縱心浩然何慮何營於是觀既周
 徧體靜心閒害馬已去世事都捐悟造有之不盡
 覺涉無之有聞吾心虛故能靈靈故通道動靜無
 端且作如是觀

衡山縣志

卷十八

書院

六

金方世重修崇文觀湘兩塔暨書院記衡山嶽靈
 鍾秀素稱望邑何假人為而其間有必資人力以
 培之者如崇文觀湘兩塔皆風水攸賴况觀湘洲
 為一邑大關鍵置書院其上不獨壯形勝且為培
 養人材地願不重與崇文塔相傳為懷素舊址無
 所考殊不足據然雙峯對峙筆勢凌空遙而望之
 歸如也觀湘塔係前明縣令鄧公國材創建去天
 尺五在水中央洵為登覽勝境書院則康熙辛亥
 歲王公家賢治衡時竭蹶以成之清幽寥廓隔斷
 塵囂几淨窗明松篁交映一片作育苦心至今如
 繪惜年久剝蝕墻壁傾欹歲已巳邑侯山陰龔君
 省齋謀所以新之捐廉倡修屬余監其事士民感
 激鼓舞樂從即於是年八月念五日庀材鳩工俶
 修崇文塔迄臘月工竣接修觀湘塔其明年二月
 卜吉修書院鏡於圖成迫督不少懈無何省齋以
 憂去山右梅坪劉公來署篆情殷學校捐贖併舉
 得金二百餘勸厥事由是頭門前堂東西前書房
 各五間漸次底於成越辛未梅坪調任湘陰費已

告罄繳項寥寥余與督修生文鎮川又力綿不堪
 多墊工遂輟秋七月吳興潘公棠村尹是邑甫下
 車微行至觀湘洲慨然興嘆謂此等要工何可遽
 令廢毅然身任遂分俸錢清羨款勸諭各紳士刻
 期興建而講堂暨東西後書房各四間克臻完繕
 較舊規加壯麗焉之數公者新舊無猜後先濟美
 為培養人文計至詳且盡謂非衡人士之厚福哉
 爰敘其巔末以告後來其能無聞風而生感也夫
 省齋名志曾梅坪名體重棠村名煜不敢沒也故
 備書之時嘉慶十七年王申歲
 注亨命修復觀湘書院落成附記自有天地有此
 洲有洲斯有塔有塔而後有書院有書院而後有
 廢興沿革本末見於諸公之記者詳矣余何言且
 洪規鉅制經歲月而告成各當事之殫心勞力非
 淺陋所及知亦非淺陋所能記其記之附也附記
 塔與院之所由均從洲名也洲踞湘之中流而砥
 其瀾又承邑之上下流而縮其口是形勢之所在風
 水之所關登其上下者四顧淼然心目澄澈以觀湘

名宜也塔所以壯洲之形勢培邑之風水故從洲
名書院則作育人材之所初不為形勢風水而設
而均從洲名何也塔建於前明鄧合至

國朝邑侯王又重修焉形勢既勝風水彌佳於以祈英
才之輩出科名之日盛其意良厚而王侯之意則
尤有厚焉者塔成旋於洲上建書院聚諸學士下
鍵其中以為作育人材計無逾此此尤英材輩出
科名日盛之根柢也然自始建以來興廢不常德
侯再修今龔侯及劉侯及金羅兩夫子或倡其先
或繼其後或相與左右而翼成之蓋前後相望未
踰百年而修建已三次矣是則洲無廢興書院不
能無廢興其與塔均從洲名者欲其基如洲之固
而名亦同洲之永也抑吾又有說焉凡久廢之舉
未易遽興茲院荒蕪既久屋宇傾頽且盡而諸公
顧毅然修復不以為難豈特以其宛在水中央
遠隔竹樹茂鬱冬煥夏涼足以便游息而興絃誦
哉夫為學之要端在循流以溯源不觀乎湘之源
遠流長乎可以知學貴有本彼過情之聲聞不足

衡山縣志 卷十六 書院 九

尚也不觀乎湘之源清流潔乎可以知士貴洗心
凡非分之榮膺無容慕也觀湘之名義大矣哉竊
願有志士子肄業於斯顧名思義用相切劘則英
才不患不出科名不患不盛而人材之成就且更
有奇偉不凡非意料所可及者亨命不敏幸從諸
君子後睹院宇之落成制則存新名猶仍舊於是
仰而瞻俯而思附誌數言用質各當事未知少有
當焉否

明鄧國材觀湘塔成志喜詩金鼇誰釣任灘頭盪
浴波心不計秋為愛瓊林漆彩筆直將玉柱插中
流長湘可是難東去迴鴈應知拙北謀最喜峰巒
紅日近九垓春色望中收○康元積觀湘塔次邑
侯鄧公韻踏盡丹梯到上頭煙雲遙指萬家秋移
來天柱分南幹斷取金鼇壯北流浪湧樓臺堪作
畫工凌神鬼豈容謀却疑霄漢翻身近歷落星辰
逼眼收

國朝蕭士杰遊觀湘塔詩塔影業如湧勢極摩蒼穹登
之清秋時湖江澹秋容萬壑奔地底孤蹟寄天空

日照蒼梧雲煙深石廩松牖中過雷雨向下看飛
鴻杜陵不可見大祝語徒工聞道苦不早亦覺小
東濠○唐崇勳再飲觀湘亭詩古有河朔飲避暑
聊一醉茅亭新構成郊外炎堪避俯挹一江清遠
來萬山翠我愛此亭幽咫尺氣象備一時曠達人
不期後先至箕踞復科頭少長咸不次坐上黃
冠高標若無二雲影俄渡江清陰相覆被隨風去
復還恍如駕天駟炎氣頓欲消彼此各揚解與酣
發浩歌歌人生渺如寄江水書夜流誰與挽其逝偶
思排決功行其所無事而況在吾儕詎可鑿其智
良會共率真登臨晰此義○羅楨登觀湘塔詩金
沙百匝爭流水影漾綠楊拂蒼耳誰移天南第一
峯微茫壑影奔江涘芳樹經秋葉漸移履下乍聞
鴻鴈歸交南萬里晴烽息蒼梧一片白雲飛城裏
喧闐猶白晝已覺殘陽低向後六合忽開笑阮嵇
我騰而上與誰齊注日寒江詩興滿欲尋舊韻偶
無題朱鳳晚來踏徑側竹實疑啣天柱棲○戴日
煥觀湘洲塔詩二首鎖鑰門庭固中流砥柱深四

衡山縣志

卷十一

書院

三

邊人眺望一塔插江心○煙嶼橫江出波心塔影
沈雲中飛鳥倦幾認作孤岑○葛亮臣觀湘洲書
院詩海上巨鼇湧三山嵐氣堆登瀛諸學士可自
在蓬萊○黃有福停棹登觀湘洲塔詩天勢開南
楚層軒望不迷近河青草濶遠樹白雲低煙落隨
帆影林叢任鳥棲萬山晴色好莫放夕陽西○陳
湯祐觀湘塔成詩江分百道至鼇駕一峯奇注望
湖光渺層登壑影卑白雲城表裏烏魄障躩踞績
著安流上橫潮拱篆碑○孫元曉發衡山過觀湘
洲懷聶函有詩孤塔江中起文星水面浮此邦多
秀彥之子自儒修楓樹紅漁舍煙墩白戍樓思君
不可見長嘯下潭洲○譚柄登觀湘洲塔詩二首
寶塔臨孤嶼登來四望通波光雲外合山翠雨餘
濃繞地干竿密擎天一柱雄頂廉驚宿羽道折趁
旋風呼吸星辰近矚臨海氣窮蒼茫含萬象此意
竟誰同○碧淨湘波遠中流一柱擎片城斜自倚
孤月傍偏瑩曲道縈層漢孤峯寫太清千竿聯鳳
翼九面到藩屏帆影連南極霞光耀北溟好迎霄

漢意共指使臣星。彭齡觀湘洲塔暨書院落成。詩浮圖高峙白蘋洲。俯視關河萬里修。此去波濤還顧盼。到來日月合淹留。騷壇題詠風流近。勝蹟與衰往事悠。鼎建功歸賢守令。諸生更慕鳳池頭。○王喬登觀湘塔詩。海門洞處望難窮。絕島溟濛初蟄龍。衝翳撐虹分一柱。曉霞巾紫併三峯。層檐直翠連青漢。磴道宜騰躡。赤松浩渺明湖看。片碧石濤啞。塔引疎鐘。○唐崇勳飲觀湘亭次韻詩。清風因我渡江來。吹徹煩襟次第開。斗室陰連簷外柳。疏櫺影照檻前梅。凌空塔勢天為柱。翻水波紋玉作堆。極目瀟湘憑眺遠。敲詩莫覆掌中杯。○向之濂觀湘塔詩。峒堯一塔豎江煙。影落波心碧漢連。徹地劃開湘水去。倚天奪得嶽雲眠。環洲浪細魚牽藻。泊岸風輕月扣舷。幾度捫登高頂望。祝融遙映兩眉邊。○羅雯觀湘釋菜有感詩。一坐芳洲候六年。每逢釋菜倍皇然。經師未若人師少。宿學何如晚學賢。日射鰲頭紅出水。雲移鳳尾綠參天。江山勝蹟無今古。他日誰與許併傳。○曠學古觀書院

衡山縣志

卷十六

書院

三

湘書院詩湘洲橫鎖邑城陰塔石巍巍院宇深雲漢星槎浮水面海天鰲柱鎮波心鴻歸夜月秋空響鐘破煙樓世外音川上文瀾觀不盡好從往古悟來今

雯峯集賢觀湘三書院舊額田租

按書院田租觀湘最多後併入

雯峯集賢今觀湘雖興復未反原租遂合一經理統稱雯峯集賢觀湘三書院田雖有專屬費實通用仍於條列田租處註明舊日所屬書院以便稽考此外增置田租亦統歸三書院分別舊額新增以昭綱目

一朝字十區地名桐橋成熟田糧一百零五畝四分三釐五毫

一朝字二十一區地名尹家町成熟田糧五十一

畝六分六釐二毫

一朝字二十八區地名尹家町成熟田糧六十一畝三分二釐

一朝字三十區地名柳家冲成熟田糧一十五畝三分一釐四毫以上四莊原屬雲峯

一宗字十四區地名七里山又名星子橋田租二十八石糧二十八畝四分七釐九毫

一宗字十四區地名搗牛坪田租四石七斗額納仔粒米一斗三升以上二莊原屬明道山房

衡山縣志

卷十六

書院

三

一宗字十四區地名井邊又名白鶴觀田租一十

石此係縣令劉體重於嘉慶十五年捐廉價買僧蓋楚田租入義學後改歸書院

一宗字十五區地名田心田租三十六石一斗六升糧四十一畝七分六釐四毫此莊原屬集賢

一宗字十五區地名上東湖田租一十八石八斗九升糧一十五畝

一宗字十六區地名井冲寶慶寺門口田租五十

一石一斗二升糧四十八畝五分六釐九毫

一宗字十六區地名壩塘冲田租一十七石七斗

八升糧一十四畝

一宗字十八區地名羅渡下龍潭田租五十五石

二斗五升糧三十九畝七分六釐以上四莊原屬明道山房

一宗字二十區地名小頭嶺田租四十七石四斗

四升糧五十四畝八分六釐此莊原屬集賢

一于字三區地名桂花坪又名劉家坪田租三十

一石一斗一升糧二十七畝七分此莊原屬明道山房

一于字十區地名誌木隴成熟田糧三十九畝一

分此係邑紳於康熙時公置原屬雲峯

衡山縣志

卷十六

書院

三三

一于字十二區地名石東廟水墩沖口田租七石

二斗八升此莊原屬雲峯

一于字三十區地名硤石橋田租九十二石四斗

糧九十二畝一分九釐內撥集賢守僧穀三十二

石

一于字三十區地名大福源田租一十九石糧一

十六畝八分七釐以上二莊原屬集賢

一海字一區地名瓢形嶺平斗田租三十六石計

田四十一址水塘六口園土四處茅屋一進本莊

山林東抵直壕基爲界西抵周人山爲界南抵康王廟田爲界北抵彭人山爲界

一海字一區地名料上平斗田租四十二石計田四十四坵水塘六口荒園三處茅屋二進菜園二處本莊山林左抵陽人山爲界右抵壕基爲界後抵嶺嘴倒水爲界前抵田爲界又土租三處折納租一十三石一斗

以上二莊熟糧七十八畝七分四釐墾糧五畝一

分五釐內撥雲峯守僧穀三十二石此二莊原屬觀湘

衡山縣志

卷十六

書院

三十四

一海字五區地名柘塘鋪田租一十石糧八畝此係

嘉慶十六年縣令劉體重任內曠炳燦買譚碩麟田租捐入義學後歸書院

一海字十區地名硤石田租一十石零五斗

一海字二十三區地名湛甘泉田租一十六石內

撥文定書院守僧穀一十石實納六石

一海字二十三區地名閻家坪田租一十石以上三莊

舊志缺不知原屬何書院

一海字二十三區地名天柱峯下田租八石四斗

一升糧四畝四分三釐舊志山房門首墾租三石歸併此莊

一海字二十三區地名楊家灣田租一十二石四斗糧一十畝

一海字二十一區地名下火場田租六石九斗五升糧五畝以上三莊原屬明道山房

一九字四區地名店門前田租四石五斗

一九字十九區地名草塘冲田租一十九石以上二莊

舊志缺不知原屬何書院

一孔字十七區地名大冲頭田租二十石內撥吳

集文昌守僧穀一十石

衡山縣志

卷十六

書院

三五

一沱字三區地名龍頭平斗田租三十三石計田

二十址熟糧二十二畝一釐墾糧一畝五分八釐

此係周大臣於康熙十二年捐原屬觀湘

一沱字六區地名梘頭坪成熟三扣土糧二畝三

分七釐五毫此莊原屬雲峯

一沱字九區地名荆花橋東井平斗田租二十一

石計田二十五址水塘一口茅屋一進菜園一處

本莊山林右以壕基為界左抵曹人瓦屋菜園為

界後以崎嶇倒水為界前抵田為界熟糧一十六

畝九分七釐墾糧一畝二分一釐五毫此莊原屬觀湘

一沱字二十一區地名新開嶺田租二十石糧一

十七畝八分舊志缺不知原屬何書院

一潛字一區地名新屯殷家冲平斗田租二十四

石計田三十六址水塘一口茅屋一進菜園一處

本莊山林四圍俱以倒水為界

一潛字一區地名新屯平斗田租八十二石五斗

計田一百二十七址水塘二口茅屋一進菜園二

處本莊山林上至陳人田邊為界屋後倒水為界

衡山縣志 卷十六 書院 三

下至劉人塚基為界又對岸山林上至彭人山倒

水為界下至陽人田岸為界此係生員劉仕可於康熙時捐

一潛字一區地名新屯平斗田租四十三石五斗

計田五十三址茅屋一進水塘三口菜園二處本

莊山林左抵康人塚基為界右抵陽人界址為界

屋後禁山樹木成林對岸山嘴一塊

以上三莊熟糧一百三十一畝二分四釐墾糧一

十畝零六分六釐

一潛字二區地名灘頭小地名大冲平斗田租二

十七石計田二十址水塘一口對岸莊房一所已

開作茶園熟糧二十一畝六分五釐墾糧一畝五

分七釐四毫內撥觀湘守僧穀二十四石以上四莊原屬

觀湘

一潛字三區地名豐塘坪田租三十九石零六升

成熟糧三十九畝零二釐內撥禮生穀二十石此係

縣令郭大定於康熙三十二年捐廉置買原屬雯峯

一潛字三區地名上豐塘田租四十一石零二升

內撥文廟歲修穀三十二石此莊原屬雯峯

衡山縣志

卷十六

書院

三七

一潛字八區地名界江田租八石糧六畝二分此係

嘉慶十五年縣令劉體重價買文日祥文廷漢田入義學後歸書院

一既字一區地名清水塘田租八石七斗五升糧

三畝六分八釐此係文康錫文俊彥捐原屬觀湘

一既字三區地名鰲洲成熟糧四十一畝零二釐

此係邑紳於康熙時公置原屬雯峯

一既字十一區地名龍窰頭田租一十石糧六畝

五分此係嘉慶十八年縣令張富業價買溫遵陸田入義學後歸書院

一既字十八區地名白石橋田租二十石熟糧二

十畝零三分七釐此莊原屬雯峯

一既字十九區地名柴山洲田租一十七石糧一

十五畝此係文康錫捐原屬觀湘

一道字九區地名界溪田租二十一石六斗四升

熟糧二十一畝六分四釐此莊原屬雯峯

一道字十四區地名茅坪平斗田租三十八石計

出三十七埕水塘四口菜園二處瓦屋一進本莊

山林左抵杉山壕基為界右抵巷口嶺路嶺背為

界後抵嶺背倒水為界前抵本田為界熟糧三十

衡山縣志

卷十六

書院

三

畝零六釐墾糧二畝一分六釐此莊原屬觀湘

一雲字四區地名託木壠田租六十七石糧四區

三十一畝一分二區一十二畝零九釐此係侯名登於道光

七年捐原屬觀湘

一作字二十三區地名草市梅子洲田租五石舊志

缺不知原屬何書院

三書院新增田租咸豐十年縣令姚培諭邑紳勸捐田租併捐貲置買田租

一價買彭金山于字十八區地名沙泉田町隴併

大江橋右岸田租六十八石糧二十九畝九分

一戴柱中兄弟捐于字二十一區地名岳師沖田租五石糧三畝二分

一李寶林劉自光捐于字二十九區大地名太陽山小地名龍潭頭田租四十石糧六畝四分六釐

一曹良桂曹嶽秀捐海字十二區地名赤塘田租一十四石糧八畝七分

一禁盜公捐海字十五區地名野溪沖田租一十五石糧六畝二分

一價買劉方正海字十六區地名蔡公塘田租七十二石糧五十畝零八釐

一曹旺南捐九字一區地名新莊町田租二十四石糧一十四畝七分一釐

一梁朝冕捐九字十三區地名曲塘灣田租一十二石糧七畝二分

一劉常安捐九字十九區地名鄧家壠田租六石二斗五升糧四畝五分

一價買周佩玉江字六區地名胡家壠楊秀沖磚墩壠上沖尾子塘田租三十五石八斗糧二十九

畝

一趙馥山欽哉懷堂翥香文吉迪吉文元巨元吉人捐江字二十八區地名瓦泥塘田租八石糧一十畝

一價買譚開梅潛字十八區地名東煙沖田租五十五石六斗糧三十畝

一李雄畧捐潛字二十六區地名扶沖口田租五石糧二畝六分

一曹寸忱裔捐道字一區地名夏虹橋田租一十

衡山縣志

卷十六

書院

三十一

六石五斗糧二十畝零八分五釐

一價買吳蘭堂雲字二區地名檀弓沖田租八石糧七畝

一價買陳德懋雲字四區地名鶴湖田租三石糧二畝三分

一羅維幹裔捐雲字二區九區毗連地名蛟塘鋪田租六石糧四畝七分

文炳書院道光十四年更建初爲中洲書院乾隆十年縣令德貴建

國朝戴天恩草市中洲書院記天下之大有五嶽而南嶽則衡山也予少嗜經傳披覽圖籍每悠然神往猥以數奇屢躋棘闈遊京都遇選君譚丹麓先生文章經濟迥出尋常詢其里居則出衡山草市因是思衡山固鍾湘嶽之靈而草市特文人之萃竊以不得親觀其勝慨為憾既膺銓選竟簡草市私幸素所神往者竟躬親焉及詣衡山戾草市謁南嶽日與其地士紳輩接類相尚以文章咸鯁鯁焉有振興文學意適邑之曠君南英譚君次元毅然以前邑侯王公所置觀湘書院田租歷為僧人中飽呈請添設義學資助科舉為己任邑侯德嘉其請清追故物以為培植人才資顧余言曰草市距城遠需設義學以振之余深荷邑侯重命又適符草市士紳之意不揣力薄捐俸倡先鳩工庀材建義學於草市之靈山樓閣聽宇巍峩前後廂房數十間邑侯德顏其名曰中洲書院併申請大吏匾題其束脩膏火諸費則邑侯所撥觀湘書院租五十石雲峯書院租一十石余又勸士紳捐置田租

衡山縣志

卷十六

書院

三

約百石以益之申詳上憲批示在案聊以副邑侯之重命併慰草市士紳之思其亦猶是曠君南英譚君次元之毅然相與有成也云爾王書城草市文炳書院碑記草市書院始稱中洲繼易為文炳中洲創於前縣令德縣佐戴董其役戴有記詳巔末歲久堂圯絃誦闕然遷靈山廟左地僻卑溼士不樂居有遷喬入幽之慨焉是里單君清溪毅然思修復事未舉物故遺言屬二子其子琢齋樹軒克繼志商諸歐敬齋單青園黃信齋晏淡齋會雲士夢作四都人士翕然響應般富無稍吝捐田若干畝貲若干緡相吉於江右三步嶺地爽塏四面諸峯挺秀嶽雲遙拱乃咨工師採良木具陶器經始於道光丙戌夏因秋霖遽集江漲疊乘衝激漂流土木之用多散失造物若試以艱難而堅其心志越歲甲午歐敬齋偕青園子卓齋籌款續修數載功竣講學有堂藏修有室習游有所擴其規模飾以丹牖上為重樓以奉先聖祀奎星於前廳之閣以周易筮之得革之五爻取

象辭名文炳遵神兆協人謀也戊戌集里黨後秀
肄業其中爭自琢磨其圖進取館師束脩生徒膏
火諸君固悉心籌畫琢齋伯仲調濟之力尤多余
自浙省宦遊歸膺茲講席屬紀由來以示後進因
思草市書院之有文炳中洲基之也德令興學育
才之意百餘年後有踵而行之者諸君之更建不
沒德令之創始益彰矣
時道光十八年戊戌歲

文炳書院田租

中洲舊額田租多有更易難於查考

一單茂階單元瑾捐行斗田租四十四石七斗一

升地名大對河坪田蠟樹園又捐行斗田租四十

五石六斗平斗田租一十三石七斗地名小對河

下井蕭家堆香花山糧夢字十區三畝十二區五

衡山縣志

卷十六

書院

三

畝四分八釐十四區七畝二分九釐十六區五十

四畝七分九釐十九區十二畝三分作字二十區

二畝一分七區茶衛屯米二石二斗三升攸邑上

都屯米四斗零四合

一歐步雍捐田租三石一斗七升半地名大塘冲

糧夢字十八區三畝一分七釐

一晏美中捐田租四石地名蠟樹園糧夢字十六

區二畝三分五釐

一單箭三捐田租九石二斗九升地名坪田新嶺

糧夢字十六區一十一畝五分

一單雅規單惟沂捐田租五石地名龍塘白茅紫糧夢字五區八畝

一單邦翰捐田租二十五石八斗四升半地名小對河香花山田心壠糧作字二十區二十六畝四分四釐

一宋樹滋捐田租一十一石九斗地名杉板文家臺又捐九石六斗地名小對河袁家沖糧作字十八區一十三畝八分二十區一十畝零七分

衡山縣志

卷十六

書院

三

一單宗尙單庭誥捐行斗田租一十石零二斗地名東茅嶺糧夢字十一區一十畝零二分

一蕭含嶽捐田租一十石零五斗三升半地名小對河糧夢字六區一畝二分十九區三畝八分二釐二十六區六畝二分六釐作字二十區二畝三分九釐

一董學典捐田租九石七斗地名巢鴉沖糧夢字二十區一十畝零三分六釐

一黃秩宗等捐田租一十石地名蠟樹園糧夢字

十六區九畝

一蕭漢昭捐田租九石七斗四升地名小對河下
井糧夢字十九區九畝七分三釐作字二十區一
畝六分七釐

一單偉祖祠捐田租八石一斗地名梅子洲糧夢
字十六區五畝十八區三畝一分二釐

一宋龍躍捐田租六石一斗二升地名桐江橋杉
板香花山糧夢字五區一畝一分七釐十三區五
畝零五釐作字二十區九分

衡山縣志

卷十六

書院

三十四

一董誠之捐田租八石一斗地名吳家倉下糧作
字二十區八畝一分

一單詠周捐田租五石二斗八升地名新興壠糧
夢字十九區五畝二分八釐

一董光朝捐平斗田租一十石地名小對河田心
壠糧作字二十區一十二畝七分

一董鵬亨捐田租五石六斗五升地名龍虎冲淡
公壠糧夢字二十區六畝一分

一譚錫圭捐田租八石零五升地名坪田新嶺糧

夢字十區九畝二分

一黃彰烈裔捐田租三石九斗地名土王山糧夢字十六區一畝二分十七區三畝一分一釐

一蕭奚先捐田租七石地名蠟樹園糧夢字十六區五畝九分五釐十七區一畝二分六釐

一黃九儀捐田租二石二斗地名蠟樹園糧夢字十六區二畝二分

一歐孝友堂捐田租四石五斗地名龍門前白竹冲糧夢字十八區四畝五分

衡山縣志

卷十六

書院

三五

一劉松公祠捐田租一石五斗地名龍虎冲桐山塘糧夢字二十區二畝

一單良才捐田租二石六斗五升地名土王山糧夢字十六區二畝六分

一單映峯捐田租四石三斗五升地名小對河田心壠糧夢字十二區四畝三分

一蕭秀松捐田租一石三斗地名新興壠糧夢字二十區一畝三分

一劉萬榮捐田租六石一斗地名冲頭蠟樹園糧

夢字五區七畝三分

一蕭峻山捐田租二石一斗地名心田壠糧作字
二十區二畝零七釐

一單儀望捐田租一石五斗一升半地名小對河
糧夢字二十區一畝五分

一劉光翬裔捐田租一十一石九斗地名杉板文
家臺井頭灣糧作字十八區一十三畝三分

一陳榮廷裔捐田租二十六石二斗五升地名小
對河下井糧作字二十區三十三畝又捐四石五

衡山縣志

卷十六

書院

三

斗地名羅家寨糧夢字五區四畝八分

一晏喬登捐田租一十四石三斗六升地名潭湖
排嶺下大雲山糧作字一區一十四畝五分十區
一畝五分

一譚氏祠捐田租一十九石五斗四升地名吳家
倉糧作字二十四區二十四畝

一歐陽隆寶祠捐田租五石四斗地名南灣長冲
觀糧作字一區四畝

一羅春霖捐田租十一石八斗地名松園石嶺下

糧作字二區十一畝一分五釐五區三分四釐

一陳肇清捐田租七石地名龍塘虎塘糧夢字十區七畝四分一釐

一李宗澤捐平斗田租二十石地名潭湖塘背冲糧作字一區一十一畝六分

一羅金台捐田租七石地名長冲壠糧作字二區七畝六分

一羅一韓捐平斗田租八石八斗八升地名松園王家大屋門首糧作字三區八畝

衡山縣志

卷十六

書院

三

一單鳳英捐田租一十石地名羅家寨糧作字二區十四畝一十一畝八分

一單蔚然捐田租一十二石地名熊家冲糧屯米七斗在攸邑下都

一單楚衡捐田租七石八斗地名大洲柳塘糧作字十五區八畝二分七釐

一徐明謙捐田租三石一斗地名長冲塘粟塘糧作字二區二畝四分

一王禮生會捐平斗田租二石四斗地名松園窰

陂壩糧作字八區二畝零五釐

一單青選捐田租四石地名熊家冲糧作字十六區四畝三分

一陳武烈捐田租一石二斗地名杉木冲廟背壠糧作字二十一區一畝二分

一宋西橋捐書院門首荒洲併園土糧夢字五區四畝八分

一羅人丁會捐田租三石地名仙嶺上廟冲糧作字三區三畝

衡山縣志

卷十六

書院

三八

一單龍川裔捐山林地基地名大對河三步嶺建立書院前至山腳後至崎嶇大路左至壇前右至茶亭坳併山下洲土一所糧作字二十三區一十畝零四分五釐

文昌書院在邑吳集市去縣四十里乾隆十年知縣德貴因該處紳士捐建文昌祠設立義學遂會紳士議妥撥觀湘餘租三十四石明道山房一十六石集賢一十六石爲每歲館師脩金費移南門外故文昌書院之名以名之乾隆二十一年租歸

併雯峯義學廢後於孔字十七區地名大冲頭田租二十石內撥一十石爲文昌書院守僧費

白山書院在邑朝字沙坪河上游距縣治約百里卽朱張遊嶽聯騎渡江處乾隆十一年知縣德貴因嶽後諸紳之請撥觀湘雯峯兩處餘租及存留科舉費穀共四十石又自捐銀五十兩交紳士經理每歲收息銀併所撥穀備館師脩金書院則取德令所居長白山地名名之以示不忘由是絃誦日盛乾隆二十一年田租歸併集賢雯峯致有學

衡山縣志

卷十六

書院

三五

舍無田租中幾廢墜鄉紳士不敢束手坐觀另捐田畝補完租額復以其餘貲修葺院宇殷勤訓課絃誦復興每歲館師收租六十四石

邑人李宗樾白山書院序衡山書院之盛絃誦於邑在河東西山前後者八倚城曰雯峯沿城而下七里在水中央曰觀湘其在嶽市曰集賢集賢之東里許爲文定公祠西十里至煙霞峯爲明道山房其自唐宋而來稱肄業名勝者久矣獨河東草市之中洲吳集之文昌與山後之白山則乾隆九年十年間邑侯德公與紳士合議而創新者白山則侯尤自捐廉爲都人士倡侯長白山人都人士佩之故名書院曰白山當是時候以作育爲己任憫山川道路之遼遠又俾分設義塾以各從其便其鄉之父兄自爲經理禮聘名師率子弟就學侯按月課之時其勤惰鼓舞之遐邇均焉蓋衡士沐

侯之教文運蒸蒸稱盛者幾十年不知何為而紛
紛然善政之議更也舉書院之析而入者併而二
取租賦館穀之所出歸於官於是先賢之故居學
者息遊之勝地風雨剝蝕莫為修飭傾圮如明道
山房將無置俎豆地若文昌中洲之鞠為茂草所
固然矣而白山書院至此屹然與雲峯集賢鼎峙
其故何也盛衰之際特有人焉起而維持之也吾
聞議合併時諸書院先所撥置公租皆收去山後
都人士相聚言曰吾書院方創始而遂廢之可乎
抑必官給廩而後有書院乎眾皆諾義形於色不
待督勸而捐貲累百累千買置田畝視官撥蓋倍
之越二十餘年樓閣漸傾諸經理復糾眾而重新
之田畝亦愈增焉院內制為正宅五間中堂奉大
成位堂之東房居館師其上為文昌閣閣特峻前
為樓顏曰霽雪曠明經蓮峯為之賦以朱張遊嶽
渡輿樂江雪霽今里名興樂遺跡宛然樓下廳為
講堂仍內向前後楹柱環拱敞其中左右檐廊翼
之再拓而為東西齋舍窗連戶比可多容生徒又

衡山縣志

卷十六

書院

罕

前為甬道為大門周繚以垣延袤纒固歲二祀仲
春祀文昌仲秋祀大成至聖併祀朱張二賢祀各
有田當祀衣冠燕集和而肅庭前雙桂對峙蒼翠
聳拔花開熾茂醱醇如遊廣寒宮環園有竹有松
皆書院初建時所植地遠城市平夷空曠視雲峯
集賢靜修為勝而鄉之風俗渾樸子弟之為學類
能朝夕勤苦相與析理窮經務實而不務名嗟乎
名實之習尚盛衰之關也緣飾虛名得之則氣盈
失之則氣餒本非其心之誠也誠則不息不息則
久歲月之所涵濡師友淵源之所漸摩毋貪於速
效毋安於小成毋豔於勢利而苟且以逢迎其見
於世也措之事業而有本其修於身也質諸衾影
而堪自信其發為文章也本經史其著為論說也
煥棗梨若是白山之盛雖比於鹿洞鷺湖亦可也
吾忝主是席先後八年與鄉君子交最久既考其
經理所由盛又嘉吾黨之學為能篤其實而將以
觀其後也於是乎序
曠學古白山書院瑞桂三香詩秋香歷歷燦奇葩

三度敷榮映月華天上素娥連種玉人間金粟曼
開花芙蓉鏡裏郎中第幼藥欄邊宰相衙高折莫
嫌雲路遠此山平地有仙槎

白山書院田租

一朝字三十一區地名龍王橋田種四石三斗二

升五合糧三十五畝二分內乾隆十二年價買曹東明一石二斗唐方言

捐田一石乾隆十四年價買汪帝軒七斗乾隆已卯年價買廖建侯一石四斗二升五合

一價買譚雲漢朝字三十一區地名牛欄塘田種

一石糧九畝三分

一海字五區地名大茅坪官斷無主墾田一所併

衡山縣志

卷十六

書院

聖

趙巨才兄弟所捐田畝山嶺莊屋塘池全莊原租

共二十一石

一廖而上同姪重藩巨衡等於乾隆四十八年捐

朝字二十五區地名山腳下楊家壠田種一石糧

七畝係乾隆四十八年買

一價買鄒見恆朝字三區地名義母田烏樹塘下

田種一石糧七畝五分係乾隆五十年買

一價買廖魏煥于字一區地名上石牛冲田種二

石屋宇園土全所糧一十二畝係乾隆五十二年買

一價買廖佩三朝字三十一區地名白家町湘河

邊田種六斗五升糧五畝係嘉慶九年買

一價買胡峻鼎于字二區地名永隆橋田種六斗

屋基山林園土俱全糧四畝四分峻鼎捐田在內

捐買均係嘉慶二十二年

一價買廖章有于字四區地名下高坪橫壁冲口

併對河二處共田種二石莊屋一棟溝池園林餘

地等業俱全糧一十畝零七分五釐

韋宙書院宙萬年人爲永州守多善政退居衡創

衡山縣志

卷十六

書院

聖二

書院於淨福山今遺址尙存一統志宙仕唐守永辭

官居衡書院遺址在淨福兜率寺左去縣十五里

舊志

虛藩書院藩唐時人隱居衡山創書院於紫蓋峯

院廢基存舊志

清獻書院在于字清獻趙抃謚書院爲抃祠宋神

宗時以資政殿學士致仕遍遊名山上居衡之城

前築高齋以自適明嘉靖三十六年副使程秀民

因遺址建書院置田租八畝歸其子孫世祀抃後

其子孫續捐田二十畝歲共收租三十石書院前
有田爲半月形相傳爲當年舊池環院松楸樾
三百餘顆翹枝聳翠皆數百年物

趙清獻城前十詠

養生堂日月精華有術餐不煩辛苦禮星壇葛公
仙井甘泉近應煉長生九轉丹○養靜堂離絕聲
塵已十春飄然仙骨鶴兼雲山中澹泊無餘物一
顆仙丹酒百分○養志堂報恩堂庶繕完新養志
熙熙鎮似春佛子事餘爲孝子黃金園有白頭親
○清思堂垂老將休俗累輕舊鄉來守此山城吾
懷自信無汚染何必升堂思始清○戲綵堂我憩
堂中樂可知優游逾月竟忘歸老萊不及吾兒少
且著朱衣勝綵衣○秀野軒千里尋山憶爛柯七
旬歸去此重過因觀秀野軒前景亦與高齋不較
多○憶山亭遊遍名山未肯休征車幾復向回眸

衡山縣志

卷十六

書院

聖

峯亭亦似多情思百里依然一探頭○安樂山池
有靈泉泉有龍高僧深隱梵王宮雲林百里如屏
障安樂山西一望中○東園爲愛東園四照亭翦
開繁木快人情新秋雨過閒雲卷千里南山兩眼
明○西軒樽酒西軒獨倚欄更無塵事見顏間畱
詩都士應知否仁者從來不厭山

退居城前十詠

高齋軒外長溪外山捲簾空曠水雲間高齋有
問余何樂清夜安眠白晝閒○水月閣池閣孤清
瞰碧流太虛懷抱物華秋圓蟾默有中宵約幾點
閒雲爲我收○放魚魚不能言似可哀竭池干數
競徘徊澄江深處呼童放羨爾優游得所哉○雙
松少時親手植雙松畫愛層陰夜聽風今日歲寒
踰五紀也應心似主人翁○竹軒暑威何處稱疎
慵百本修篁小檻東時遣清風送消息此君都在
不言中○柳軒動入和風靜惹煙翠條疎處露池
蓮林中盡是能吟物春有黃鸝夏有蟬○歸與亭
密徑修筠郊外居小亭隨意榜歸與等閑早暮攜

節到池沼東頭是舊廬○濯纓亭亭上秋登遠目
明濯纓誠不是虛名晴光一片如鋪練浮石江心
徹底清○負郭田累歲辭榮得帝俞老來天幸更
誰如腰間已解黃金印歸有田耕二頃餘○望南
山鳥距東西氣候秋子湖岡隴暮雲浮欲觀古佛
叢林地只用凭欄一舉頭

趙方城前十景
沙岡問余何酷愛沙岡奇秀山光接水光槐樹綠
陰剛似蓋天風吹動蟄龍翔○嶽亭南嶽高峯七
十二祝融峯直老人星平生最有看山興一上斯
亭雙眼青○月池道人院外一池橫源水流來靜
且清明月自能夜夜到鏡光上下鑑虛盈○荷沼
露珠顆顆盪青荷雲錦重重鋪碧波外直中通心
獨苦擬諸君子待如何○水閣四圍綠水遠重重
孤閣高撐渺渺中人在閣中憂思遠應隨水到海
涯東○溪魚溪流渺渺淨連猗魚躍魚潛樂自知
若逐桃花浪裏去風雷相送入天池○龍潭靜深
空洞碧沈沈鑑影分明照我心照我心於何處是

衡山縣志

卷十六

書院

器

潛龍時見普甘霖○石泉石上泉流泉上石泉之
寒冽石堅貞補天到海何須論且慰往來行路人
○幽谷靜虛空闊深盤旋松挂薜蘿籠紫煙嘗引
我來尋詩料和殘皎皎白駒篇○東岑讀書茅屋
白雲岑日月如流老欲侵岑傍松杉栽萬樹於茲
十載已成林

宋朱晦庵跋趙清獻公事實後國家自熙豐元祐
以來人才政事分爲兩途是此者非彼鄉左者背
右旣不可得而同矣而於其同之中又有異焉則
若元祐之朔黨洛黨川黨而熙豐之曾文肅趙清
獻張丞相又與章蔡自不同也熹少時從趙公之
孫惠州使君遊得觀趙公手記所與蔡京異論本
末蓋嘗三復而歎公之不幸今復從惠州之子某
得此書而讀之則又深惟其故而重歎國家之大
不幸也夫以趙公之自言下不欲結怨於百姓則
必不肯肆行煩苛爭奪之橫政中不欲得罪於士
大夫則必不肯倡爲禁錮忠賢之邪說外不欲失
信於夷狄則必不肯妄起開拓燕薊之狂謀而考

其平生質厚清約有過人者則又知其必不肯爲
蔡京之淫侈導諛以蠱上心而納之於有過之地
也是則雖曰同出於熙豐而其邪正得失之間豈
可同年而語哉且春秋明王法而不廢五伯之功
元城劉忠定公傷政宣之亂而曰莫若且神宗考
然則後之君子之於此書豈不猶有取焉嗚呼其
亦可悲也哉其亦可悲也哉
朱晦庵跋趙清獻公遺帙趙清獻公清忠之節孝
友之行冠映古今非贊歎之所可及今年自長沙
趨朝屢得見其遺墨皆家問也此卷藏其族孫遵
家尤見慈祥雍睦之意獨恨三亭蕪沒不得追尋
晚步遺蹟不勝高山仰止之歎遵溫謹好學能業
其家其必有以復之紹熙甲寅題於祥符方丈
楊時跋趙清獻公愛直碑幼安清獻公之外孫出
東坡所撰愛直碑示余其寶藏之殆什襲也公之
流風百世而下聞者猶得興起况其親且邇乎吾
知幼安非徒玩其辭翰而已高山仰止景行行止
將必有得於斯文也

衡山縣志

卷十六

書院

聖

司馬光撰清獻公傳清獻公趙抃居士字閱道年
四十餘擯去聲色係心宗教會佛慧來居衡之南
禪公曰親之慧未嘗容措一詞後典青州政事之
餘多宴坐忽大雷震驚即契悟作偈曰默坐公堂
虛隱凡心源不動湛如水一聲霹靂頂門開喚起
從前自家底慧聞笑曰趙閱道撞彩耳富鄭公初
於宗門未有所趣公勉之書曰伏惟執事富貴如
是之極道德如是之盛福壽康甯如是之備退休
閒逸如是之高其所未甚留意者如來一大事因
緣如已能專誠求所證悟則他日爲門下賀也公
年七十有二以太子少保致仕而歸親舊里民遇
之如故作高齋以自適題偈見意曰腰佩黃金已
退藏箇中消息也尋常世人欲識高齋老祇是柯
村趙四郎復曰切忌錯認臨薨遺佛慧書曰非師
平日警誨至此必不得力矣慧悼以偈曰仕也邦
爲瑞歸歟世作程人開金粟去天上玉樓成慧劍
無纖缺冰壺徹底清春風澱水路孤月照雲明後
以太子少保致仕而官其子夙提舉兩浙常平夙

奉抃遍遊諸名山於衡山城前家焉元豐六年薨年七十七贈太子少師諡清獻抃長厚清修人不見其喜愠平生不治貲產不畜聲伎日之所為夜必焚香以告天不可告則不敢為也抃真世人標表蓋以為不可及云

元楊宗飭撰宋趙氏四賢祠記趙先京兆奉天人唐節度使植之孫光逢光裔於五季時徙居於越至宋而曇自越居衡贈尚書甯又自衡徙潭甯之孫紀始自潭居衡祝融紫蓋峯之東城前村焉紀之從兄清獻公抃亦自衡來衡建書院沙岡山址居之因以幼子育於紀名棠棠子方登禧熙乙未進士官至刑部尚書徽猷閣大學士贈少保諡忠肅忠肅公仲子范登理宗朝進士官至工部尚書諡忠憲三子葵登端平元年進士官至端明殿大學士贈太傅封魯國公諡忠靖皆文武全才抱忠貞大節輔弼贊襄鞠躬盡瘁拒遼金和議平荆淮僭叛固守虛龍寨恢復中原士陵寢重新朝野倚重其人為何如耶宋亡此村舊時樓臺堂閣家廟

衡山縣志

卷十六

書院

四六

院亭兵火燬滅盡矣迨元混一天下蕩平五世孫游作祠舊基以安清獻忠肅忠憲忠靖四公神主歲時子姓奉祀蓋有德有爵有功以義起也矧沙岡四公生平習愛遊憩處忠肅公之詩有足徵也余為南嶽長踰兩載嘗慕其人論其世弔其遺址矣今赴召北上道過祠前下車登謁嗟乎申甫周之楨而趙公父子真無愧於宋楨矣史編已昭然復何言哉

國朝

袁與城前書院考宋趙抃以曾公亮薦為殿中侍御史至神宗時知諫院會王安石用事抃屢斥其不便因乞去拜資政殿學士知杭州改青苗知成都得便宜從事以太子少保致仕其子帆奉抃遍遊名山遂於衡山卜居城前有書院遺址存焉遺址內尚存門鼓二枚前有民間稻田半月形疑即門外舊池嘉靖三十六年副使程秀明重建

文定書院在紫蓋峯下明孝宗時監察御史鄭惟

垣建祀胡安國以安國二子配

舊志

明李東陽撰胡文定公書院記衡嶽之陰宋胡文定公之書院在焉歷勝國以來頽圯殆盡而遺址尚存宏治乙卯監察御史鄭君惟垣按視其地圖所以興復之者以屬衡州府同知鄧君淮其經理之費又皆為之區畫不出於官不擾於民乃上其事於朝如其請中為堂祀公配以少子宏所謂五峯先生者而房廡庖庫之類皆備又掘地得舊祭器若干葺而完之歲春秋則如儀修祀事又將聚其鄉之學者居之其所崇儒重道者至矣事竣兵部主事孟春奉使過衡鄧君因寓書京師謂子記按文定公本崇安人哲宗時舉進上為太常博士提舉湖南學政事高宗時拜中書舍人以疾求去留兼侍讀專講春秋後以寶文閣學士致仕蓋公初患居當兵衝徙於荆再徙於衡優游十五年卒五峯以蔭補官家居不調晚辭召命創樓著書者二十餘年侍公尤久此書院之所由建也公

衡山縣志

卷十六

書院

七

之學以尊王賤霸為本安夏攘夷為用當金強宋屈之時朝野靡然附和議者為識時論雪恥者為生事而公引經議政正色直言所以警君心而裨治道者至矣身既不用其所為傳卓然成一家言至我國朝遂列諸學宮用諸場屋為不刊之典使公用於一時亦孰若傳於後之為遠哉若五峯雖未見用而出處明決未嘗屈己以干祿深得乎家學之正矣古者鄉先生沒必祭於社而聖賢道在萬世則天下祀之蓋眎其功德小大以為久近有不可得而誣者公今從祀孔子廟庭天子之所親視儒臣之所分裸天下學者之所尊祀也况其所居之地非游宦流寓之可比不特舉而祀之其可哉且及門之士私淑之人如孔氏之有顏孟皆在配享從事之列况公作述之善有若五峯者出而成之徵諸南軒之授受考亭之論議又若是著也而可以無配乎哉書院之作乃古庠序之遺制宋之初學校未立故盛行於時今雖建學置師徧於天下無俟乎其他而前賢往蹟風教之所關亦不

容廢如茲院者是也夫祭者學之所有事也而其
所為學豈獨燦盛俎簋儀文度數之間哉衡之學
者讀公之書學公之學固將親羹牆於廟貌思景
行於高山雖欲自畫於道而亦有不容已者矣湖
南之地春陵則有濂溪嶽麓則有南軒茲院相距
不數百里遺風流澤相望不絕東陽世家長沙蓋
嘗登嶽麓弔其所謂書院者聞文定公之風而有
感焉因為記之以成賢御史及賢有司之志云
何仕家重修胡文定公書院併長壽庵記予讀春
秋至康侯先生傳精神榦局流露篇端開卷而影
堂在焉謂其事蓋述其書則作夫一春秋也周東
遷而先師之經成宋南渡而先生之傳出上下二
千年間揭大義以責魯宋之君臣若同堂授受緇
兩不差逮我國朝遂定其書為制科左公穀皆屬
外篇春秋乃不孤行則先生之羹牆又遍天下衡
嶽之有書院蓋先生藏書處也去歲春仲子修南
嶽之祀奉祀典得祀先生生平高山之仰景行之
行舉畢願矣不意展拜無地除蕪隙以陳俎豆先

衡山縣志

卷十六

書院

吳

生高坐寂寥二子致堂五峯遺像岌乎泥佛之渡
水也維時學博劉公龍公暨諸子衿咸愜咨與感
以重修請予唯唯口不能置召清樂僧而問之文
定固聞產業由崇安而卜居於衡衡當有遺裔在
僧以其裔胡來譽對亟檄招之再召不至比至視
之則龐然力穡而敦本實人也原夫風俗以熏灼
起見重顯貴不重前徽衣冠之緒稍微隨不艷於
齒頰雖先生之子孫亦忘其為文獻之後矣然正
不失為先生之裔也因命之董工集材議永屬以
院事焉役興僧人請云繚垣之左佛寺逼處青囊
家忌其東益必移處於院之後座乃於院有大觀
也予回旋眎之離果兩傷合則雙美許之且堂庶
已合後以事西方之聖人前以事吾師之弟子藩
籬不設吾道又寬一法界矣昔張僧繇畫江陵天
皇寺佛影因圖宣尼十哲像或異之曰後當賴此
逮沙汰法行天皇果永籍焉爾僧亦見此乎僧不
能答手募簿以進夫募固佛氏之廣緣然君子亦
大與人是役也厚黨勤類余幸竊取若夫傳燈有

護法有僧此亦存邢問禮之意春秋家法也義
勝收獨為君子則吾豈敢魯多君子甯我後諸
者今復遂紀其事於石而詳節併附碑陰

國朝陳壯履重修胡文定公書院記歲已丑予奉
天子命修南嶽之祀禮成覽勝至胡文定公書院憩焉

後有長壽菴住僧慶石見予詢公賢裔僧以胡子
昌侯對且云見來院謀重修予召而問之年近五
旬書味溢眉宇儒者氣象真明德之後達人也昌
侯備述先世及書院始末知公由閩徙楚隱此著
春秋傳院即其故居之址崇禎壬申其從曾祖來
譽率其祖雲谷父二美等重新之邑令何仕家記
載永屬以院事予讀其碑與碑陰所詳節竊歎胡
氏多賢麟經之澤抑何若是其遠耶因屬好為之
功成予為記其事越明年庚寅冬邑侯吳君守仔
郵書來都云工已竣慶石費金百兩新其菴昌侯
用五百金新其院廳堂仍舊制而廊廡加闊屬予
記予曰嘻是必昌侯之意予已面許於昔矣昌侯

衡山縣志

卷十六

書院

四九

不惜金予其惜墨耶院創於公子致堂五峯元時
已圯宏治乙卯御史鄭惟垣同知鄧淮重建書舍
祠公明末又圯公裔來譽等修復近又傾頽前庚
申邑尹孫君維震撰文告公裔並檄他邑之後嗣
而卒無有應之者是時昌侯家未裕蓋有志焉而
力未逮也迄今又二十年矣至是始出而興事其
亦猶公子荆之居室也與公至昌侯二十世前十
五代皆顯通一脈簪纓相承至昌侯之高曾始兩
世布衣遇雖偃蹇仍以詩文鳴昌侯祖復隸仕籍
昌侯又已有才子八人君子之澤五世而斬茲且
四倍之而猶相繼承不替公之澤固長而又得昌
侯念祖修德以延之詩書之誥燕不其與嶽俱承
乎夫彰美傳盛韓子所論亦謂前後俱貴有其人
來譽為之前昌侯為之後吾知昌侯後又有為之
後者日新又新斯院不同於穆不已耶案公先世
有封公侯伯男者湘江如帶衡峯如礪予為昌侯
苗裔慶即為斯院之永存券也遂書以復吳君並
屬轉告昌侯勛累葉世其春秋家學云

高自位重修胡文定公書院併建義塾記南嶽書院之翼廟十里所者曰明道山房祠唐李鄴侯曰集賢書院祠宋朱晦庵張南軒諸先生曰紫雲書院祠明湛甘泉陳白沙諸先生而文定公書院居系雲之右特祠公父子他祠皆供木主而於公父子獨尸而祝之示崇也余甫蒞衡謁廟畢載拜諸祠時前尹謝公方新公祠祠宇雅稱宏壯顧僅一廳妥公像左右廊廡闕如無以示深嚴亟召邑紳士暨公後裔謀捐貲鳩工增建中堂前廊堂左右各翼舍若干間為講誦地蓋不一期而工已訖按四書院之舊設義塾者惟集賢明道公祠距紫雲裁數十武而講帷皆未立予惟公父子衍濂溪正脈築精舍闡經義於衡者蓋亦有年五峯傳公之學尤正且大南軒間關受業於其門宋乾道間晦庵聞南軒得五峯學遂訪南軒於潭州道學之南實自公始而數百年來祠內絃誦聲衰特愴於懷夙企我公斗山之望松柏之操愧於公崇王黜霸之學有志而未逮今何幸一行作吏得親尋公父子

衡山縣志

卷十六

書院

五

子杖履駐處誠願因修祠之役以繫其辦香嚮往之思因而環祠構齋舍捐館穀集生徒俾晨夕瞻禮像設生其憚而作其頽有志之士必有能踵前武而作者於乎文翁胡瑗何代無師盛覽劉彛何代無賢弟子維嶽降神衡山蜿螭扶輿鍾其神靈和氣而產馮翼孝德之賢此其時矣緬維公父子當年過化此邦振興衡士在天之靈其慰乎予於衡實有厚幸焉

龔珮重修胡文定公書院記胡文定公閩之崇安人宋哲宗時為太常博士高宗時拜中書舍人後以寶文閣學士致仕患所居當兵衝由閩徙荆再徙衡居紫雲峯下十五年不出著春秋傳其子致堂五峯因創樓以藏公書此文定書院所由名也自宋至元明頽圯殆盡宏治間始因舊址修復掘地得祭器若干乃為神堂塑公及二子像祀以春秋又為講堂聚鄉之士子肄業其中一時絃誦甚盛院左為長壽庵隔垣逼處青囊家忌其東蓋謂庵在院東非宜崇禎間諸子衿請於當事遷諸院

後而國朝縣令謝仲坑又謂庵壓來龍將廢之以拓院基經營未就尋去高自位繼之擬成謝志以工煩費鉅而止院有田租歲延師訓課乾隆二十一年租併入雲峯集賢由是訓課廢講堂頽幸存後寢僅庇遺像春秋祀典如故子至南嶽經院門入拜公儼然中坐二子左右侍瞻仰徘徊想見當年正色立朝風裁峻整及其優游林下著傳以翼麟經卓乎不可磨滅致堂五峯家學相承上接洙泗淵源下啓朱張系派厥功非細父子一堂廟貌千秋不亦宜哉獨嘆前院兩廂傾倒講堂化為瓦礫後寢雖存丹青黜堊黯然零落非所以妥先賢之靈歸告邑侯及同僚集都人士共議皆有難色未果發適公裔炳泉麟陵等偕族人呈縣及學遂命其自任修復予嘗閱李東陽重修文定書院記監察御史鄭惟垣既屬衡州同知鄧淮經其費不擾官不煩民乃復請於朝而始興事及閱何仕冢改建文定書院併長壽庵記既允眾矜之請復檄召公裔胡來譽董工集材且永屬以院事今

衡山縣志

卷十六

書院

至

茲之舉縣與學交闕之而公裔即自任不少諉視鄭何諸君之宛轉圖維其為勢甚便而其功不較逸哉他日興租延師以漸復當年絃誦之盛必更有起而濟其美者經始於道光元年八月十六日落成於本年十二月初八日院三進前進為大門上建牌坊榜以胡文定公書院門內分東西階左右中石磴各三級其上講堂一間兩旁廂房各四間後進堂三楹因舊葺蓋加以裝飾堂之中為神座右左右兩墉之聯構小室各一間東偏附室橫直共五間大門外照壁石磴左右圍牆俱堅固工竣修祀事予復至祠拜謁爰綜其始末為之記曾國藩重修胡文定公書院記天下之書院楚為盛楚之書院衡為盛以隸嶽故也嶽志載衡書院十有八惟文定書院獨勅建為最著以傳春秋故也公致仕隱衡築室紫雲峯下左右有山其山之右為祝聖山下鑿蓮池建春秋樓今春秋塘是也書院即公居址創建嘗考李西巖記曰歷勝國曰頽圯曰遺址曰興復掘地得祭器可見書院自

衡山縣志

卷十八

書院

宋元時已有之意者不創於公子致堂五峯其即
 朱晦庵張南軒二子乎迄明宏治乙卯鄭御史鄧
 同知重建崇禎時圯公裔來譽修復何令仕家為
 之記康熙間公裔昌侯續修乾隆間謝令仲玩高
 令自位重修道光初公裔鏡堂及蘇亭同年又增
 房廡定祭期復祀田置歲修而院一新龔學博珩
 記纂詳逮今不四十年又將鞠為草莽矣余頃接
 咸臧書以文定公書院重修請記其事余素稔書
 院倚長壽庵側修院固需修庵何令忌其東益遷
 院後謝令恐壓地脉將廢之未果且僧迭與公裔
 訟則聽其自興廢可也初書院奉勅建歲春秋官
 致祭自何令什家改屬公裔以院事祭遂歸胡氏
 其後人相繼經理卒賴以不廢不然如韋宙盧藩
 鄴侯南軒白沙諸院獨非為名賢建公塾耶何至
 今多為餼羊非以其裔不在而院遂頽耶予於是
 益嘆何謀之周而慮之遠也彼臺榭宮室雄視通
 都大邑者不轉瞬而變悲滄桑惟先賢著作之地
 即僻處山谷泉石間亦歷劫常新如文選樓爾雅

臺直垂千百世不朽然非有賢子孫鮮不增禾黍
 之感故衡古院多墟公院則如魯殿靈光獨巍然
 存也予因記其重修院事竊不禁有慨於公也公
 以忤蔡京罷職隱衡著春秋傳使人明君臣大義
 其有功於綱常豈淺鮮哉今者干戈擾攘忽忽十
 餘年而凱歌未奏若天下盡明春秋時事安得至
 此予膺簡命督兵歲無虛日丁巳讀禮南歸
 咸臧與曠君堯臣謁予訂期登祝融屬二君為居
 停主將詣院謁公至期奉旨南征不果行咸
 臧與諸君讀公之書修公之院是必得明春秋者
 相與維持世道人心也謹紀始末書於石用示公
 之後賢云爾咸豐九年己未秋八月既望記
 按李東陽記不言書院建於何處今之所建實
 在紫雲峯右前為書院後為佛寺明崇禎間何
 仕冢記云繚垣之左佛寺逼處青囊家忌其東
 益乃移諸院後據此則明初以來院與庵已併
 建茲地其院居庵前從明末始國朝縣令
 高自位重修文定書院併立義塾其記亦云院

居紫雲之右未云在紫蓋而湖廣湖南兩志及府志邑舊志皆云在紫蓋峯下紫雲紫蓋其名不過一字之差其地實隔十數里而遙世遠難稽或原在紫蓋後徙紫雲亦未可知但向無文字作證以何記高記者之知

諸志皆訛誤相承未暇詳究

明錢邦芭春秋樓記人生之道無過五倫明倫之學無過五經五經在宇內上如日月之經天下若江河之行地世界之所以不毀則斯道之綱維也以故古今大賢凡註述五經者咸德配天地功侔帝王其血食百世非有所私也道義之存於人心自不能毀也自吾夫子修明千聖之學表章六經而何以獨云志在春秋則其精意之所存蓋可知矣夫春秋書豈直二百四十年之事已哉明千古之人倫立君臣內外之大防其意深遠非淺學所能窺自胡文定公作傳總會左公穀之旨而折衷之深切著明其於人心世道危微剝復之關辯之精而防之密是以前朝獨取列於學宮為取士

衡山縣志

卷十六

書院

五

典程而凡左公穀諸家皆列為外傳則文定公有功於聖學有關於世道人心豈他賢所可媿哉芭嘗入南嶽憩夜三書院後長壽庵公之裔孫名貫一者指榛枳中語予曰此先人春秋樓故址也按紹興間公奉旨傳麟經於南嶽五峯辭召命居衡山著皇王大紀諸書則此閒固應有危樓飛閣倚高峯邃谷中為大賢所寤歌而棲息也樓歷滄桑不知圯於何代而樓邊之修竹長松半摧斤斧殘垣敗磔盡鎖雲煙所不與樓俱灰者惟舊時種蓮一池至今所名春秋塘者則猶然綠水結紋青蘋絢綵冉冉清芬可挹也嗚呼萬物本乎天人本乎祖文定公在胡氏為族姓之祖然在天下生民為倫常之祖在儒林為經書之祖過斯地者能無飲水思源奮然議行修葺以干城名教乎予謝不敏願以俟後之君子

國朝胡振圭春秋樓記春秋樓者吾祖文定公箸書所也宋紹興初公由湘碧泉徙南嶽紫雲峯下築室居之邑嶽志所稱有文定公故居是先是高宗召

衡山縣志

卷十八

書院

五

公為中書舍人有聞卿善春秋之問可其對命兼侍讀專講春秋故五年有命注春秋之詔公自遭謗致仕來衡每登高望闕涕淚常流即其居之右山隆起而峙者築臺焉為朔望之拜曰祝聖臺臺之下去數十武有塘傲周子之愛蓮以種蓮即創樓其中以應詔池今名春秋塘蓋因樓得名也相傳樓以外青松翠竹相環然池中清香冉冉撲鼻識者謂公正色立朝不伍權貴草木亦感其德表勁節幽芳以助山居勝概如康成之書帶草紫陽之君子荔云紹興八年書成進覽帝謂深得聖人之旨詔加寶文閣直學士當是時公獨坐秉筆深慮大義之莫明而思所以引君於當道其俯仰樓下徘徊樓中身山林而心魏闕憂國愛君之真誠猶可想見抑當王氏柄宋指麟經為斷爛朝報黜不列學宮極其意幾欲縱咸陽一炬公傳出而經旨益明朱子謂春秋極難領會胡氏雖不中不遠迄今傳炳如日星而樓以久而圯於風露

聖朝崇儒重道以公從祀孔庭頌祀書院歲春秋遣

官致祭樓雖不有庸何傷顧子孫之於祖父思其嗜好思其居處公嗜好春秋居處在斯樓其深後世之寤思者何極明御史錢公曰公在胡氏為族姓之祖在天下生民為倫常之祖在儒林為經書之祖讀書服古之儒觀樓址尚存猶興懷於遺蹟之不可沒況在其子孫哉歲辛巳合族復新公書院欲並斯樓而新之未果然懼其虛而終泯也謹記之俾知斯樓故址之所在且知斯樓之所由創望有志者起而建造之

南軒書院張栻字南軒父浚三奉詔居永州栻往來省侍受業於五峯胡宏之門又與朱子同遊講

學置書院於嶽山後

按南軒與朱子同遊僅十餘日何暇置書院於山後若係

後人所置意在景慕前賢則當朱張並稱今乃獨稱南軒竊意書院始受業五峯時所建

趙季西書院在安上峯有墨池池水色黑舊志

甘泉書院又名紫雲書院在衡嶽紫雲峯下明嘉

靖甲辰湛若水年八十有四自羅浮攜其門下士

遊衡山遂築室於紫雲之麓與衡士講學其中數

月乃去後十年甲寅年九十有四復來遊衡留數

日皓首童顏見者以為神仙中人湖廣通志

湛若水得鄰文定書院詩曠世有相感感亦何所

緣人為天地心一氣象渾然蘭桂遠芳馨德盛必

有鄰神明匪待玩息息而存存古今儒釋辨惟有

具眼人○卜築詩遙遙起天柱巍巍南臺下於茲

結雲松以卜我精舍芳鄰接五峯神明見中夜諸

子來端居無玩亦無捨○丙辰正月望由衡發舟

衡山縣志

卷十六

書院

五五

答諸君留行詩翁年九十一問翁何遠出新定

山居安土不自逸胡為凌風波恐干蛟龍窟答謝

父老燕人生貴適適丈夫志六合懷土非所恤我

屋衡山上天柱紫雲鬱十年未返廬多負此雲物

策杖念朋懷樂與話旬日廣大兼精微合同歸默

識○紫雲書院論同志詩驅車紫雲洞悲喜併時

陳留滯羅浮墟一落十餘年井地雖蕪穢老屋尚

僅存息存仍後殿心性猶堂前土直填地缺騫蘿

補天穿踈踏謁私祠俊逸何超全天堂接天柱嶂

岷撐穹元俯視若有餘迴合亦靡門如彼詣道者

循環而無端念我同心友坐進復渾淪相視有元

化默契以神傳萬化自流運太虛亦何言

明劉敬送湛甘泉歸南海序嘉靖甲辰秋甘泉先

生自南海來遊衡山是時翁年七十有八居數月

歡嘗為文賦四詩送翁歸自後數拜翁教札皆許

再遊憶翁高年以至為幸丙辰春翁壽躋九十有

一二二月二十四日黎明忽鵲噪茅簷翁高徒謝生

報翁至未幾翁親枉寒廬歡再拜見翁視聽聰明

步履清健丰采儀度一如夙昔知翁遐壽無量也蓋翁平日以理養心故心靜逸以志帥氣故氣順適靜則精神內固順則道體安和此所以高年瑞老能為衡山之遊也山川增重草木有光豈非南嶽一幸哉竊意宋文彥博以八十任中書魏高允以九十相國事漢張倉以百二十領度支唐李元爽以一十三入九老會翁年視文高已過其歷碩德重望不當在度支之末即使世有白樂天則亦駕胡杲元爽光九老之會矣惟翁講明道學更事三朝歷翰院宮輔國子祭酒擢大司馬冢宰敦歷中外乃今引年閒適於溪山煙雲之外鄙見以翁位端揆則丰采凝峻可以表儀朝著參機務則運籌帷幄可以決勝千里任師表則廉頑立懦可以風動多士所謂國有老成人非翁其誰耶草野閒情每懷此意為用人者獻也翁向南歸黻有詩茲再次顏字五韻送翁仙駕併續前序於左惟翁取其意而畧其詞云

蔣信甘泉精舍記由衡嶽廟西北行二里許為宋書院

衡山縣志

卷十六

書院

至六

胡康侯祠即其隱居著書之所由祠西北行數百步許有峯翺然伏而下垂曰紫雲峯其麓為古衡嶽觀廢址鞠為草莽殘石僅存其山脈發自祝融天柱歷南臺蜿蜒而來其左右支山若為龍虎蟠伏不去右支即康侯祠坐山也後峯當其左後為芙蓉峯者勢尤聳拔若將蔽護之者前峯環遶望之如展案其左脇有泉涓涓流而為澗遶石而前紆曲可愛其右脇則奇石峭立泉瀄其下此紫雲洞之大槩而衡嶽之最勝者也先生始解南京參贊歸途即謀徑赴衡嶽不果後謀別門人洪侍御覺山垣於韶因即至衡亦不果頃感信南遊之請遂自羅浮攜門人樂昌駱君堯知順德周君榮朱宜興黃君雲淡由西樵山拏舟微服而行不過其家亦不謀諸家人所過自僦民舟不合官府知之踰樂昌而柳舟僅容身從者多病居之裕如也將觀祝融之朝一望紫雲即指曰鍾秀之區無過於此不可以終吾老乎訊之道士始知為無主廢觀址焉約十餘畝遂計其直買諸官乃募乃闢乃構

乃築堂舍門墉踰月而次第告成講堂五間寢室
三間外大門一間二門三間墉垣周遭餘二百丈
右脇之岑鬱豁然中有大石如人坐題曰甘泉坐
石其旁有方石曰端默石洞曰甘泉洞其後與曰
甘泉上洞皆刻識巖石以寓鄉之泉石於目前示
不忘也遂買舍左冲蔣世興易冕等田二十二畝
與道士蔣明景贍修之供立籍載焉先生早承江
門陳白沙公之學公嘗寤寐衡嶽竟弗果而卒先
生有懷茲遊寢五十年於茲堂成又於其上築臺
別構以祠白沙公其中蓋先生與白沙公之志於
是併酬之矣若觀山之形勝康侯祠適居右支說
者謂時當故觀未廢康侯惡得有焉然則茲山之
靈顧不先有待與先生往嘗為詩遺門人李璽託
尋胡氏父子隱居處而卜鄰焉驗之今又已先符
於二三十年之前矣或問曰先生春秋已躋八十
南海之陬羅浮黃龍青霞蓮洞西樵諸勝何適非
樂而奚必於衡嶽眷眷爾也信應之曰非先生其
誰兼有此乎何居曰先生之道以六合為戶闢以

衡山縣志

卷十八

書院

七

秦華衡廬為顛脊以溟渤河漢為營衛以飛潛動
植為膚髮百體以寒暑晝夜為往來以一元闢闢
為終始是故自其為翰讀歷司成以陟卿座總畱
都忠懇謀猷疊疊不已進退之際亦或舉世非之
而不顧真猶孝子之於嚴君曷能一日而去諸而
忘諸退而龍蛇蟄藏忘著述於言語寄至樂於山
水飄乎若苞鳳之適意千仞而不知其身之老與
其地之遠蓋邵康節所謂真樂攻心不自由者豈
可以語人哉昔明道先生兄弟倡道河洛間得一
龜山道遂以南而傳之未有已焉先生不獲究志
於時因思得四方嚮道之士而裁之三晉之傑先
已自願移家來依者此又非先生之微志乎問者
曰然則何以能是曰先生不云乎求之勿忘勿助
之間至矣夫志助泯則一矣無物之至也心之本
體也是故明覺而自然大矣無物之至也心之本
與神故苟無得乎先生之學則曷可與語先生之
心之樂與其出處哉雖然先生得之白沙白沙得

之明道明道得之周子今世之士類知尊明道顧於此忽焉而莫信豈其有蔽之者與夫明乎聖學斯可與語天德而王道至治胥從之矣然則世移而論定先生茲堂安知不與衡嶽併重嘉慕而慎守之者將無已哉於是

甘泉書院田租

一湛甘泉自置書院左冲田二十二畝

一明知衡州府李燾重修書院增置海字二十二

區書院左側衡嶽冲田二百四十畝又增置九字

地名左家坪鉢子塘田三十畝嶽志

一楊宗憲宗點兄弟於康熙年間捐于字二十七

衡山縣志

卷十六

書院

五

區地名早禾冲田一百五十畝有碑記

按甘泉號若水取院側甘泉為號有重修書院記又有石刻遺像在院內門下士為駱堯知周榮朱黃雲淡舊志留數日計數月併存俟考

白沙書院在甘泉書院上明嘉靖中湛甘泉建祀

陳白沙名獻章一統志甘泉學於白沙以白沙嘗神

遊衡嶽未至卒建書院以祀之

陳白沙憶衡山詩二首身輕何處謝炊煙石洞松脂不計年尺牘已通南嶽主一丸還有白龍仙南嶽千尋雲萬尋丹青難寫夢中心人間鐵笛無吹處又向秋風寄此音
湛若水白沙先生祠記衡嶽白沙先生祠者何也門人水所建以奉白沙先師也先師非至衡曷為

乎祠之也先師之神遊恆在嶽也其諸異乎人之
至而神莫存也故其言曰腳踏祝融不復下矣其
決矣乎而曰皇皇靈芝一年三秀予獨何爲有志
不就其悲矣乎古人託棲必有深意其淵矣乎蓋
先生託深意決長往於衡嶽而悲未遂也方未衰
而親老親喪而已病矣則先生之神何嘗不在嶽
乎今夫人之魂何所不之乎而乃謂先生未到嶽
而不可祠乎茲者以甲辰九月五日走二千餘里
而來告神登嶽卽訪昔年沈中丞所謂先生卜築
之基於廟左曰卑矣隘矣非所以處先生矣及予
卜衡嶽精舍於天柱之南南臺之下雲龍之麓紫
雲之洞乃視講堂寢室之上有臺崇崇然曰高明
矣廣大矣宛若吾師之胷次人品可以處吾師矣
命門人茶陵羅國子子鍾朝嶽爲臺基鳩材募工
旬日而成祠祠三間而四壁窗櫺階砌畢具爲石
座於北壁以棲神佐之者鄉耆民曹鳳朝故成之
速也有問者曰夫先生之神無不在則吾旣聞之
矣而謂託棲之深意也何居曰其學乎曰學何學

衡山縣志

卷十六

書院

五

矣曰其高明乎其廣大乎何謂高明何謂廣大不
在乎他卽心也性也學也者學其心性也故高明
如天廣大如地天地合德固先生之學也其深也
乎夫先生始教水矣必有事焉而勿正心勿忘勿
助長所謂有事者終日乾乾事於此也勿正勿忘
勿助所以致之也曰敢問所謂勿忘勿助而有事
以致高明廣大者何居曰心之中正之大體也卽
所謂天理也昔先生之決我隨處體認天理之說
矣盡之矣或曰外也然乎曰天理在心乎在外乎
外天理者義外之流也或曰禪也然乎曰謂先生
禪者是未之學也禪者障理先生決我體認天理
之學何障理乎勿忘勿助本體自然何謂乎然則
孟子亦禪矣乎未知勿忘勿助之則者是未之學
也夫合外之者禪之者之謂之問而先生在其中
矣然則先生中正之學蓋明矣是譽也非謂也水
旣祠先生於南嶽之上以遂先生平生之志又推
孟子之說以明先生之學之中正而水生乎之志
兼遂之矣謹記於石以告來者若春秋祭祀則有

衡山門人國子楊生續行焉

明湛若水重修白沙書院記惟天作地藏神耀其
章乃不愛寶人謀其良乃嘉靖甲辰之冬甘泉子
積四十年之念乃登南嶽於天柱之峯南臺之下
得廢地一方於紫雲之洞材仍舊貫田置其冲乃
開大門乃設儀門乃圖心性之堂以為講地乃立
息存之堂以為寢室乃肇先師之祠以為景仰不
六旬而成今三月二十日又築祝聖之臺於紫雲
之巔以尊朝廷不三日而成且遠協嶽士謝知遠
是夜之夢皆非人力也迄今有十三年人曰書院
將廢矣以白督府汪中丞於贛上周潭公曰吾前
過而登焉知之矣即寓書於胡兵憲予分巡公共
之地將廢矣兵憲乃自以為功曰吾境內公共之
地吾事也公其歸焉吾自為之乃命陳大使相地
獻焉石屏公乃按圖指授焉曰自尊而卑從上而
下厥和惟敘乃指曰治彼於是匠石氏拾級而上
而祝聖之臺成又指曰乃修彼於是木灰瓦匠氏
新白沙先生之祠而前益以捲蓬焉拜謁有地而

衡山縣志

卷十八

書院

卒

尊師之祠成又指曰而修彼於是息存之堂成又
指曰而修彼亦為之增其灰瓦彩畫則止毋侈其
材又指曰乃飾彼於是彩匠氏因新之加之坊牌
而飾之而兵憲所題書院之門而儀門成又指曰
乃增彼簷仍舊獨加其上二尺有五寸於是石川
何憲副所題衡嶽達尊之門成又指大門儀門之
中曰汝授彼乃以井田分授道士明寶明勝明遠
應元應濟應初萬真明科八人各分一區合力公
田而歲寓米於廣東天關焉簡請高士曹上舍恭
為田峻以督其事又指汝牆彼於是土匠氏築牆
圍敬義進修二齋之後中分其間以處諸生兩齋
成甘泉子喟然嘆曰豈不躋哉豈不躋哉山谷詩
有曰古人治淡今人笑不圖於今見周潭中丞石
屏憲副之興廢舉墜不動官錢不勞民力而倏然
成大事與天下後世斯文之脈共之若有神助焉
乃為之記以告天下後世永永勿替夫過龍門者
當思神禹之功諸生居學於此其能勿思乎昔者
召公相宅周公成勤畢公盛德克勤小物汪胡二

公者非其人與非其人與觀其小大任將至矣
唐伯元重修白沙先生祠堂記古之君子擇其欲
以自安而推其欲以安天下夫欲之於人大矣得
則生不得則不生書曰惟天生民有欲是也在物
者也乃其所欲有甚於生者詩曰人之秉彜好是
懿德是也在我者也雖然孰爲物備於我矣孰爲
我體夫物矣故夫藏而神情朗懌見而言儀師表
欲以我矣實不離乎物居而食色宴樂出而祿位
勳名欲以物矣不知我亦於是乎辨辨之不早辨
也或僭焉或溺焉或私焉於是乎已與人交厲而
天下之物始至於必不可有若曰彼其僭也逆也
私也物之爲累也一切絕焉別求元虛槁寂之鄉
以爲我不知是亦欲而已矣即向所謂物者亦至
於必不可無即無之要不能一日而安天下故曰
己欲立而立人己欲達而達人己所不欲勿施於
人擇己所當而推人所同古之君子如是而已矣
蓋昔者夫子之於富貴嘗不處之矣以非道也嘗
浮雲之矣以非義也如其道與義夫子亦必安焉

衡山縣志

卷十八

書院

空

不辭至於老者安之少者懷之朋友先施之若是
其亟也是故無欲不足以爲聖人惟其擇且推而
後聖人之異於人始見夫既擇且推雖謂之無欲
可也然而聖人不言蓋其慎也至宋濂溪周子始
揭聖學之要而近代白沙陳子又從而表章之自
是無欲之說多膾炙於儒者獨泥言之士時或病
焉謂其近於元虛槁寂也則非二子立言之意矣
以無欲爲至者學之成要者學之始也夫無欲一
未易以始學言也甚矣周子之言高也然聖莫如
夫子矣不以不欲立人而已固欲立也不以不欲
達人而已固欲達也夫欲雖至聖不諱也甚矣陳
子之言近周子也若乃尙論其人則二子者皆所
謂神情朗懌言儀師表而又非必求於元虛槁寂
之鄉以爲我而絕物雖立言之高而不足以病二
子也此二子之道所以不詭聖人必傳於世而不
廢也陳子老於白沙每以衡山之遊不果爲憾沒
且一紀其門人湛文簡氏年九十餘始遊衡山爲

書院祀陳子於其山之麓未幾文簡氏沒得併祀其中又二十年書院改爲祠且圮會其州刺史李君燾至則重修之增置祠租百石而更定其位次於是祠肇新而師弟子儼然於一堂之上蓋其規畫愈詳而觀綦美矣工既訖州刺史則貽元書曰燾生也後不及見陳子幸與邦人修其祠事庶幾夙心乃往者茲祠以易扁得存既而程工就飭蓋黃司理齊賢龔衛募良相後先署衡山爲之非一人力也先賢名嶽併增而高缺記不可嗟夫衡山之遊陳子之欲也祠始於文簡氏而重修於今日幾廢復興則夫人而同欲也詩有之高山仰止景行行止況元與刺史俱生陳子之鄉而近其世者乎通乎是欲之說而後陳子之表章無欲與聖人所以不言無欲者可求而知學者能由其言而得其所不言則善學聖者也

東廓書院湖廣通志明鄒守益號東廓嘉靖中講

衡山縣志

卷十六

書院

三

學石鼓建書院於南臺寺左著教言二十五篇邑

舊志東廓子善孫德溥俱以文章儒術著名隆萬

間先後來遊南嶽皆有詩記

東廓書院田租

九字七區地名楊柳冲觀音塘田一百二十畝糧

一十七畝零

九龍書院省志在嶽路九龍泉明萬曆十三年知

縣單仲禮建

按邑志職官仲禮萬曆三十二年任十三年上畏三任

景行書院邑舊志在嶽廟街右

國朝順治九年邑人合建以祀樞巡張兆熊郡丞趙廷標

書院總考

衡邑書院甚多載在省志者有十六焉曰雯峯曰南嶽曰集賢曰明道曰觀湘曰文昌曰白山曰中洲曰韋宙曰清獻曰文定曰南軒曰白沙曰甘泉曰東廓曰九龍是也載在邑志者有十八焉惟無南嶽因南嶽改爲集賢故也若盧藩若趙季西若景行省志無邑志有者也十八書院中惟雯峯集

衡山縣志

卷十六

書院

六十三

賢與清獻有興無廢其他皆有興廢如韋宙盧藩南軒趙季西白沙甘泉東廓九龍景行九書院今俱爲餼羊如明道文昌白山中洲四書院乾隆初均創於縣令德貴觀湘亦於是時爲德興復合文定爲六書院皆於乾隆二十一年廢田租併於雯峯集賢其後觀湘中洲白山文定四書院皆漸次興中洲興則改爲文炳觀湘興則與雯峯集賢併稱三書院焉三書院田租初屬儒學繼改屬縣飭禮科司出入山長束脩錢雯峯一百二十千文集

賢一百零八千文觀湘六十四千文生童膏火雯
峯集賢正課每名二千四百文觀湘正課每名一
千六百文道光二十二年丁寅廖康強等呈請更
定章程雯峯集賢正課膏火錢七千二百文觀湘
仍舊咸豐五年學租改歸紳士經理十年縣令姚
培飭邑紳勸捐增置田租四百餘石時山長居院
生童任齋正課每月膏火錢八百文米三斗甄別
取錄在齋外應課者膏火如數米與半附課止給
米三斗踰年罷改厥規每名膏火錢正課九千六

衡山縣志

卷十六

書院

十四

百文附課四千八百文同治八年縣令李維丙由
漕項餘秤內捐錢八百千文生童任齋者於學租
項內已給膏火外每月每名各加錢一千五百文
三書院山長每歲各加薪水錢二十千文申詳立
案酌定條規刊石雯峯書院講堂側接任郭令慶
颺徐令淦嵇令有慶勞令銘勛熊令鎮南於山長
薪水又捐廉每歲各加錢二十千文其時肄業者
雲集房舍幾不能容書院於茲稱盛焉

景泗書院在宗字十六區地名馬跡橋距縣治八

十里

國朝道光十五年里中紳士合建

此係新建不在十里書院之中故次書院

總考

邑人王香蔚新修景泗書院記衡嶽位鎮南方去
洙泗數千里而遙學士生今之世後洙泗設教時
又歷數千百年之久處此遐陬未能登其堂親炙
德容而顧取其樂育之地以名鄉塾似近於誕然
地之相去雖千有餘里世之相後雖千有餘歲而
洙泗之道要自彌綸六合彪炳千秋孟子而後得
洙泗之傳者惟宋儒宋儒之有功於道學者二程
而外則惟朱張朱張同時遊嶽過化存神南方之
士多闡明道學衡嶽有小洙泗之稱焉書院之取
名於泗固有因而云然似誕而實非誕也吾邑鄉
先輩二十餘人訂金蘭譜共奉祀文昌醮金為
祭資以所餘置祀田百畝同人謀建書院於田心

衡山縣志

卷十八

書院

空五

上游右繞蓮花峯左依馬跡橋與朱張祠相接踵
流風餘韻猶存却壑間小洙泗誠在茲矣夫孔子
之道明於孟子孔子孟既往復闡於朱張朱張雖沒
其道未墜踐履憑眺之區不啻遊其門牆今書院
顏之日景泗是泗水儼然在望高山仰止景行行
止其在是矣故中室崇祀至聖環左右者文昌關
帝講堂則奎星位焉蓋欲以科名之事發文章道
德之光泗水之澤遠而長悠而久固不得以時地
限之也

義學

省志衡山有義學五所經費額置田租四百餘石

縣令范元颺建

按邑志職官范令乾隆四十二年任相去未遠何義學失處田租亦

不可考

嘉慶十五年縣令劉體重捐廉於縣治望嶽門外
左側置買屋宇建義學爲館師束脩費舊志原入社學查禮
科案卷稱義學事雖廢名宜仍舊後因義學虛懸
道光六年邑紳呈請將屋變價爲重修觀湘書院
費田租亦歸書院

社學

衡山原額社學十所城南依田廟前吳集草市沙
泉白果雷家埠平頭村皇華站今俱廢

